

ciant homines, eam et vos facile illis (*Math. vii, 12*). Quae autem vultis ut vobis homines faciant, nisi bona? Si autem mala vobis faciant, non quae vultis faciunt. Ergo et vos, si malum pro malo reddatis, quia non ea facitis hominibus quae vultis ut faciant vobis, non utique facitis quod Christus præcepit, sed quod diabolus persuasit. Quapropter ut justitiam faciatis quam præcepit Christus, hoc impendite unicuique homini, quod vobis ab omnibus hominibus desideratis impendi. Sic facietis judicium et justitiam, de quibus nos propheta beatus admonuit. Facietis enim judicium, si peccata vestra poenitendo damnatis, et damnando peccata bene vivatis. Facietis autem justitiam, si nulli malum pro malo reddatis, sed omnibus hominibus bona faciatis. Hoc utique commendat Apostolus dicens: *Videte ne quis malum pro malo aliquai reddat, sed semper quod bonum est sectamini invicem, et in omnes* (*I Thess. v, 15*)

8. Quia vero bona opera tunc bene et utiliter flunt, cum de bona voluntate procedunt, propterea cum propheta dixisset debere nos facere judicium et justitiam, addidit: *Et diligere misericordiam*. Quia misericordiam maxime debent sublimes humilibus impendere, et divites pauperibus prærogare. Hæc autem misericordia duobus impenditur modis: cum peccanti et correctionem pollicenti venia datur, et cum indigenti quod est necessarium non negatur. Ad hujus misericordiae pertinet partes, ut superior inferiorem non opprimat, sed cum justitia defendat, et dives pauperi nihil auferat, sed pauperem pascat et vestiat: ut pauperi non insidetur, sed eum potius suis beneficiis consoletur. Quid ergo est quod se inflat homo fragilis et mortalis? quid superbit terra et cenis? quid se super pauperem dives superbus extollit? quare pauperem despicit? quare pauperem premit? **576** quare pauperi panem, aut tenacitate non tribuit, aut rapacitatem subducit, et illi cui debet de suo multum misericorditer aliquid dare, modicum quod habet crudeliter conatur auferre? Existimat quia cum pauperem gravat, seipsum relevet: arbitratur quia cum pauperem tribulat, sibi boni aliquid

* Hæc vox aliquid videtur redundare.

A præstet. Et nescit quia cum pauperem premit, sibi gravissimum pondus imponit, nec attendit quia si quid de paupere cogitat, de seipso cogitat. Sibi enim bonum impedit, quando pauperi bonum facit. Si autem malum cogitat facere pauperi, plus nocebit sibi quam pauperi.

9. Bonum igitur faciat dives pauperi, et proderit sibi. Diligat misericordiam, et eam pauperi semper impendat, ut ipse misericordiam in die tribulationis (*forte retributionis*) inveniat. Sic se cogitet super hominem pauperem positum, ut meminerit se sub Deo divite constitutum. Non ergo dubitet homini pauperi misericordiam facere, quam a Deo divite delectatur accipere. Recordetur esse Deum judicem, qui habet æternam in omnibus potestatem. Ille enim videt omnium facta, ipse reddet unicuique secundum opera sua (*Math. xvi, 27*). Unde veraciter dicitur, quia *Judicium sine misericordia illi qui non fecit misericordiam* (*Jac. ii, 13*), et *Beati misericordes, quoniam ipsi misericordiam consequentur* (*Math. v, 7*).

10. Faciamus ergo judicium et justitiam, diligamus misericordiam. Cum autem judicium et justitiam facimus, misericordiam diligimus, cum Deo nostro sollicite ambulamus. Ambulat autem cum Deo qui bonis moribus et operibus proficit, qui coelestia terrenis, et æterna temporalibus anteponit. Sed oportet ut unusquisque sollicitus ambulet: id est, ut non altum sapiat, sed timeat; ut superbiam fugiat, et boni nihil suis meritis tribuat, sed in omnibus que bene egerit, Dei gratiam recognoscat. Ista sollicitudo facit hominem cum Christo per viam humilitatis incedere et ad regni coelestis altitudinem pervenire. Conversi ergo ad Dominum pariter ejus misericordiam deprecemur, ut nobis suam gratiam largiat, qua possimus in nobis ipsis judicium rectum tenere, justitiam cæteris exhibere, et, diligentes misericordiam, non opprimere pauperes, sed sovere: ut in conspectu Dei, cui misericordiam judiciumque cantamus (*Psal. c, 1*), superexaltantem judicio misericordiam invenire possimus.

FIDEI CATHOLICÆ INSTRUMENTA,

EXCERPTA DE LIBRIS S. FULGENTII

*Contra Gesta quæ adversus eum Fabianus
hæreticus falsa confinxit.*

EX LIBRO I. DE UNO ALTISSIMO, PARACLETO, NUNTIO, DOCTORE ET JUDICE.

577 FRAGMENTUM I.

Filius et Deus est, et altissimus, et vita ut Pater: eadem quoque cum Patre, et similiter facit.

Miror autem, cum ex illis nominibus atque operi-

D bus, pro tuo libitu, Filii et Spiritus sancti merita metiaris, quomodo non etiam nomina illa operaque consideres, quibus Patris et Filii una celsitudo naturalis ostenditur. Nam dum dicitur: *In principio era*

Verbum, et Verbum erat apud Deum, et Deus erat Verbum (Joan. i, 1); in nibili nomen Filii a nomine Patris minus esse cognoscitur; cum sicut Pater, ita et Filius, Dei nomine non privatur. Item Patrem novimus altissimum dici, sed Filium quoque certum est hoc nomine nuncupari. Nam Patrem invenitur Gabriel angelus ad Mariam loquens, altissimum nuncupare, 578 cum dicit: Ecce accipies in utero et paries filium, et vocabis nomen ejus Iesum. Hic erit magnus, et Filius Altissimi vocabitur (Luc. i, 31; 32). De ipso vero Filio beatus David divina repletus inspiratione sic cecinit: Mater Sion dicit: Homo factus est in ea, et ipse fundavit eam Altissimus (Psal. lxxxvi, 5). Quis autem operum unitatem in Patre et Filio dene-gare audeat, cum ipse Filius eadem opera esse et sua simul et Patris ostendat? Ait enim: Quæcumque Pater facit, hæc eadem et Filius facit similiter (Joan. v, 19). Ubi ostendit inter Patrem et Filium divinæ operationis officia, nec dissimilia esse aliquatenus, nec divisa. Qui enim eadem et similiter facit, sicut non alia, sic non aliter facit; dum vero quæcumque Pater facit, hæc eadem et Filius facit similiter; sicut nihil est in operatione divisum, sic nihil est in virtute diversum. Concordat ergo Patris et Filii una natura in unitate operis, et in operationis similitudine una resulget omnipotentia deitatis. Quod si alter Deus esset Filius, non eadem quæ Pater facit et ipse saceret; si vero minor esset deitas Filii, quæ facit eadem, similiter non fecisset: sed dum eadē sunt Patris et Filii opera, a Patre et Filio similiter facta, indubitanter agnoscitur una Patris Filiique natura. Audi adhuc naturalem Patris et Filii, tam in nominibus quam in operibus unitatem. Dicit enim Filius: Sicut habet Pater vitam in semetipso, sic dedit et Filio vitam habere in semetipso (Ibid., 26). Hoc autem est Patrem Filio vitam dedisse, quod est vitam Filium genuisse. Dedit enim Pater Filio vitam habere in semetipso, sed sicut Pater, jure generationis, non munere largitatis. Et vide qualiter dedit Filio vitam habere in semetipso, sicut habet utique Pater vitam in semetipso. Habet autem Pater vitam in semetipso, quia est naturaliter vita: proinde et Filio habere vitam in semetipso dedit, quia Filium vitam naturaliter genuit. Ideo beatus Joannes vitam Filium non desinit prædicare, dicens de illo: Hic est verus Deus, et vita æterna (I Joan. v, 20). Alio quoque loco sicut vitam dicit Patrem, sic vitam dicit et Filium; ait enim: Quod erat ab initio, quod audivimus, quod vidimus oculis nostris, quod inspezimus, et manus nostræ correctaverunt de Verbo vitae (I Joan. i, 1). Scimus autem Verbum Patris esse Filium. Cum ergo Verbum vitae dicitur Filius, Patrem videmus vitæ nomine prædicari. Ipsum vero Verbum vitæ, vitam in subsequentibus nominat dicens: Et vita palam facta est, et vidimus, et testamur, et annuntiamus vobis vitam æternam quæ erat apud Patrem, et palam facta est nobis (Ibid., 2). Ecce vita Pater, vita Filius dicitur: quia et Verbum vitæ, et vita Filius prædicatur: ac per hoc unitas nominis in Patre Filioque naturaliter non discrepat; unde utique consequenter unitas

A quoque operum naturali majestate concordat; ipso Filio dicente: Sicut enim Pater suscitat mortuos et vivificat, sic et Filius quos vult vivificat (Joan. v, 21). Hoc autem dicens, et unitatem, et perfectam potestatem paternæ ac suæ voluntatis ostendit. Non est hic ergo voluntas infirmi, non est opus inviti. Filius enim quos vult vivificat; sed illos procul dubio vivificat Filius quos vivificat Pater: quæcumque enim Pater facit, hæc et Filius facit. Sic etiam quos vult Filius vivificat, 579 sicut Pater quos vult vivificat: quæcumque enim Pater facit, non solum eadem facit Filius, sed et similiter facit. In hac unitate operis, una voluntas est naturalis. Nam si ea quæ Pater volens facit, invitū facere dicitur Filius, eadem quidem facit, sed non similiter facit: sed Veritas dicit quia B et eadem et similiter facit. Agnoscatur ergo naturalis unitas, et majestatis æqualitas, ubi nec in opere, nec in voluntate potest esse diversitas. Cur igitur diversitatem naturæ, et nescio quam inæqualitatem Patris ac Filii, ex illis quæ posuisti nominibus atque operibus asseris, et æqualitatem Patris ac Filii ex istis quæ commemoravi nominibus atque operibus nota agnoscis?

FRAGMENTUM II

Deus Pater etiam Paracletus.

Tu quippe dixisti quia Deus Pater, qui nullo minor, nullique subjectus est, illa omni humilitate operum ac noniniuum caret. Ac primum cognosce quod Deus Pater non carget Paracleti opere, ut ex hoc discas non certare de nomine. Etenim si in Patre opus hujus nominis invenerimus, necesse non erit ut de nomine demonstrando aliquid disputemus. Paracletus in Latina lingua, non solum Advocatus, verum etiam Consolator dicitur. Audi ergo quid Apostolus de Deo Patre dicat, et ex vero consolationis opere veritatem Dei consolatoris agnosce. Apostolus nempe scribens ad Corinthios ita dicit: Benedictus Deus et Pater Domini nostri Iesu Christi, Pater misericordiarum, et Deus totius consolationis, qui consolatur nos in omni tribulatione nostra (II Cor. i, 3). Quod in Graeco sic habetur: Εὐλογητὸς ὁ Θεὸς καὶ Πατὴρ τοῦ Κυρίου Ἰησοῦ Χριστοῦ, ὁ Πατὴρ τῶν οἰκτιρμῶν καὶ Θεὸς πάσῃς παραχλήσεως, ὁ παρακαλῶν ὑμᾶς ἐπὶ πάσῃ τῇ θλίψει ἡμῶν (in Bibl. υμῶν). Ubi consolationi Patris consolationem quoque Filii conjungens, post paululum dicit: Quoniam sicut abundant passiones Christi in nobis, ita et per Christum abundant consolationes nostra (Ibid., 5). Ne vero Patris et Filii consolationem diversam in nobis vel divisam existimes, audi quid ipse beatus Apostolus Thessalonicensibus scribat. Dicit enim: Ipse autem Dominus noster Jesus Christus, et Deus et Pater noster, qui dilexit nos, et dedit consolationem æternam, et spem bonam in gratia, consolatur corda vestra, et confirmet in omni opere et sermone bono (II Thess. ii, 16). Quod autem hic posui, consolatur, nonnulli codices Latini exhortetur habent; sed sive hoc sit, sive illud, quia et consolatio et exhortatio apud Graecos παραχλῆσις dicitur, ideo nos hoc posuimus ut unam consolationem sive exhorta-

tionem Patris Filiique monstremus. Nam et apud Latinos uterque sermo in sono quidem distat, sed in sensu concordat. Quippe omnis consolator non aliud agit quam ut animam ejus quem consolatur ad spem proventus melioris hortetur. Itaque quamvis **580** sit exhortatio quæ non videatur consolationis egere, non tamen est consolatio quæ exhortationis sermone non egeat. Ille igitur locus in Graeco sic continetur eloquio: Αὐτὸς δὲ ὁ κύριος ὑμῶν (in Bibl. ὑμῶν) Ἰησοῦς Χριστός, καὶ ὁ Θεός καὶ Πατὴρ ὑμῶν, ὁ ἀγαπώντας ὑμᾶς, καὶ διδόντας (in Bibl. δοὺς) παρακλησιν αἰωνίαν, καὶ ἐλπίδα ἀγαθήν ἐν χάριτι, παρακαλέσαι ὑμῶν τὰς καρδίας, καὶ στηρίξαι ὑμᾶς ἐν πάντι λογῷ καὶ ἐργῷ ἀγαθῷ. Illum quoque locum diligenter attende, in quo Philippensibus scribens Apostolus, ait: *Si qua ergo consolatio in Christo (Philip. ii, 1); et invenies ita positum: Εἴ τις οὖν παράκλησις ἐν Χριστῷ. Sancti quoque Spiritus consolationem, sanctæ collatam Ecclesiæ, divina Scriptura non tacuit. Dictum est enim in libro Actuum apostolorum: Ecclesia quidem per totam Judæam, et Galilæam, et Samariam, habebat pacem; et ædificabatur ambulans in timore Domini, et consolatione sancti Spiritus replebatur (Act. ix, 31). Quod in Graeco sic continetur: Αἱ μὲν οὖν Ἐκκλησίαι καθ' ὅλης τῆς Ιουδαίας, καὶ Γαλιλαίας, καὶ Σαμαρείας εἰχον εἰρήνην, οἰκοδομούμεναι καὶ πορευόμεναι τῷ φόβῳ τοῦ Κυρίου, καὶ τῷ παρακλήσει τοῦ ἀγίου Πνεύματος ἐπληθύνοντο.* Quomodo ergo consolator Pater negatur, qui suum populum consolatur? Ipse est enim, sicut supra dictum est, *Pater misericordiarum, et Deus totius consolationis, qui consolatur nos in omni tribulatione nostra (II Cor. i, 3).* Agnosce ergo Deum Patrem consolatorem nostrum in opere, et disce non inaniter certare de nomine. Quod si pertinaciter negare non desiris, tibi consolationis ejus beneficium denegabis. Sed cave ne quem consolatorem negas, experiaris ultorem.

FRAGMENTUM III.

Et angeli seu nuntii, et doctoris, et judicis officia, Patri et Spiritui sancto communia sunt. Differt subministratio a ministerio.

Miror autem quomodo Filio et Spiritui sancto verbis præscribere de nomine nuntii, quasi ex hoc se quisquam ostendat minorem, si suam in quolibet opere nuntiet ignorantibus voluntatem. Quanquam nomen nuntii, qui Graece angelus dicitur, in solo Filio valeat inveniri. Ipse enim dicitur *magni consilii Angelus* (*Isa. ix, 5*). Cæterum in Spiritu sancto quamvis opus annuntiationis invenias, angelum tamen dici Spiritum sanctum puto te reperire non posse. Filius ergo dictus est *magni consilii Angelus*: quod tamen consilium non fuit solius Patris, sed erat consilium Trinitatis. Nam ipse Filius, sicut dictus est *magni consilii Angelus*, ita dicitur *admirabilis, consiliarius*. Spiritus quoque sanctus ipse est *Spiritus sapientiae et intellectus, consilii et fortitudinis* (*Isa. xi, 2*). Magni ergo consilii Angelus solus dicitur Filius; sed opus annuntiationis nec a Patre alienum est, nec a Spiritu **581** sancto.* A Deo nūisque Patre ca quæ ad

A salutem nostram pertinent, annuntiata monstrantur. Quid enim mundo potuit esse salubrius quam Christi Salvatoris adventus? quem tamen se Pater in hominibus annuntiasse testatur: dicit enim per Amos prophetam: *Quia ecce ego firmans tonitrum, et creans Spiritum et annuntians in hominibus Christum suum* (Amos iv, 13). Utique non nisi persona Dei Patris accipitur: unde dicit sanctus Lucas evangelista quia cum Dei Filius dixisset: *Vos autem quem me esse dicitis? respondens Simon Petrus dixit, Christum Dei* (Luc. ix, 20). Ne quis vero audiens Deum dicentem: *Quia ecce ego firmans tonitrum, et creans spiritum*, ex hoc creatum asserere velit Spiritum sanctum, quem constat esse rerum omnium creatorum; illud attendat, quia si de sancto Spiritu in hoc loco aliquid esset accipiendum, non utique tonitrum fuisse nominatum. Dicitur autem: *Ecce ego firmans tonitrum et creans spiritum*: quod si secundum litteram voluerit quisquam percipere, non est aliud quod hic nomine spiritus accipiat possum esse, quam ventum, qui etiam in psalmo dicitur *spiritus tempestatis* (Psal. x, 7): præsertim quia præmisit tonitrum, quod utique tunc assolet fieri, quando nubes ventis flantibus congregantur. Verum tamen quia hoc propheticō loco magis intellectus convenit spiritualis (maxime quia cum dixisset: *Ecce ego firmans tonitrum, et creans spiritum*; continuo addidit, *et annuntians in hominibus Christum suum*), digne hic accipiamus prophetatum apostolica prædicationis officium. Ipsam quippe prædicationem tonitrum nominavit, de qua et beatus David dicit: *Vox tonitruī tui in rota* (Psal. lxxvi, 19): id est, Vox prædicationis tute in orbem terrarum. Rota quippe nomine orbem significavit: nam et rota orbis est, unde rotæ parvulae orbiculi appellantur; et via rotæ dicitur orbita, id est orbis semita. Firmavit ergo Deus tonitrum, firmans evangelicam prædicationem: creavit spiritum, faciens spiritales Evangelii prædicatores; et annuntiavit in hominibus Christum suum, per dispensationem scilicet Testamenti Novi. Cum ergo et Patri et Filio et Spiritui sancto opus annuntiationis videoe convenire, quid est quod vocabulis queris differentiam demonstrare, cum tamen, solum Filium iuyenias angelum dici? Cæterum in persona Spiritus sancti non facile quisquam hoc possit invenire vocabulum. Si ergo de nomine quæstionem moves, non habes quod objicias Spiritui sancto, ut eum minorem asseras Filio, cum angeli nomine magis inveniatur Scriptura sancta Filium nuncupare. Sed si angeli vocabulum, non secundum divinitatem, sed secundum carnem Filio asseris assignandum, noli ergo a divinitate Patris diversam dicere divinitatem Filii, cum angeli vocabulum non dicas divinitati ejus convenire, sed carni. Si vero, quod congruum magis est, non nomen operis, sed ipsum opus attendis, communis invenitur annuntiatio Trinitatis. Attende igitur illum sermonem Domini Salvatoris, quem ad discipulos habuit, quando eis Paracleti promisit adventum; et hoc in eo accipe, ad quod eum cognoveris advenisse. Ante suam quippe

Dominus passionem, ad docendum venturum discipulis Paracletum Spiritum eo loco predixit, ubi a Patre **582** simul et a Filio ipsum Paracletum mitendum esse promisit. Ait enim : *Paracletus enim Spiritus sanctus, quem mittet Pater in nomine meo, ille vos docebit omnia quaecunque dixerim vobis (Joan. xiv, 26.)* Docebit vos utique, ait, non postulabit pro vobis. Item in codem sermone : *Cum autem venerit Paracletus quem ego mittam in vos a Patre, Spiritum veritatis qui a Patre procedit, ille testimonium perhibebit de me (Joan. xv, 26);* et iterum : *Adhuc multa habeo vobis dicere, sed non potestis portare modo. Cum autem venerit ille Spiritus veritatis, docebit vos omnem veritatem (Joan. xvi, 12).* Ubi ex ipsa similitudine operis ostensa est communio deitatis. Docet enim Ios Pater, Domino dicente : *Est scriptum in prophetis : Et erunt omnes docibiles Dei. Omnis qui audivit a Patre et didicit, venit ad me (Isa. liv, 13).* Docet et Filius de quo scriptum est, quia accesserunt ad eum discipuli ejus, et aperiens os suum docebat eos (Matth. v, 1, 2). Docet nos etiam Spiritus sanctus, sicut superius ex verbis ipsius Filii Dei docuimus. Inde est quod etiam beatus Paulus doctrinæ sancti Spiritus omne opus suæ predicationis assignat, dicens : *Quis enim scit hominum quæ sunt hominis, nisi spiritus hominis qui in ipso est? Ita et quæ Dei sunt nemo cognovit, nisi Spiritus Dei. Nos autem non spiritum mundi accepimus, sed Spiritum qui ex Deo est, ut sciamus quæ a Deo donata sunt nobis. Quæ et loquimur, non in doctis humanæ sapientiae verbis, sed in doctrina Spiritus (I Cor. ii, 14, 12, 13).* Hanc C Spiritus sancti doctrinam beatus Paulus insiuuat, ipsum Spiritum sanctum nomine significans unctionis. Sic enim ait : *Hoc scribo vobis de his qui seducunt vos. Et vos unctionem quam accepistis ab eo, maneat in vobis. Et non necesse habetis ut aliquis doceat vos; sed sicut unctionis ejus docet vos de omnibus, et verum est, et non est mendacium (Joan. ii, 26).* Haec dicta sint a nobis, quia voluisti Spiritui sancto Advocati nomen objicere, pro eo quod eum Dominus Jesus Paracletum nominavit; ut ostendemus cuius operis gratia dixerit Dominus Paracletum suisse venturum. Nam quoniam doctor ipse a discipulis corporaliter discedebat, doctorem illis utique promittebat : et vide qualem doctorem, qui eis et scientiam tribueret, et virtutem. De ipso quippe ait discipulis : *Vos autem sedete in civitate, donec induamini virtute ex alto (Luc. xxiv, 49);* et iterum dicit : *Accipietis virtutem supervenientis Spiritus sancti in vos (Act. i, 8).* Ipse itaque Spiritus veniens, sicut tribuit cognitionem, ita contulit firmitatem. Propterea scriptum est de discipulis : *Et repleti sunt omnes Spiritu sancto, et loquebantur verbum Dei cum fiducia (Act. iv, 31).* Dic minorem doctorem, si doctrinam ejus qualibet philosophia vicit : dic minorem doctorem, si ab illo firmatos regum saevitiam superavit. Ministrum vero nescio utrum alicubi dictum invenire poteris Spiritum sanctum. Et ne tuæ assertioni de illo Apostoli loco aliquid juvaminis reprobillas, in quo Philippensibus scribens ait : *Scio enim quoniam*

A hoc mihi proveniet in salutem, per vestram orationem et subministrationem Spiritus Iesu Christi (Philip. i, 19). Puto quod homo, qui te Latinitatis peritum esse commemoras, prorsus novers non hoc esse subministrare, quod est ministrare. Quia in uno horum obsequium humilitatis, in altero autem indicium abundat **583** ac potestatis ostenditur. A ministrante quippe obsequium redditur, a subministrante vero subsidium prærogatur. Nam dic mihi, quæso, cum Apostolus dixisset hominibus : *Scio quia mihi proveniet in salutem, per vestram orationem;* in qua oratione utique non illorum ministerium, sed adjutorium expectabat, sicut alibi ostendit, dicens : *Obsecro igitur fratres, per caritatem Spiritus, ut adjuretis me in orationibus pro me ad Deum (Rom. xv, 30);* cum B ergo, sicut dixi, orationem fidelium beatus Paulus in adjutorium expectaret, quid opus fuit ut adjungeret, *Et subministrationem Spiritus Iesu Christi?* nisi quia voluit ostendere quod orationi fidelium Spiritus sanctus largiatur effectum, dum his a quibus vel pro quibus oratur subministrat auxilium : non hoc faciens servilis conditionis obsequio, sed divinæ, quam cum Patre et Filio unam naturaliter habet, imperio potestatis. Quod ut manifestius noversis, veritatem tibi etiam in hoc loco Græca ingeram lectionis. Scribens enim beatus Paulus ad Timotheum, inter alia dicit : *Marcum assume, et adduc tecum : est enim mihi utilis in ministerium : quod in Græco sic habetur : Μάρκον ἀναλαβὼν ἄγεις (in Bibl. ἄγεις) μετὰ σωτῆρος ἐστὶ ράμπος εἰς διακονίαν (II Tim. iv, 11).* Vides nempe hic ab Apostolo ministerium διακονία dicī. In illo autem loco ait : *Per vestram orationem et subministrationem Spiritus Iesu Christi, in Græco positum est, διὰ τῆς ὑμῶν δέσποτων, καὶ ἐπιχορυφίας τοῦ πνεύματος Ἰησοῦ Χριστοῦ (Philip. i, 19).* Nonne manifestum est, non hoc esse διακονία, quod est χορηγία? Audi et aliud de beati Petri Epistola manifestius documentum, quo et administrationem, id est χορηγία, non esse creature, sed Creatoris agnoscas; et ex administrationis nomine, Spiritum sanctum non aliud esse quam Deum, sine aliqua caligine dubitationis intelligas. Dicit enim beatus Petrus : *Hospitales inter vos sine murmuratione : unusquisque qualem accepit gratiam, inter vos illam ministrantes, ut boni dispensatores multiformis gratiae Dei. Si quis loquitur, tanquam sermones Dei : si quis ministrat, tanquam ex virtute, quam administrat Deus.* Quod in Græco sic habetur : *Φιλόξενος εἰς ἀλλήλους ἄνευ γοργοσμῶν, ἔκποτος καθὼς ἔλατος χάρωμα, εἰς ἔντονος αὐτὸς διακονοῦσσε, οὐ καλοὶ οἰκονόμοι πεικίδες χάριτος Θεοῦ. Εἴ τις λαλεῖ, οὐ λόγια Θεοῦ· εἴ τις διακονεῖ, οὐδὲ ίσχύος ὡς (in Bibl. ἴσχυρεῖς ὡς Θεος (I Petr. iv, 9)).* Ex his locis, quæ magis Græco quam Latino discernuntur eloquio, ministerium ad operationem humanam, administratio vero sive subministratio ad divinam cognoscitur gratiam pertinere. Hoc est itaque Spiritui sancto subministrare, quod est sufficientiam dare. Cum enim Deus virtutem administrat, sufficientiam donat. Quam sufficientiam non ex nobis, sed ex Deo esse beatus Apolustolus docens : *Sufficientia, inquit, nostra ex Deo sit,*

qui et idoneos nos fecit ministros Novi Testamenti, non littera, sed spiritu (II Cor. iii, 5, 6). Ostendens autem ministerium suum, curavit etiam subministracionem sancti Spiritus demonstrare, dicens : *Littera enim occidit, Spiritus autem vivificat* (*Ibidem*). Visum vero tibi est, Deum Patrem judicem dicere, quasi non hoc sit et Filius et Spiritus sanctus. An nescis ab

A Apostolo dictum : *Testificor coram Deo, et Christo Iesu, qui judicaturus est viros ac mortuos, et per adventum ipsius, et regnum ipsius* (II Tim. iv, 1). De Spiritu autem 584 sancto ipse Filius dicit, quia arguet mundum de peccato, et de justitia et de judicio (Joan. xvi, 8).

EX LIBRO II. DE OFFICIS POSTULANDI, GEMENDI ET ORANDI IN CHRISTO ET SPIRITU SANCTO.

FRAGMENTUM IV.

In Christo duae naturae, persona unica.

Nos confitentes Christum Filium Dei vivi (quod eum confessus est apostolus Petrus, et ab ipso Salvatore (*Math. xvi, 16, 17*), confessionis hujus gratia meruit vocari beatus), unum eundemque Filium Dei atque hominis credimus : et in eo paternae maternaeque substantiae naturalem cognoscentes certissime veritatem ; sicut utramque naturam in eo non findimus, sic etiam nullatenus separamus. Hoc quippe in Nestorianis catholica culpat et condemnat Ecclesia ; qui maxime in hoc errant, in quo propter geminam Christi substantiam volunt in eo geminare personam ; ut aliam dicant ad Filium Dei, aliam vero ad Filium hominis pertinere : cum unus idemque sit Dei et hominis Filius, de Deo Patre Verbum Deus, et de Virgine matre Verbum caro factum, id est Deus homo veraciter natus : qui formam servi accipiens, in qua de matre fieret homo verus, nihil amisit in illa forma Dei, in qua cum Patre unus est naturaliter Deus ; et cum semetipsum exinanivit, suis permansit divitiis plenus ; et cum se humiliavit, non destitit esse quod erat, semper Altissimus. Unde sic etiam factus est obediens usque ad mortem, mortem autem crucis (*Philip. ii, 8*), ut in opere obedientialis jura non amitteret proprie potestatis. Proinde, et cum mortuus est, nihilominus Deus verus et vita eterna esse non destitit ; et cum ignominiam crucis humili corde portavit, Dominus glorie inaestatisque permansit.

FRAGMENTUM V.

Quomodo gemat aut postuleat Spiritus sanctus.

Secundum rectam itaque catholicæ fidei regulam, non ita debet accipi quod Spiritus sanctus gemat : cum utique gemitus, non solum naturæ divinæ, quam Spiritus sanctus habet, sed nec angelicæ beatitudini, quam ex dono Trinitatis sancti angeli cognoscuntur habere, conveniat. Unde illo modo recte accipitur, quo solet significari 585 per efficientem id quod efficitur, id est, gemere, desiderare, et postulare nos faciat, dum scilicet gemendi atque postulandi cordibus nostris inspirat affectum. Sic autem Spiritus sanctus gemere, desiderare ac postulare dicitur, sicut et Deus dicitur cognoscere, pro eo quod cognoscentem faciat. Dictum namque est ad Abraham : *Nunc cognovi quoniam times Deum, et non pepercisti filio tuo dilectio propter me* (*Genes. xxii, 12*). Unde quia in Deo naturaliter omnium rerum manet incommutabilis et

B eterna cognitione, et nefas est credere sempiternam divitatem temporaliter aliquid agnoscisse ; hoc utique regula veritatis exposcit ; ut dum divinitas se cognovisse dicit, agnoscatur quia cognoscentem facit. Eudem locutionis modum beatus Apostolus tenuit scribens ad Galatas, dicens : *Sed tunc quidem ignorantes Deum, his qui natura non sunt dii serviebatis. Nunc autem cum cognoveritis Deum, imo cogniti sitis a Deo* (*Gal. iv, 8, 9*). Ubi utique non falsum fuit quod dixit Apostolus, quia cognoverunt Deum, et hoc quasi voluit sequenti removere sententia : sed ne ipsam cognitionem, non divino muneri vellent assignare, sed sibi ; subsequenter Apostolus, illo quo diximus locutionis modo, quo per efficientem ostenditur id quod efficitur, dixit cognitos esse a Deo : ostendens a Deo factum ut illi cognoscerent Deum. Deinde negare non potes Apostolum dixisse : *Quoniam autem estis filii, misit Deus Spiritum Filii sui in corda nostra, clamantem : Abba, Pater* (*Ibid. 6*). Quomodo ergo Spiritus iste, qui Filius non est, sed tamen Spiritus est veritatis, clamat Abba, Pater, nisi utique illo modo quo nos clamare facit ? Quod beatus Apostolus alio loco evidenter insinuat, dicens : *Quotquot enim Spiritu Dei aguntur, hi filii sunt Dei. Non enim accepistis spiritum servitutis iterum in timore, sed accepistis Spiritum adoptionis filiorum, in quo clamamus : Abba, Pater* (*Rom. viii, 15*). Censis nemipe hoc esse Spiritui clamare : Abba, Pater, quod clamare nos facit. Spiritus ergo sanctus propterea gemere et postulare dicitur, eo quod gemere et postulare nos faciat. Nam sicut Apostolus illud quod de Spiritu dixit, *clamantem : Abba, Pater*, clarius et manifestius exposuit, dicens, *in quo clamamus : Abba, Pater* ; ita illud quod postulare Spiritum dixit, similiter exposuit alio loco dicens : *Orantes omni tempore in Spiritu, et in ipso vigilantes, in omni instantia et obsecratione* (*Ephes. vi, 18*). Ecce quemadmodum pro nobis postulat Spiritus, dum nos in Spiritu oramus : ecce quemadmodum pro nobis interpellat, dum nos in omni instantia et obsecratione in ipso Spiritu vigilamus. Spiritus enim sanctus, per quem caritas Dei diffunditur in cordibus nostris, facit nos gemere et postulare pro iniquitatibus nostris. Facit autem nos gemere, dum nos facit dolere iniquitatem nostram, postulare veniam, desiderare justitiam. Istud desiderium gemituunque ille dono sancti Spiritus acceperal, qui dicebat : *Rugiebam a gemitu cordis mei ; et, Ante te est omne desiderium meum, et gemitus meus a te non est absconditus* (*Psal. xxxvii, 9, 10*).

586 FRAGMENTUM VI.

*Christus pro nobis interpellat ut homo et ut sacerdos.
Quid illud quod in Spiritum sanctum desiderant angeli prospicere.*

Non igitur gemit Spiritus sanctus, quia in natura ejus divina et incommutabiliter beata, nulla gemendi potest esse miseria. Sed tu opponis nobis quia Christus pro nobis orat: quod nos nullatenus negamus, scientes Apostolum dixisse: *Quis accusabit electos Dei? Deus, qui justificat. Quis est qui condemnet? Christus Jesus, qui mortuus est, imo qui et resurrexit, qui est ad dexteram Dei, qui etiam interpellat pro nobis* (Rom. viii, 33, 34). Interpellat igitur Christus pro nobis, secundum illam naturam quam accepit ex nobis: quam naturam quia non accepit Spiritus sanctus, nullatenus pro nobis interpellat aut postulat. Sed quod secundum formam servi solus Filius interpellat, hoc secundum divinitatis unam communemque naturam, cum Patre et Filio Spiritus sanctus donat. Nam et ipse Christus Jesus pro hominibus nullatenus oraret, si homo non fieret. Sed orat pro nobis ex officio sacerdotis. Non autem potest vera sacerdotis inveniri persona, ubi non est humanitas vera. Apostolica quippe testatur auctoritas, quia *omnia pontifex ex hominibus assumptus, pro hominibus constituitur, in his que sunt ad Deum, ut offerat dona et sacrificia pro peccatis* (Hebr. v, 1). Ille autem Pontifex ex hominibus assumptus, ut vere pro nobis offerret sacrificium mundum, nihil aliud obtulit quam seipsum. Illa igitur oblatio, puta sancti et impolluti Pontificis, ipsa pro nobis est exaudibilis oratio Salvatoris. Ideo secundum beati Joannis apostoli attestacionem: *Advocatum habemus apud Patrem Jesum Christum justum, et ipse est exoratio pro peccatis nostris* (I Joan. ii, 1). Qui tamen surgens a mortuis, quia non moritur, et mors ei ultra non dominabitur, carens infirmitate ac mortalitate, simul et moerore caruit et dolore. Proinde et orandi verum pro nobis gerit officium, et tamen non gemit. Securus enim pro nobis interpellat: quia pro illis utique poscit, quibus salutem donare disponit. Nullatenus itaque Christus

A gemit, dum interpellat pro nobis: quia quod habet ex humanitate carnis ut petat, habet ex maiestate divinitatis ut tribuat. Si vero meritum sancti Spiritus ex divina Scriptura cupis agnoscere, vide quid de illo Petrus apostolus dicat; ipse enim ait: *Spiritus sancto missus de caelo, in quem concupiscunt angeli prospicere* (I Petr. i, 12). Hic certe cum audis Spiritum sanctum de caelo missum, non est quem accipias nisi Spiritum Paracletum. Memento autem quid Dei Filius de angelis dicat, quia *semper vident faciem Patris* (Matth. xviii, 10); qui tamen in 587 Spiritum sanctum prospicere concupiscunt. Quod si audires quia sancti angeli faciem sancti Spiritus vident, et in Patrem concupiscunt prospicere, nonne hinc assereres multo potiorem Patrem, quia Spiritus sanctus videtur, Pater autem magis concupiscitur quam videtur? Non autem Scriptura divina propterea dixit Patrem videri, et Spiritum sanctum concupisci ut potiorem ostenderet Spiritum sanctum (quod nefas est dici): sed hoc dicendo aequalitatem nobis insinuat Patris et Spiritus sancti. Ut ex hoc quod angeli dicuntur Patrem videre, in Spiritum vero sanctum concupiscunt prospicere; ad hoc nobis iste sermo proficiat, ut Spiritum sanctum quem vera fides potiorem Patrem non potest credere, nullatenus audeat inferiore profana infidelitas estimare. Una est enim in sanctis angelis indeficiens visio et concupiscentia Trinitatis, quam utique semper et prospiciunt et prospicere concupiscunt. Idcirco autem ibi de summo bono, id est uno vero et beato Deo semper vivitur, quia semper videtur semperque amat. Sicut ergo visionem illam facit anior non deficere, sic amorem facit visio permanere. Ideo autem amor ille non deponitur, quia illa visio non mutatur: propterea vero illa visio non mutatur, quia incommutabile bonum est quod videtur. Illa igitur concupiscentia perspiciendi, non est sine letitia perfruendi. Nihil est enim sancta Trinitate dulcissimum, nihil suavissimum, quia nihil est melius. Inde habent angeli aeternitatem, ut indeficienter vivant; inde veritatem, ut manifeste videant; inde caritatem, ut fideliter concupiscant.

EX LIBRO III. DE UNO IMMENSO ET DOMINO DEO NOSTRO.

FRAGMENTUM VII.

Quae sint propria singularum Trinitatis personarum.

Possumus enim aliquid de singulis veraciter dicere, quod de tota non possimus dicere Trinitate. Veraciter quippe profitemur solum Patrem genuisse, solum Filium de Patre natum esse, veraciter etiam dicimus solum Spiritum sanctum de Patre Filioque procedere. Non enim Trinitas Filium genuit, nec Trinitas de Patre nata est, neque Trinitas de Patre Filioque procedit. Sunt igitur singula, que cum non competant Trinitati, singulis tamen competant in Trinitate personis. Sicut etiam vox illa quae super Jesum baptizatum de caelo sonuit (Matth. iii, 16, 17), sic soli competit Patri, ut nec Filio possit competere, nec Spiritui sancto; et vidisse Spiritum Dei descendenterem sicut columbam, et venientem super

se, sic soli competit Filio, ut nec Patri competit nullatenus nec Spiritui sancto; descendisse quoque corporali 588 specie sicut columbam in Jesum, sic soli competit Spiritui sancto, ut nec Patri possit assignari nec Filio. Sunt ergo aliqua que congruant singulis, nec convenient tribus; nihil tamen est quod uni personae non competit, et possit tribus simul convenire personis. Nam in ipsa Trinitate, licet aliud sit de Patre natum esse Filium, aliud de Patre procedere Spiritum sanctum (quoniam non est eadem processio Spiritus sancti quae nativitas Filii), commune tamen est Filio et Spiritui sancto, de Patre naturaliter esse; quamvis solius sit Spiritus sancti, sicut de Patre, sic etiam de Filio esse. At vero Patri proprium est de nullo esse, il est auctorem naturalis essentiae non habere.

FRAGMENTUM VIII.

Spiritus sanctus ita replet orbem terrarum, ut sit semper etiam in cœlo. Una est immensitas Patris, et Filii, et Spiritus sancti.

An nescis Christum esse Dei virtutem et Dei sapientiam (*I Cor. i, 24*)? De qua series divini testatur eloquii, quia a Domino Deo est, et cum illo fuit semper, et est ante ævum (*Ecclesi. i, 1*). Quia vero invisibilia ejus per ea quæ facta sunt intellecta conspiciuntur, propterea cum Scriptura dixisset : *Arenam maris, et pluvias guttas, et dies sæculi quis dinumeravit? altitudinem cœli, et latitudinem terræ, et profundum abyssi quis mensus est* (*Ecclesi. i, 2*)? ut ex rebus creatis cognosceremus magnificientiam Creatoris, continuo dicitur : *Sapientiam Dei præcedentem omnia quis investigavit?* Et recte; de ipsa enim dicitur : *Attingit autem ubique propter suam munditiam, et nihil inquitamenti in illam incurrit* (*Sap. vii, 24, 26*); et iterum : *Attingit a fine usque ad finem fortiter, et disponit omnia suaviter* (*Sap. viii, 1*). Quid est autem ubique attingere, nisi totum implere? Implet autem sic omnia, sicut implet et Pater et Spiritus sanctus. Propter quod dicit beatus David : *Quo ibo a Spiritui tuo, et a facie tua quo fugiam? Si ascendero in cœlum, ibi tu es; si descendero in infernum, ades* (*Psal. cxxxviii, 7, 8*). Alio quoque loco dicitur quoniam *Spiritus Domini replet orbem terrarum* (*Sap. i, 7*). An putas Spiritum sanctum ita orbem terrarum implere, ut in celo non sit cum terram implet? Sed vide quid in alio loco idem liber Sapientiae continet: ibi enim dicitur Deo : *Quæ in cœlis sunt autem quis investigabit?* *Sensum autem tuum quis scivit, nisi dederis sapientiam, et miseris Spiritum tuum de altissimis* (*Sap. ix, 16, 17*)? Agnosce itaque unam esse immensitatem Patris et Filii et Spiritus sancti; quia Trinitas unus est Deus, qui omnia creavit; et universa quæ fecit, æternitate atque incommutabilitate sapientiae sunt ac virtutis excedit. Hoc utique videns dicebat beatus Apostolus : *Pax Dei quæ exsuperat omnem intellectum, custodiat corda vestra, et intelligentias vestras in Christo Iesu* (*Philip. iv, 7*).

589 FRAGMENTUM IX.

Tres personæ sunt unus Dominus Deus noster.

Si ergo ita sentiendum est, queinadmodum dicis, ut Filius sit Deus noster, Pater vero sit Deus Dei nostri, nec tamen Pater et Filius naturaliter sit unus Dominus Deus noster; vide quomodo tuis verbis compellaris Deo Patri servitutis obsequia denegare. Dicitur enim nobis : *Audi, Israel, Dominus unus tuus, Dominus unus est* (*Deut. vi, 4*). Et alio loco : *Dominum Deum tuum adorabis, et illi soli seruies* (*vers. 13*). Nam et in Decalogo certum est hoc primum contineri mandatum : *Ego sum Dominus Deus tuus, qui eduxi te de terra Ægypti, de domo servitutis* (*Exod. xx, 2*). Dicit etiam David : *Quis Deus præter Dominum, aut quis Deus præter Deum nostrum* (*Psal. xvii, 32*)? Iste autem Dominus Deus noster, soli sibi altare præcepit construi, soli sibi hostias imperat immolari, dicens : *Altare de terra faciet mihi, et offeretis super illud holocausta et va-*

cifica vestra (*Exod. xx, 24*). Nam et in eodem libro dicitur : *Sacrificans diis eradicabitur, nisi Domino soli* (*Exod. xxi, 20*). Quapropter, aut Patrem et Filium secundum divinam naturam unum Dominum Deum nostrum deposita infidelitate cognosce; aut dic Deo Patri exhibendum non esse quod soli Domino Deo nostro præcipiamur exhibere. Tu enim dixisti quia Deus noster est Filius, non est unus naturaliter Deus: dic nobis quem adorandum, et cui hostias existimes offerendas. Ei ne quem dicis Deum nostrum, aut ei quem Deum asseris Dei nostri? Necessè est autem ut secundum sensum tuum, aut præceptum legis abjicias, si soli sacrificandum existimas Patri; aut si legi obtemperas, soli Filio dicas hostias offerendas. Secundum tuam quippe sententiam, non Deo Dei nostri, sed Deo nostro lex præcipit immolan-dum.

FRAGMENTUM X.

Deus Pater Dcus est Filii de ventre matris, non de utero genitoris.

Agnosce igitur secundum divinitatem unum Deum esse Patrem et Filium et Spiritum sanctum; et eidem uni Deo, qui se præcipit a fidelibus coli, omnia juste servientis obsequia inseparabiliter exhiberi. Agnosce etiam Deum Patrem Deum esse Filii, non ex æternitate nativitatis divinae, sed ex tempore hu-manitatis assumptæ. Habet enim Deum Patrem Filius, Deum suum; sed de ventre matris, **590** non de utero genitoris. Quod si non credis, ab ipso Filio audi hujus mysterii veritatem, qui dicit in psalmo : *C De ventre matris meæ Deus meus es tu* (*Psal. xi, 11*). Nam quia Deus Pater secundum naturam Pater est unigeniti Filii, noster autem Deus est: hoc ine-narrabili bonitate, secundum consilium voluntatis suæ operatus est, ut pro nostra salute unigenito Filio suo, cui Pater est per naturam, esset Deus per gratiam; et nobis, quibus Deus est per naturam, digna-retur Pater esse per gratiam.

FRAGMENTUM XI.

Christus vere Deus noster. Estimatio in Scripturis duplex, incertæ cognitionis et certæ scientiæ. Christus non est Deus Manichæorum. Judæorum, Ari-anorum.

Beati Cypriani accipiamus et amplectamur utique sententiam, qui scribens ad Quirinum, in libro se-cundo, capitulo sexto, sub titulo : *quod DEUS SIT CHRISTUS*, inter alia testimonia etiam hoc protalit : *Hic Deus noster, et non deputabitur aliis absque illo: qui inventit omnem viam prudentiæ, et dedit eam Jacob puer suo, et Israel dilecto sibi. Post hæc in terris visus est, et cum hominibus conversatus est* (*Baruch iii, 36, 37, 38*). Agnoscó testimonio tanti martyris, de Christo dictum : *Hic Deus noster, et non estimabitur aliis absque illo;* et disce ut divina dicta recte intelligas, et non adversus Dei Filium rebellis existas. Mysterium enim divinæ incarnationis beatus propheta volebat ostendere. Unde necesse eum fuit ut et Deum nostrum, ad quem alias non estimabitur, secundum divinitatem Christum diceret, et cundem in terris visum secundum veram carnis substantiam

prophetaret. A fidelibus enim non aestimatur (id est non creditur, non accipitur, non putatur) alius absque Dei Filio Deus : quia Deus non personæ nomen est, sed naturæ. Si ergo naturam attendimus, quia Pater et Filius et Spiritus sanctus unus est Deus, hoc est una natura; sicut absque Patre non aestimatur alius Deus, sic absque Filio non aestimatur alius Deus, sic etiam absque Spiritu sancto non aestimatur alius Deus. Ideo ergo absque Dei Filio non potest alius Deus a fidelibus aestimari, quia extra naturam Filii Dei, quæ illi cum Patre et Spiritu sancto una est, nullatenus potest alius Deus inveniri. Beatus itaque Jeremias, hoc testimonio arguens Arianos, simul cum eis et Manichæos arguit, et Judæos : ut et Manichæi Deum Christum, quem credunt in terris visum, et cum hominibus conversatum, credant ipsum dedisse legem populo Judæorum; et Judæi, a quo datam legem populo Israel et credunt et prædicant, ipsum esse Dei Filium, eundemque in terris visum, et cum hominibus conversatum sacramento **591** incarnationis agnoscant. Non enim frustra beatus Propheta dixit : *Post hanc in terris visus est : nisi utique ut ostenderet, post hanc, id est, postquam dedit viam disciplinae Jacob pueru suo, et Israel dilecto suo : post hanc utique in terris visus est.* Ut ostenderet tunc non suisse visum quando legem per angelos dedit, quam dicit Apostolus : *Ordinatum per angelos in manu mediatoris* (*Gal. iii, 19*); sed tunc utique visum quando semetipsum exinanivit, formam servi accipiens. Idcirco enim accepit formam servi, ut videri posset, et cum hominibus conversari Deus hic noster, præter quem non potest alius aestimari. *Aestimatio autem duobus modis ponit in Scripturis.* Dicitur enim aestimare, sive qui aliquid putat quod non est, sive qui certissime scit esse quod est. Ad estimationem incertæ cognitionis pertinet quod beatus Stephanus dicit de sancto Moyse, in Actibus aposto-

Alorum : *Existimabat autem intelligere fratres, quoniam Deus per manum ipsius daret salutem illis* (*Act. vii, 25*). Quam estimationem ut incertam monstrare, adjectit : *At illi non intellexerunt.* Similiter in eodem libro, cum beatum Petrum de carcere angelus eduxisset, dicitur : *Et nesciebat quia verum est quod sebat per angelum, existimabat autem se visum videre* (*Act. xii, 9*). Nomine autem estimationis certissima scientia ponitur in libro Sapientiae, ubi dicunt de ipsa Sapientia : *Et si multitudinem quis scientia desiderat, scit præterita et de futuris existimat* (*Sep. viii, 8*). Quid est autem Sapientiae existimare, nisi certissime scire? Unde et Paulus sensum Christi habens, quod se existimare dicebat, certissime noverat, unde ait : *Existimo enim quod non sunt condigne passiones huius temporis, ad futuram gloriam quæ revelabitur in nobis* (*Rom. viii, 18*). Neque enim in Paulo rerum istarum dicenda est incerta cognitio, sed certa scientia. Tale est igitur et quod beatus Jeremias dixit de Christo : *Hic Deus noster, et non existimabitur alius præter illum* (*Baruch iii, 36*). Quid est enim non existimabitur, nisi non scietur? Inde est quod beatus Isaías ait : *Domine, præter te, alium non norimus : nomen tuum invocabimus* (*Iosai. xxvi, 13*). Hic est ergo Deus noster, id est Deus Christianorum, qui præter ipsum alium non existmant Deum. Non est Deus Manichæorum, qui eum legem dedisse non credunt. Non est Deus Judæorum, qui eum non credunt Deum vivum, sed hominem mortuum. Non est Deus Arianorum, qui eum cum Patre non credunt unum esse naturaliter Deum. Præter Christum enim alterum Deum existmant, qui alteram naturam Patris, alteram Filii prædicant : et quia hoc non habet Christianus, sed hereticus sensus, propterea sic existantium nec Pater potest Deus esse nec Filius. Illorum enim Christus Deus esse cognoscitur, a quibus Deus alius naturaliter nullatenus existimatur.

EX LIBRIO IV. DE CULTU PATRIS, ET FILII, ET SPIRITU SANCTI.

592 FRAGMENTUM XII.

*Sumus templum Dei Patris, et Filii, et Spiritus sancti.
Illi debetur a nobis servitus.*

Sic autem sumus templum Dei Patris et Spiritus sancti, ut templum natus et Filii. Certum est enim templum Dei dici etiam domum Dei. Unde propheta dicit : *Ego autem in multitudine misericordiae tue introibo in dominum tuam, adorabo ad templum sanctum tuum in timore tuo* (*Psalm. v, 8*). Nam et ipse Salvator, cum de templo vendentes et ementes ejiceret, ipsum templum domum nuncupans ait : *Scriptum est, Domus mea domus orationis vocabitur; vos autem fecistis eam speluncam latronum* (*Math. xxi, 13*). Domum autem Christi nos esse apostolica testatur auctoritas, ubi dicitur : *Christus autem tanquam filius in domo sua, quæ domus nos sumus* (*Hebr. vii, 6*). Apparet ergo Spiritum sanctum naturaliter esse Deum; quandoquidem sic sumus templum Spiritus sancti, sicut sumus templum Patris et Filii. Et quoniam nec duorum

vel trium deorum possumus templum esse, neque nobis licet creaturam colere, vel creaturæ servire, id est λατρεῖα exhibere; propterea digne unum Deum colimus, non solum Patrem, nec solum Filium, nec solum Spiritum sanctum; sed ipsam Trinitatem, Patrem, et Filium, et Spiritum sanctum. Alioquin discerne tempora, ut discernas et merita: et dic in quibus habeat Pater templum, in quibus Filius, in quibus Spiritus sanctus. Quod utique non discrevit Apostolus, qui in una eademque Epistola, quos dixit esse templum Dei, ipsos dixit esse templum Spiritus sancti: quos etiam dicens membra Christi, ostendit esse templum Christi. Ipse enim in eadem rursus Epistola dicit : *Vos estis corpus Christi et membra* (*I Cor. xi, 26*). Propter quod alibi dicit : *Quia membra sumus corporis ejus, de carne ejus, et de ossibus ejus* (*Ephes. v, 30*). Ipse autem Salvator noster, corpus suum vide quomodo templum appellat, dicens : *Solvite templum hoc, et in tribus diebus excitabo illud* (*Joan. ii, 19*). Beatus autem evangelista, de quo templo dixisset

ostendens, ait : *Ipsa autem dicebat de templo corporis sui A (Joan. ii, 21).* Ideo ergo sumus templum Dei, quia membra sumus corporis Christi. Templum autem sumus Patris, et Filii, et Spiritus sancti. Non tribus dispar, Patri, et Filio, et creature Spiritui sancto ; sed ipsi Trinitati uni Deo, cuius sumus templum, illi exhibentes servitutis obsequium. Quam nobis non licet, nec uni Deo, cuius templum sumus, aliquatenus denegare ; nec Deo cuius templum non sumus exhibere. Illud omnimodis observantes, quod dictum est : **Dominum 593 Deum tuum adorabis, et illi soli servies (Deut. vi, 13).** Ipsa servitus Græco λατρία dicitur, quæ soli vero Deo jure ac legitime, non a perfidis, sed a catholicis fidibus exhibetur. Unde quosdam culpat Apostolus, qui commutaverunt veritatem Dei in mendacium, et coluerunt, et servierunt creaturæ potius quam Creatori (Rom. i, 25). Sic autem iste locus in Græco habetur eloquio, καὶ ιστεβάσθησαν, καὶ ἀλατρεύον τῷ κτιστι παρὰ τὸν κτισταντα. Cernis nempe illos ab Apostolo graviter denotari, qui λατρεῖα soli Creatori debitam cuiquam exhibuerint (al. exhibuerunt) creature. Istam porro creature culturam quæ λατρεῖα nuncupatur, ostendens beatus Apostolus, maxime in sacrificiorum immolatione constare, cum vellet Corinthios a commissatione immolatitiae carnis arcere, sic ait : *Propter quod, carissimi mihi, fugite ab idolorum cultura. Ut prudentibus loquor, vos judicate quod dico. Calix benedictionis cui benedicimus, nonne communicatio sanguinis Christi est ? et panis quem frangimus, nonne participatio corporis Domini est (I Cor. x, 14, 15, 16) ?* Et infra, ostendens quam idolorum ruin culturam dixisset, a qua eos jubebat ut fugeant, ait : *Non potestis calicem Domini bibere, et calicem dæmoniorum : non potestis mensæ Domini participes esse, et mensæ dæmoniorum (Ibid. 20, 21).* Apparet itaque illam culturam quæ λατρεῖa dicitur, maxime in sacrificiis inveniri. Nam et illud quod paulo ante commemoravimus, dixisse beatum Apostolum, *Fugite ab idolorum cultura, idololatria in Græco posita est.* Qui locus sic se habet, φαύγετε ἐπὸ τῆς ιδολολατρείας.

FRAGMENTUM XIII.

Qui differant λατρεῖa et δούλευον.

λατρεῖa ergo sola sibi vera divinitas vindicat ; δούλευον vero, et Deo est quantum oportet reddenda, et hominibus quantum condecet exhibenda. Propter D λατρεῖa ergo dicitur : *Sacrificate Deo sacrificium justitiae (Psal. iv, 6) ; et, Sacrificans diis eradicabitur, nisi Domino soli (Exod. xxu, 40).* Propter δούλευον vero dicit Apostolus : *Domino Christo servite (Coloss. iii, 24) ; et iterum : Servite invicem in caritate (Galat. v, 13).* Rursus idem apostolus, cum de ecclesiis loqueretur quæ idolis immolantur, propter λατρεῖa dixit : *Nobis autem unus Deus Pater, ex quo omnia, et nos in ipso ; et unus Dominus noster Jesus Christus, per quem omnia, et nos per ipsum (I Cor. viii, 6).* Propter δούλευον vero dicit : *Paulus seruos Christi Jesu (Rom. i, 1) ; et fidelibus loquens, ait : Non enim nosmetipso prædicamus, sed Iesum Christum Dominum nostrum, nps autem seruos vestros per Jesum (II Cor. iv, 5).*

594 FRAGMENTUM XIV.

Cum Dei Filius dicitur, non sola Christi deitas, sed etiam humanitas significatur. Idem est Christus qui Jesus Christus.

Ego igitur illa quæ tibi visum est sub nomine meo falsis gestis inserere, nec sensi, nec dixi. Avertat enim Deus et longe faciat istum perversum ac mortiferum sensum a corde fidelium. Quis enim, non dico stultus, sed prorsus insanus, audeat credere vel dicere, cum Dei Filius dicitur, solam deitatem Christi evidenter significari ? cum utique idem Dei Filius non solum secundum divinitatem, sed etiam secundum carnem, non tantum Dei Filius, sed etiam Deus propheticis prædicetur eloquiis. Claret quippe Filium Dei, non secundum divinitatem, sed secundum humanitatem, unctum esse Spiritu sancto : et tamen eum qui unctus est, Deum beatus David appellat, dicens : *Unxit te Deus, Deus tuus, oleo exultationis præ participibus tuis (Psal. xliv, 8).* Aut quis dicat, quia ubi ponitur Jesus, hominis tantum persona declaretur ; ubi vero ponitur Jesus Christus, jam plus ibi humanitatis quam deitatis partes exsuperent ? Cum utique beatus Apostolus dicat : *Hoc sentile in vobis, quod et in Christo Jesu. Qui cum in forma Dei esset, non rapinam arbitratus est esse se æqualem Deo ; sed semetipsum exinanivit formam servi accipiens, in similitudinem hominum factus, et habitu inventus ut homo (Philip. ii, 5, 6, 7).* Videsne Jesum Christum in forma Dei ? Jesum Christum se exinanisse, et formam servi accepisse ? Jesum Christum in similitudinem hominum factum, et habitu inventum ut hominem ? Hæc autem omnia quis fecit, nisi Unigenitus Deus ? Item dicit Apostolus : *Unus Dominus Jesus Christus, per quem omnia, et nos per ipsum (I Cor. viii, 6).* Quis est autem Jesus Christus per quem omnia, nisi de quo dicit evangelista : *In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt, et sine ipso factum est nihil (Joan. i, 1, 2, 3) ?* Quoniam igitur Jesus Christus unus est Deus et homo, propterea sive cum de seipso loquitur, sive cum de illo loquuntur apostoli, nusquam istam discretionem faciunt, quam tu inaniter in illa tuorum falsitate gestorum facere voluisti. Nam ipse Salvator noster, sicut totam se Dei Filium, sic totum se Filium hominis nuncupat. Cum enim cæco nato quem illuminaverat dixisset : *Tu credis in Filium Dei ? et ille respondisset : Quid est, Domine, ut credam in eum ?* sic ei respondit ipse Dei Filius : *Et vidi eum, et qui loquitur tecum ipse est (Joan. ix, 35, 36, 37).* Nunquid tunc sola illi deitas locuta est, aut solam illę deitatem vidit et adoravit ? Non utique. Quia ipse Dominus Jesus in utraque natura **595** unus est Dei Filius. Qui de se rursus dicit : *Nemo ascendit in cælum, nisi qui de cælo descendit, Filius hominis qui est in cælo (Joan. iii, 13).* Quod tamen non utramque secundum solam carnem dixit. Nam eodem tempore carnem suam non in cælo habuit, sed in terra : et tamen Filius hominis fuit, non solum in terra, sed etiam in cælo : secundum solam scilicet carnem in

sola terra ; secundum divinitatem vero, et in cœlo, et in terra : utrumque tamen inseparabiliter unus hominis Filius. Ipse enim Jesus Christus unus est Dei et hominis Filius. Inaniter ergo verba tibi multiplicasti superflua, volens apostolos non solum Jesu Christi, verum etiam Christi servos ostendere. Cum utique ipse sit Christus, qui est Jesus Christus, utramque naturam habens in una persona, in quo indivisa et inconfusa manet divina humanaque substantia.

FRAGMENTUM XV.

Nec Spiritus sine adjuncto, nec Spiritus sanctus appellatur in Scriptura Pater aut Filius. Idem est Spiritus Dei, Spiritus sanctus, qui Paracletus.

Salem nunc agnosce apostolos et prophetas Spiritum Paracletum, hoc est Spiritum sanctum, ipsum Dei Spiritum prædicasse. Illud ergo quod Apostolus posuit : *Qui Spiritui Dei servimus* (*Philip. iii, 3*), non alio quam Spiritui sancto, id est Paracleto, docuit serviendum. Hunc autem locum non possumus, sicut tu putas, de Deo Patre, sive de Deo Filio accipere. Quoniam licet et Pater Spiritus sit, nunquam tamen Pater aut Filius absolute, id est sine aliqua adjectione nominis invenitur Spiritus nuncupatus. Nam et in eo quod dictum est : *Spiritus est Deus* (*Joan. iv, 24*) ; aditum est illic Deus; et in eo quod Filius dicitur Spiritus, invenimus Jeremiam dixisse : *Spiritus ante faciem nostram Christus Dominus* (*Thren. iv, 20*). Non autem absolute Pater et Filius invenitur nuncupari Spiritus, quod invenimus in Spiritu sancto. Sicut illo loco ubi ait Apostolus : *Obsecro igitur vos, fratres, per Dominum nostrum Iesum Christum, et per caritatem Spiritus* (*Rom. xv, 30*), de Spiritu sancto manifeste dicit (*al. dicitur*) ; et iterum : *In quo et vos coædificamini in habitaculum Dei et Spiritu* (*Ephes. ii, 22*). Et apostolus Judas ait : *Hi sunt qui segregant se ipsos, animales Spiritum non habentes* (*Judæ xix*). Sic autem cum absolute dicitur Spiritus, non est intelligendus nisi Spiritus sanctus ; sicut etiam cum Pater tantum dicitur, non intelligimus nisi Deum Patrem ; et cum Filius tantummodo dicitur, non possumus intelligere nisi solum Christum. Quam regulam divinae Scripturae promulgatam tenemus eloquii ; quæ Patrem nominans, non alium quam Deum Patrem intelligendum ostendit ; et Filium tantummodo nuncupans, Christum agnoscendum **598** esse monstravit ; et Spiritum tantummodo nominans, Spiritum sanctum accipiendum edocuit : illis duntaxat locis quibus non aut humanus spiritus accipiendus est, aut ipso humano spiritu creatura qualibet inferior ; sicut est illud quod ait Apostolus : *Corpus quidem mortuum est propter peccatum, spiritus vero vita propter justitiam* (*Rom. viii, 10*). Et illud quod dixit Dominus per prophetam : *Spiritus a me exiit, et omnem statum ego feci* (*Isai. lvii, 16*). Ostendit enim quid dixerit spiritum, quando dixit *et statum*. Hominis autem spiritum propterea statum dixit, propter quod scriptum est, quia insufflavit Deus in faciem hominis spiritum vitæ, et factus est homo in animam vivam (*Genes. ii, 7*). Intenuntur alia similia, in quibus non ille creator, sed

A quilibet sive rationalis, sive irrationalis, creatus tamen spiritus intimatur. Quotiens autem cum honorificentia Spiritus nominatur [sicut est illud quod Apostolus ait : *Per caritatem Spiritus* (*Rom. xv, 30*), et quæcumque similia], non licet in his intelligi nisi Spiritum sanctum ; illum utique Spiritum de quo Salvator noster dixit : *Omne peccatum, et blasphemia, remittetur hominibus ; Spiritus autem blasphemia non remittetur* (*Matth. xii, 31*). In hoc autem loco scire debemus genitivum casum esse, id est, *hujus Spiritus* ; non nominativum, sicut putantes plerique falluntur. Quod distinctum reperitur in Græco, ubi non dicitur τὸ Πνεῦμα, sed τὸν Πνεύματος. Denique Græcus codex Evangelii sic habet ; νὴ τὸν Πνεύματος βλασφημία ὡν ἀποθίσται. Ubi Dei Filius, ut ostenderet qui sit Spiritus, cuius pronuntiavit irremissiblem blasphemiam, hæc verba subjunxit (vers. 32) : *Et quicunque dixerit verbum contra Filium hominis, remittitur ei ; qui autem dixerit contra Spiritum sanctum, non remittetur ei, neque in hoc sæculo neque in futurō*. Non solum itaque cum absolute Spiritus ponitur, sed et cum Spiritus sanctus ab apostolis nuncupatur, nusquam invenitur significari Pater aut Filius, sed ille significatur Spiritus, qui proprie in Trinitate dicitur Spiritus sanctus : quem ipse Dei Filius indubitanter ostendit, dicens : *Ite, docete omnes gentes, baptizantes eos in nomine Patris et Filii et Spiritus sancti* (*Matth. xxviii, 19*). Non itaque negamus, quod attinet ad naturam, et Patrem Spiritum, et Filium Spiritum, et Patrem sanctum, et Filium sanctum : una est enim natura Trinitatis, et una est ejus sanctitas naturalis. Sed tamen quod attinet ad proprietatem personæ, nusquam sic invenitur positus Spiritus sanctus ; ut eodem nomine aut Pater intelligatur aut Filius : nisi ille proprie Paracletus Spiritus, qui non est utique Pater aut Filius, sed unus idemque Patris et Filii Spiritus.

597 FRAGMENTUM XVI.

Spiritus sancti ut Patris et Filii templum sumus, et sacrificium, et sacerdotes.

Nihil tamen prejudicat divinitati Spiritus sancti, quem certissime beatus Paulus esse Deum ostendit, quando corpora nostra templum esse dixit Spiritus sancti, quem habetis a Deo (*I Cor. vi, 19*). Ubi nullatenus potes personam Patris ostendere ; quoniam beatus Apostolus a Deo dixit nos habere Spiritum sanctum. Sed neque personam Filii demonstrare ullatenus potes in nomine Spiritus sancti, quam superioris discrevit Apostolus, dicens : *Nescitis quia corpora vestra membra Christi sunt* (*Ibid., 15*) ? In hoc ergo sanctam Trinitatem evidenter ostendit Apostolus, nominans Christum, id est Dei Filium, nominans et Spiritum sanctum, nominans nibilominus et Deum, id est Patrem, a quo habemus ipsum Spiritum sanctum (quod inaniter tuis mendaciis indidisti, sed habemus eum a Deo) : in quo utique ideo veram deitatem cognoscimus, quia templum ei non de lapidibus et lignis facimus, sed templum ejus nos sumus. Et utique qui in templo non manufacto habitat, Deus

est excelsus, beato Stephano dicente, quia *Excelsus A non in manufactis habitat* (*Act. vii*, 48). Unde cum hoc dixisset, et illud testimonium idem martyr beatissimus subdidisset, quod (*al. quo*) dicitur : *Cælum mihi sedes est, terra autem scabellum pedum meorum : quam domum ædificabis mihi ? dicit Dominus* (*Isa. lxvi, 1*) ; post pauca subjecit : *Dura cervice et incircuncisi corde et auribus, vos semper Spiritui sancto restititis, sicut patres vestri et vos* (*Act. vii, 51*). Unus est ergo Deus excelsus, Pater, et Filius, et Spiritus sanctus, qui non in manufactis habitat; sed, per gratiam quam nobis tribuit, nos sibi templum clementer effecit. Nec solum templum, sed etiam sacrificium. Ipsa enim corpora nostra (quæ templum esse non solius Patris, nec solius Filii, nec solius Spiritus sancti, sed ipsius Trinitatis, unius Dei, scilicet Patris, et Filii, et Spiritus sancti, superius est a nobis sufficienter ostensum), ut hostiam vivam Deo exhibeamus, beatus docet Apostolus dicens : *Obsecro itaque vos, fratres, per misericordiam Dei, ut exhibatis corpora vestra hostiam viventem, sanctam, Deo placentem* (*Rom. xii, 1*). Hostiam vero in quantum quisque offert Deo, in tantum spiritualiter fungitur sacerdotis officio. Unde beatus quoque Petrus, simul nos et templum esse, et sacerdotes, et hostias demonstravit, dicens : *Et vos tanquam lapides rivi, ædificamini in domum spiritalem, in sacerdotium sanctum, offerentes spiritales hostias, acceptabiles Deo per Jesum Christum* (*I Petr. ii, 5*). Quia ipse pro nobis factus est sacerdos, et obtulit semetipsum pro nobis, sicut ait Apostolus : *Oblationem et hostiam Deo in odorem suavitatis* (*Ephes. v, 2*). **598** Sed quod offerimus per Christum secundum solius humanitatem Filii, ipsi summae simul offerimus Trinitati. Digne ergo λατρίαν sancto Spiritui debemus, cuius corpora nostra templum esse novimus : et ex hoc illi eadem corpora nostra, hostiam vivente spiritualiter exhibemus. Cujus autem sumus templum, et cui corpora nostra sacrificium offerimus, necesse est ut ei sacerdotale servitium debeamus. Hinc est quod Ecclesia catholica, quæ sanctæ Trinitatis, id est unius Dei, unum est templum, eidem sanctæ Trinitati uni Deo spiritale sacrificium offerre non desinit : quia ipsi Trinitati, uni vero et bono Deo, servitium sacerdotale certissime se debere cognoscit.

FRAGMENTUM XVII.
Non minus Spiritus sanctus est Deus unus et verus, quam Pater et Filius.

Non enim Deo vero et vivo militat, neque Deo vivo et vero servit, quisquis templum in corporibus hominum, non Deo vivo et vero, sed deo incerto ædificare contendit. Talis autem ædificatio non est utilique a Deo. Et quomodo illis quos templum sancti Spiritus esse dicebat, superius ait : *Dei ædificatio estis* (*I Cor. iii, 9*) ? Nunc itaque unum tibi tenendum est e duobus : ut aut agnoscas a Deo in nobis ædificatum sancti Spiritus templum, et ex hoc cognoscas verum Deum esse Spiritum sanctum : aut si non credis banc esse Dei ædificationem, Paulum profitearis esse mendacem. Sed si hanc prædicationem Pauli audire nolueris, tu remanebis a veritate penitus alienus ; mendax autem non erit Paulus, qui veritate plenus exclamat : *Veritatem dico in Christo Iesu; non mentior, testimonium mihi perhibente conscientia mea in Spiritu sancto* (*Rom. ix, 1*). Quoniam igitur veritatem Paulus docuit, et dicens corpora nostra templum esse Spiritus sancti, certissimam ejus deitatem fidelibus intimavit ; quisquis veram certamque deitatem sancti Spiritus negat, cognoscat se ad Ecclesiam Dei vivi nullatenus pertinere, quam Paulus columnam et firmamentum veritatis appellat (*I Tim. iii, 15*). Quæ sancta ecclesia illius se unius Dei templum esse novit, quem natura Deum, et ob hoc ejus divinitatem veram certamque cognoscit. Abjiciens scilicet falsorum deorum culturam : qui pro eo quod natura dii non sunt, certam deitatem habere non possunt. Proinde quia illa est certa deitas, quæ est naturalis ; qui natura dii non sunt, certam deitatem non habent ; et qui certam non habent, nullam habent. Recta vero fides, uni Deo vero λατρία exhibere non dubitat, quam novit deo alteri non deberi : nec potest in corporibus fidelium constituere templum, aut offerre hostiam cuiquam deo, qui Deus non fuerit per naturam. Scit enim hanc servitutem illi deberi Deo, qui solum se precipit coli, solusque debet templo, sacerdotio ac sacrificio spiritualiter **599** a fidelibus honorari. Digne igitur sanctum Spiritum, verum Deum, et cum Patre ac Filio unum Deum, sancta credit et confitetur Ecclesia ; quæ se Patris et Filii et Spiritus sancti templum esse cognoscens, unam Trinitatem intelligit divitatem, cui Trinitati unam suppliciter exhibet servitutem.

EX LIBRO V. DE IMAGINE DEI.

FRAGMENTUM XVIII.

Filius non imitatur Patrem, nec similia cum illo facit, sed eadem. Ad imaginem Dei factus dicitur homo, quia divina Trinitatis in memoria, intelligentia et voluntate imago est.

In re quippe potiore potest exemplum boni operis inveniri. In quantum est enim naturæ simili virtutis que parilitas, in tantum deesse videmus imitationem, sed invenimus operis unitatem. Ibi vero exemplum proponitur, ubi aut naturæ aut virtutis inæqualitas invenitur. Inde est quod Dei Filius unam se ostendens habere cum Patre naturam, et ob hoc æqualem in operatione virtutem, dixit : *Quæcunque Pater fa-*

cit, hæc eadem et Filius similiter facit (*Joan. v, 19*). Cum ergo eadem facit, nullum invenitur potioris exemplum ; et cum similiter facit, nullum reperitur diverse operationis indicium. Nec illud potest ad exemplum referri, quod ait : *Non potest Filius a se facere quidquam, nisi quod viderit Patrem facientem* (*Ibidem*). Hoc enim ad unius dixit naturæ ac virtutis indicium, non ad imitationis exemplum. Adjicit enim dicens : *Quæcunque Pater facit, hæc eadem et Filius similiter facit* ; qui utique talia se facere diceret, non eadem, si imitationem in se paterni operis ostendere voluisse. Sed nihil Pater facit in quo exemplum præ-

beat Filio, qui omnia quæ fecit, per Filium fecit. Tunc autem quidquam Filio imitandum ostenderet, si aliquid esset operis quod per Filium non fecisset. Nihil est autem, quod non per Filium Pater fecit aut facit. Una est igitur in omnibus rebus operatio Patris et Filii. Proinde faciens Filius videt Patrem facientem, non per imitationem, sed per naturalem virtutis atque operis unitatem. Cum eadem facit, non est imitatio, sed unitas operis; et cum similiter facit, non est imparilis, sed æqualitas naturalis. Imitationem vero, quod ad exemplum pertinet, non nisi in diversis atque disparibus, sive naturis sive voluntatibus inveniri, beatus evidenter ostendit Apostolus. Impares quippe indicavit voluntate, quamvis natura nosset æquales eos quibus tunc Timotheus præterat, in eo quod ei dicit: *Exemplum esto fidelibus, in verbo, in conversatione, in caritate, in fide, in castitate* (*I Tim. iv, 12*). In his utique omnibus nisi potiorem cæteris sciret ac vellet esse Timotheum, nullatenus eum fidelibus esse juberet exemplum: et **600** illos exemplo ejus ædificari cupiebat, quos voluntate ac virtute impares noverat. Titum quoque ad exemplum fidelibus exhibendum similiter exhortatur, dicens: *In omnibus te ipsum præbe exemplum bonorum operum* (*Tit. ii, 7*). Tale quiddam etiam in seipso demonstrans ait: *Imitatores mei estote, sicut et ego Christi* (*I Cor. iii, 1*). Hoc autem dixit Apostolus, pro eo quod Christus nobis reliquit exemplum, ut sequamur vestigia ejus (*I Petr. ii, 21*). Ratio vero intelligentæ utcumque Trinitatis ibi quærenda est, ubi ad imaginem Dei facti sumus, et ubi quantum possumus, quandiu per fidem, non per speciem ambulamus, cum difficultate magni laboris, per speculum in ænigmate nunc videimus. Deus enim sicut in se bonorum operum exemplum hominibus tribuit, sic testimonium suæ agnitionis in hominibus collocavit; ut cum ejus imago attenditur, illius cuius imago est agnitus capiatur. Nam si divinæ cognitionis nullum creatis rebus inesset indicium, non dixisset beatus Apostolus: *Invisibilita enim ejus a creatura mundi, per ea quæ facta sunt intellecta conspiciuntur* (*Rom. i, 20*). Hinc est quod illa summa Trinitas, quæ non habet parem, ad testimonium suæ agnitionis, non cuiquam pecori, nec alicui animali quod non potest capere rationem, nec ipsi corpori humano, sed interiori homini nostro suam mirabiliter impressit imaginem: ubi non est masculus neque femina, quia in spiritu nulla potest sexus inveniri distantia. Si vere igitur, duce ratione, mysterium vis summæ Trinitatis utcumque cognoscere, humanam mentem, non oculo corporis, sed obtutu interiori intuere. Redi ad te, ut agnoscas eum qui fecit te. Ibi te prorsus introspicie, ubi habes aliquid rationis; et statim tibi in sua imagine, tanquam in speculo, clarescit agnitus Trinitatis. Ita sicut ut in consideratione non genitæ imaginis, sed creatæ, id est naturæ multum inferioris multumque imparis, unitatem Trinitatemque veram, quantum per speculum in ænigmate videri potest, summi reperias Creatoris. Sunt enim quædam tria in mente humana quæ ad agnitionem Dei proficiant, si non sibi obduratio

A humani cordis lumen veritatis abscondat. Hæc autem sunt tria quæ dixi, memoria, intelligentia et voluntas: quæ propriis ita discernuntur vocabulis, ut nulla in eis sit diversitas naturalis. Alia quippe est memoria, alia intelligentia, alia voluntas; et tamen, cum sint hæc veraciter tria, non est mentis diversa, sed una natura; quoniam ista, quæ trina (*al. tria*) sunt, in una mente humana consistunt. Itaque dum hæc tria in unius humanæ mentis natura inveniantur, non tamen in eis mens ipsa dividitur, ut in parte sui habeat memoriam, in parte intelligentiam, in parte voluntatem; sed quidquid meminit, invenitur tota meminisse; et quidquid intelligit, tota intelligere; et quidquid nihilominus ipsa mens diligit, tota cognoscitur mens hominis sua voluntate diligere. Ista, Fabiane, si potes, attende, ista cogita, ista rationabili intentione considera. De consideratione imaginis concende ad intelligentiam veritatis; et inventa hic discreta Trinitate nominum, Trinitatem illic intellige personarum; et agnoscens in una mente hominis, unam memorie et intelligentie et voluntatis individuum esse naturam, cognosce in illa vera divinitate unam manere **601** sanctæ Trinitatis essentiam. Tunc profecto in perceptione hujus rationis dabitur tibi cognitionis Trinitatis: quam si in hac vita videris per speculum in ænigmate, tum in illa vita videbis faciem ad faciem. Hoc est enim quod Apostolus ait: *Videamus enim nunc per speculum in ænigmate, tunc autem facie ad faciem* (*I Cor. xiii, 12*). In hoc igitur speculo creationis humanæ cognosce Creatoris imaginem, si vis ipsam Creatoris postmodum cognoscere veritatem. Ambula per banc fidem, ut pervenire possis ad speciem. In qua simul etiam mysterium divine Incarnationis attende: ut agnoscas et tolius Trinitatis unam esse substantiam, et susceptionem carnis ad solam Filii pertinere personam. Ipsa quippe memoria, quæ in anima hominis est, ut aliquid loquatur, profert ex sese cogitationem, et quodammodo nascitur ex ea spiritale verbum. Atque ita illa rationalis animæ una indivisibilisque natura, tota invenitur meminisse quod intelligit, et tota intelligere quod meminit, et quidquid oculo memorie intueretur, totum cogitatione complectitur. Quæ cogitatio ut ad aliorum notitiam proferatur, corporea voce gestatur. Illa quippe cogitatio, nihil est aliud quam interna locutio. Unde intra semetipsam rationalis anima loquitur, dum cogitatione versat quod in memoria continetur: et ideo digne jam dicitur verbum, etiam prius quam corpore ac vocis officio proferatur. Verbum itaque illud spiritale, id est, ex memoria formata cogitatio, habitum quodammodo accipit corporalem, dum accipit corpoream vocem. Itaque mirabiliter illud verbum, et ad alios accepta voce procedit, et a memoria de qua nascitur non recedit: nec divisioni subjacet; quandoquidem uno verbo ex ore loquentis emiso, sic instruuntur universi qui audiunt, ut quod semel dictum audiunt cuncti, sine divisione totum percipient singuli. Itaque verbum illud, quantum invenitur in cunctis, tantum invenitur in singulis. Totum itaque in memoria permanet de qua na-

scitur, totum corporea voce profertur, totum multis audientibus semel dicitur, totumque in singulis audientibus, non minus quam in omnibus invenitur. Ita et Filius Dei, quod est Verbum Dei, a Patre quidem, sicut ipse testatur (*Joan. xvi, 28*), exivit et venit in hunc mundum : sed et semper apud Patrem erat, quia in principio erat Verbum, et Verbum erat apud Deum, et Deus erat Verbum (*Joan. i, 1*) ; et antequam in mundum veniret, in mundo erat, et mundus per ipsum factus est (*Ibid., 12*). In mundo enim semper erat Verbum Deus; quia per unitatem naturae sicut omnem creaturam implet Pater, sic implet et Filius. Itaque nec a Patre discessit cum a Patre exivit, nec tunc in mundo esse coepit, cum in mundum venit. Sed exiens a Patre, sic apud Patrem permansit, sicut semper erat : et in mundum veniens, ibi tunc adesse voluit per gratiam, ubi nunquam deesse potuit per naturam. Ecce ego in quantum potui, licet breviter, reddidi rationem qua unum Deum dicamus Patrem, et Filium, et Spiritum sanctum : et in ipsa Dei imagine ostendi quoddam divinæ agnitionis indicium. In qua quidem imagine, memoria, intelligentia et voluntas non habent sin-

A gulas propriasque personas. Imago quippe est ista, non nata, sed facta, non genita, sed creata. Ad hoc utique, ut sicut **602** in ista una imagine invenitur quædam discretio vocabulorum, sic in illa una divinitate cognoscatur discretio personarum; et naturalis unitas ostendat unum Deum esse Patrem et Filium et Spiritum sanctum, personarum vero proprietas demonstret alium esse Patrem, alium Filium, alium Spiritum sanctum. Alium autem Patrem, non eo quod Deus⁶ est, sed eo quod Pater est; et alium Filium non eo quod Deus est, sed eo quod Filius est; alium quoque Spiritum sanctum, non eo quod Deus est, sed eo quod et Patris et Filii Spiritus est. Alium ergo Patrem qui (Apud Theod. quia hic et infra) genuit, alium Filium qui de Patre natus est, et alium Spiritum sanctum qui de Patre Filioque procedit : non tamen alium Deum Patrem, et alium Deum Filium, et alium Deum Spiritum sanctum ; sed unum Deum Patrem et Filium et Spiritum sanctum. Non enim confundit unitas Trinitatem, nec Trinitas separat unitatem; quia quod in personarum proprietate discernitur, hoc unum naturaliter essentiae unius communione monstratur.

EX LIBRO VI. DE UNO AETERNO.

FRAGMENTUM XIX.

Filius est Patri coeternus.

Non est irrationalis Ecclesiae catholice fides, quia coeternum Patri Filium et credit et praedicat, sciens recentem esse omnem deum in quo existendi quodlibet invenitur initium. Hoc autem Deus suo populo repromisit, quia si eum audierit, deus in illo recens non erit, et ob hoc deum alienum nullatenus adorabit. Sic enim dicitur per prophetam : *Israel, si me audieris, non erit in te deus recens, neque adorabis deum alienum* (*Psalm. LXXX, 10*). Ideo igitur deus recens non est Filius, quia aeterno Patri est naturaliter coeternus; et ob hoc a nobis unus Deus cum Patre colitur, quia posterior Patre nullatenus invenitur. Cum ergo in Filio queritur aeternæ nativitatis causa, sola invenitur Patris aeterna substantia : natura enī quæ initium existendi nescit, initium generandi habere non potuit. Quid autem manifestius ad cognoscendum Filium, et de natura Patris natum, et Patri naturaliter coeternum, illo Scriptura loco, quo de Sapientia dicitur : *Splendor est enim lucis aeternæ* (*Sap. vii, 26*) ? Nam splendor, nec a natura lucis invenitur extraneus, et sicut non est ipsa luce minor, sic ea non potest esse posterior. Coeternitatem quippe splendoris certissime commendat aeternitas lucis. Nam excepto quod unusquisque hominum sic generat filium, sicut est ipse generatus ; et ideo filio suo invenitur anterior, quia fuit patre suo posterior : tamen ad ipsum primum hominem recurramus, cui soli datum est in toto humano genere, ut ipse filius non esset, et de se aliud protulisset, haberetque de se natum **603** non natus, et posset generare non genitus. Generatio quippe illa naturalis unitatem naturae in patre filioque servavit. Ideo autem initium habuit

nativitas filii nascentis, quia sine initio non fuit substantia genitoris : itaque natura illa ideo initium nascendi in filio veraciter habuit, quia sine initio existendi in genitore non fuit : unde manifestum est, quia in filio nativitas illa nullo initio subjaceret, si natura patris existendi initium non haberet. Quocirca ubi sine initio naturalis invenitur aeternitas patris, initium habere non potest nativitas prolis. Ingenitus ergo Deus Pater, et genitus Deus Filius cum dicitur, sicut naturalis ingeniti Patris generatio unitatem naturae facit in Patre Filioque cognosci, sic naturalis aeternitas Patris vetat aliquod initium divinæ generationis intelligi. Absque initio est igitur et Pater et Filius, et ideo unum verumque principium est Pater et Filius : unde ipse Deus Pater proprio Filio dicit in psalmo : *Tecum principium in die virtutis tuæ, in splendoribus sanctorum, ex utero ante luciferum genui te* (*Psalm. cix, 3*). Quod est *tecum principium*, nisi quod alibi de Sapientia dicitur, quia a Domino Deo est, et cum illo fuit semper, et est ante ævum (*Ecclesiastes. i, 4*) ? Digne itaque se Filius proflitetur esse principium, quia in tantum se novit Patri principio coeternum, ut cum codem Patre naturaliter unum se noverit esse principium : et illud quod se a et ω , initium et finem Filius asserit (*Apocalypse. i, 6*), seipsum utique sine initio et fine confirmat : quia sicut ante *alpha* non est aliqua littera, sic ante Filium nulla potuit esse natura : ideo igitur se *alpha* Filius dicit, ut rerum se ostenderet esse principium, quod nullo potest preveniri principio. Ninc est quod etiam sanctus evangelista, cum sine initio aeternitatem Verbi vellet exprimere, nihil aptius, nihilque congruentius, Spiritu sancto repletus invenit, quam ut diceret : *In principio erat Verbum* (*Joan. i, 1*).

Non enim in principio coepit esse Verbum, quia non verat illud Verbum initio nativitatis naturaliter non esse subjectum: sed in principio, inquit, erat Verbum: ut hoc audiens curiositas humanae temeritas semetipsam ab impietate generationis initiatice coerceat, cum quidquid voluerit ante illam generationem immoderata cogitatione conjicere, non aliud in Verbo quam erat semper, valeat invenire. Hoc enim vere in principio erat, quod sine existendi principio erat; quia non vere in principio esset, si esse coepisset: illud enim vere in principio esse dicitur, in quo ipsum esse sine initio naturaliter invenitur. Dicens itaque sanctus evangelista, *In principio erat Verbum*, tale aliquid dixit quale si diceret, In æternitate erat Verbum. Vera quippe æternitas que esse non coepit, sola verum invenitur esse principium. Ideo autem non dixit evangelista, In principio erat Deus, sed *In principio erat Verbum*; quoniam nullus ambigit de Deo Patre quod sine initio sit æternus: hoc autem de Filio nobis debuit intimari, quod plenissime beatus Joannes ostendit, dicens, *In principio erat Verbum*: ut hinc sine principio esse Filiū neverimus; quando quidquid voluerimus cogitare principium, semper inveniemus quia in principio erat Verbum: ne aliquando coepisse esse dicamus, quod in principio erat semper audimus. Erat ergo apud Patrem Filius, sicut apud **604** Deum Deus, sicut apud immensum immensus, sicut apud æternum naturaliter coæternus.

FRAGMENTUM XX.

Æternus Pater potuit sine initio generare.

Ipsa contra te utique vocabula protestantur, quia Pater sine dubio potuit Filium generare, et quia potuit genuit. Proinde, quia Deus Pater omnipotens est, sicut potuit generare, sic potuit sine initio generare; imo sicut genuit, sic sine initio genuit. Quia natura ejus, que sine initio est, sicut non habet initium existendi, sic initium non potuit habere gignendi. Natura quippe illa semper est; et ideo quod de illa naturaliter natum est, æqualiter semper est. Unitas enim naturalis generatione mutari non potuit, quando naturalis nativitas, sicut in se naturam, sic æternitatem naturalem Dei generantis agnoscit. Proinde proprietati vocabulorum cede tandem, et crede; et in eo, quem proprium Filium Patris Apostolus predicit, æternitatem sine initio paternæ generationis agnoscit.

FRAGMENTUM XXI.

Homo factus est ad imaginem, non unius tantum personæ divinæ, sed totius Trinitatis. Dei ex Scripturis sanctis ostenditur et in personis Trinitas et in natura unitas.

Recurre ad sanctorum exordium Scripturarum, in quo (velis nolis) hominem factum audies ad imaginem Trinitatis. Ibi quippe scriptum est: *Et dixit Deus: Faciamus hominem ad imaginem et similitudinem nostram (Genes. 1, 26).* Ubi in eo quod non positum est Dixerunt, sed Deus dixit, agnoscitur una divinitatis essentia. Similiter et in eo quod non ait Ad imagines, sed ad imaginem, una imago que sit (al. quam fecit), unam naturam sui factoris (al. auctoris)

A ostendit. Cum vero sic dicitur singulariter ad imaginem, ut non dicatur, Ad imaginem meam, neque Ad imaginem tuam, sed ad imaginem nostram; numerus pluralis singulari conjungitur, ut in unitate divinae naturæ personarum Trinitas agnoscatur. Si ergo Trinitas non unus est naturaliter Deus, quare non pluraliter Ad imagines, sed singulariter ad imaginem dixit? Et si non ad totius Trinitatis unam divinitus homo faciens erat imaginem, quare non dixit, Meam, sed nostram? Cum paulo post, ad insinuationem **605** divinæ unius essentiae Scriptura dicat: *Et fecit Deus hominem; ad imaginem Dei fecit eum (Ibid., 27).* Quod etiam beatus Apostolus sua predicatione confirmans, ait: *Expoliante vos veterem hominem cum actibus vniuersi, et induentes novum, eum qui renovatur in agnitionem (al. in agnitione), secundum imaginem ejus qui creavit eum (Coloss. iii, 9, 10).* Et ne tibi videatur ad imaginem solius Dei Patris hominem creatum asserere, audi quid Apostolus sine intermissione subjungat: *Ubi non est gentilis et Judæus, circumcisio et præputium, Barbarus et Scythæ, servus et liber, sed omnia et in omnibus Christus (Ibid., 11).* Ecce beatus Apostolus hoc loco, cum vellet ostendere eum a quo et ad cuius imaginem creatus est homo, Christum dicit esse omnia et in omnibus. Si vero solius Christi imaginem homini assignare volueris, vide quid de illo loco respondeas, ubi dicitur: *Faciamus hominem ad imaginem et similitudinem nostram (Genes. 1, 16).* Hoc enim dictum sive persone Patris, sive Filii assignare contendas, si non ad imaginem Patris et Filii dixeris hominem factum, necesse est ut aut Patrem mentitum profitearis, aut Filium. Agnosce igitur in homine, non solius Patris, nec solius Filii, nec solius Spiritus sancti, sed unam sanctæ Trinitatis imaginem; ut tres personas ipsam Trinitatem, unum Deum veraciter valeas confiteri. Moyes quoque ad docendum Trinitatis unius Dei mysterium, sic populum Israel, ipso Deo jubente, benedixisse cognoscitur: *Benedic te Dominus, et custodiat te. Illuminet Dominus faciem suam super te, et misereatur tui. Attollat Dominus faciem suam super te, et det tibi pacem (Nm. vi, 24, 25, 26).* Ecce tertio Dominus dicitur, ut sanctæ Trinitatis et in personis distinctio, et in natura unitas agnoscatur. Ita nos credere et confiteri debere, per Isaiam quoque prophetam ipsa Trinitas, qui est unus, verus et bonus Deus, edocuit; Seraphim ad invicem tertio clamantibus: *Sanctus, Sanctus, Sanctus: et semel subinventeribus: Dominus Deus sabaoth: plena est omnis terra gloria ejus (Isai. vi, 3).* Ex hac igitur potestatum prædicatione coelestium, agnosce sanctum Patrem, sanctum Filium, sanctum Paracletum Spiritum; et crede unum Deum esse Patrem et Filium et Spiritum Sanctum: audi tertio *Sanctus, Sanctus, Sanctus*, ut tres esse personas agnoscas; audi semel, *Dominus Deus sabaoth*, ut unitatem divinitatis intelligas. Hoc etiam beatus Apostolus firmat, qui ad discretionem personarum ait: *Unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos*

C

si non ad imaginem Patris et Filii dixeris hominem factum, necesse est ut aut Patrem mentitum profitearis, aut Filium. Agnosce igitur in homine, non solius Patris, nec solius Filii, nec solius Spiritus sancti, sed unam sanctæ Trinitatis imaginem; ut tres personas ipsam Trinitatem, unum Deum veraciter valeas confiteri. Moyes quoque ad docendum Trinitatis unius Dei mysterium, sic populum Israel, ipso Deo jubente, benedixisse cognoscitur: *Benedic te Dominus, et custodiat te. Illuminet Dominus faciem suam super te, et misereatur tui. Attollat Dominus faciem suam super te, et det tibi pacem (Nm. vi, 24, 25, 26).* Ecce tertio Dominus dicitur, ut sanctæ Trinitatis et in personis distinctio, et in natura unitas agnoscatur. Ita nos credere et confiteri debere, per Isaiam quoque prophetam ipsa Trinitas, qui est unus, verus et bonus Deus, edocuit; Seraphim ad invicem tertio clamantibus: *Sanctus, Sanctus, Sanctus: et semel subinventeribus: Dominus Deus sabaoth: plena est omnis terra gloria ejus (Isai. vi, 3).* Ex hac igitur potestatum prædicatione coelestium, agnosce sanctum Patrem, sanctum Filium, sanctum Paracletum Spiritum; et crede unum Deum esse Patrem et Filium et Spiritum Sanctum: audi tertio *Sanctus, Sanctus, Sanctus*, ut tres esse personas agnoscas; audi semel, *Dominus Deus sabaoth*, ut unitatem divinitatis intelligas. Hoc etiam beatus Apostolus firmat, qui ad discretionem personarum ait: *Unus Deus Pater, ex quo omnia, et nos in ipso; et unus Dominus Jesus Christus, per quem omnia, et nos*

per ipsum (*I Cor. viii, 6*). Et fideles dixit coëdificari in habitaculum Dei in Spiritu (*Ephes. ii, 22*). Ostendens autem unum Deum esse Trinitatem ait, *O altitudo divitiorum sapientiae et scientiae Dei* (*Rom. ii, 33*)! Et paulo post: *Quoniam ex ipso, et per ipsum, et in ipso sunt omnia, ipsi gloria in saecula* (*Ibid. 36*). Beatus vero Joannes apostolus evidenter ait: *Et tres unum sunt*. (*I Joan. v, 7*); quod de Patre et Filio et Spiritu sancto dictum, sicut superius cum rationem flagitares ostendimus.

606 FRAGMENTUM XXII.

Non est ignis splendor aut vapore suo prior: sic nec Pater Filio, aut Spiritu sancto est anterior.

Quid autem tibi visum est dicere: « Ergone fieri potest ut ille qui generat, cum illo quem generat, pariter oriatur? » Sic istud inaniter voluisti dicere, quasi nos et hoc etiam Patrem dicamus natum, quia Filium Patri dicimus coeternum. Novimus Patrem de nullo genitum, novimus Filium de Patre genitum: illa enim aeternitas sibi coeternam genuit problem, quae ex aliquo habere non invenitur originem. Pater igitur origo est aeterna, Filius proles aeternae originis coeterna. Non ergo potuit Pater cum Filio quem genuit simul oriri, sed potuit Filius de ingenuo Patre sine initio nasci. Illa igitur similitudine ignis, quam tibi sub meo nomine proposuisti, multum solent vestra commenta destrui; quando aliquid invenitur in creatura quod ex se aliquid proferat, et hoc tamen quod protulerit non praecedat: unde possit ab his qui recte considerant, de aeterno Patre non minus aeterna Filii cognosci nativitas. Ut autem aliqua divinæ generationis de igne similitudo sumatur, habet hoc apostolica prædicationis auctoritas quæ ait: *Etenim Deus noster ignis consumens est* (*Hebr. xii, 29*). Quod ait, sequens prædicationem sancti Moysi dicentis in Deuteronomio: *Quoniam Dominus Deus vester ignis consumens est* (*Deut. iv, 24*). Ad hoc pertinet et illud quod in libro Sapientie de ipsa Sapientia dicitur: *Splendor est enim lucis aeternæ* (*Sap. vii, 26*). Quod similiter apostolica prædicatione profertur, cum dicitur ad Hebreos de ipso Filio: *Qui cum sit splendor gloriae, et figura substantiae ejus* (*Hebr. i, 3*). Cum autem ista dicuntur, non utique Deo, qui corporeus non est, quelibet res corporeæ comparantur: sed quia invisibilis ejus a creatura mundi, per ea quæ facta sunt, intellecta conspiciuntur, nostræ infirmitati consulens divina benignitas, quedam in diversis rebus posuit sue cognitionis indicia: ut in his quibus capiendis sumus invalidi, usitatarum rerum documentis redderemur instructi. Quamvis igitur et de Sapientia dictum sit, quia *vapor est virtus Dei* (*Sap. vii, 25*); tamen et Spiritus sanctus in natura ignis, vaporis noa incongrue (quantum expedit rei divinæ cognitionis) similatur: propter illud quod ait Apostolus, *Spiritu ferventes*. Non autem ad hoc accipiendum est, ut ex hoc quisquam Spiritui sancto ascribat de Deo Patre nativitatem; sed ad hoc tantum ut unam naturam Patris, et Filii, et Spiritus sancti cognoscat, unamque naturaliter aeternitatem divinæ Trinitatis intelligat. Proinde considera, in

A igne quidem esse splendoris et vaporis originem, nec tamen ignem esse splendore aut vapore suo priorem: et ex hoc, sic aeternum confitere Filium et Spiritum sanctum, sicut aeternum confiteris et Patrem; non **607** creaturam Creatori conferens, sed invisibilia Dei per ea quæ facta sunt, intellecta cognoscens.

FRAGMENTUM XXIII.

Sapientia splendor est lucis aeternæ. Non est aeternæ lucis nisi aeternus splendor.

Puto autem de Scripturis sanctis esse, quod de Sapientia dictum memoravimus, quia *splendor est lucis aeternæ* (*Sap. vii, 26*): et nunquam audebis splendorem luce posteriore aliquatenus prædicare. Et quia lux illa cuius Sapientia splendor est, sic est **B** naturaliter aeterna, ut sine initio sit, necesse est ut etiam splendor ille lucis ita sit aeternus, ut eidem luci cuius splendor est, sine initio sit naturaliter coeternus. Hoc testimonium sanctæ Scripturæ, non solum plenum est virtute auctoritatis, verum etiam lumine rationis. Recta quippe ratio est, ut si hoc testimonium sanctæ Scripturæ accipitor, una aeternitas lucis splendorisque credatur. Neque enim frustra hoc Deus voluit, ut in eo loco, ubi Sapientia splendor lucis ostenditur, eadem lux aeterna Scripturæ testimonio diceretur; nisi ut ex eo quod illam lucem naturaliter aeternam cognoscimus, splendorem quoque ejus naturaliter ei coeternum sine dubitatione credamus.

FRAGMENTUM XXIV.

Nec Pater fuit ante generationem, nec Filius ante nativitatem.

Semper natum Filium dico, et Patrem sine initio genuisse confiteor. Quomodo igitur Filius antequam nascetur esse potuit, cuius nativitas initium habere non potuit? Nec enim poterat natus esse sua nativitate prior, qua nativitate sic est aeternus, ut naturaliter non sit Patre posterior. Non ergo Filius nativitatem suam præcessit, quem genitori coeternum nativitas ipsa naturalis ostendit. Patrem quoque generasse confirmo, quem tamen antequam generasset, esse potuisse non prædicto; non enim erat ante nativitatem Filii, quia Dei Patris sicut est aeterna divinitas, sic est aeterna paternitas; et ubi aeternitas paternitatis in genitore cognoscitur, etiam in Filio **C** aeterna nativitas invenitur. Non ergo est quo genuit, esse coepit, quia nec essentia Patris nec generatio aliquatenus coepit. Una est enim aeternitas essentiae **608** simul et generationis in Patre: in qua aeternitate sic essentia illa generatioque permanet; ut nefas sit aut divinitate Patris posteriorem putare generationem, aut generatione priorem credere deitatem. Sine initio igitur Deus Pater genuit, qui esse non coepit; et sine initio est Filii nativitas, quia hoc habet paternæ generationis aeternitas. Audisti Filium semper esse, et sine initio natum esse, nee possedisti ante ejus nativitatem aliquid fuisse, cuius et divinitas et nativitas naturaliter agnoscitur non possesse. Nam require in Scripturis sanctis, et invenies, in tantum non esse Filio aliquod divinæ nativitatis

initium, ut ubicunque divina nativitas ejus ponitur, A ante semper dicatur. Sicut in Psalmo scriptum est : *Ante luciferum genui te* (*Psal. cix*, 3). Ubi etiam Pater se suumque Filium unum dicit esse principium, quoniam hoc est verum principium, quod sine initio naturaliter invenitur aeternum. In libro quoque Proverbiorum ipsa Sapientia dicit de Patre : *Priusquam terram saceret, priusquam procederent fontes aquarum, ante omnes autem colles genuit me* (*Prov. viii*, 23, 24, 25). Tu dicas nativitatem divinam Unigeniti Dei non posse sciri, quia non potest enarrari; cum utique si enarrari posset, divina non esset : quocirca quia divina est, vera est ; quia divina est, aeterna est ; quia divina est, inenarrabilis est. Illud igitur quod tu tibi inaniter respondisti, quia nec Filius esse potuit antequam nasceretur, et Pater sine dubio exstitit antequam gigneret, cogitationes sunt carnis et sanguinis, que regnum Dei possidere non possunt (*I Cor. xv*, 50) : hoc enim de divinitate sentis quod in hominibus cernis. Sed non ita est. Aeternus enim sine initio Deus Pater aeternam habet generationem, qua genuit Unigenitum suum ; non sicut de carne generatur caro, sed sicut est natus Deus de Deo, unus de uno, verus de vero, coeternus de aeterno ; alter in persona, non aliud in natura ; de Deo Pater natus Deus, et cum Deo Pater naturaliter unus, aeternus, immortalis, atque incommutabilis

Deus. Fateamur itaque Filium esse Initium atque Principium, quia scriptum est : *Principium, et quod loquor vobis* (*Joan. viii*, 25) ; et iterum : *Ego sum et tu, initium et finis* (*Apoc. i*, 8) : sed illud principium quod cum Patre unum est principium ; et ideo verum principium, quia ante omne principium. Sicut enim ideo est verus Deus, quia de natura Patris natus est Deus, sic ideo est verum principium, quia de illo Patre sine initio natus est qui est verum principium. Sic itaque Filius principium non habet nascendi, sicut Pater non habet principium existendi. In principio igitur cum Patre Filius, quia unum principium Pater et Filius : ipsumque unum verumque principium, cuius nullum est existendi principium. Antiquus dicerum simul Pater et Filius : quia illa est vera naturaliter antiquitas, que sine initio est naturalis aeternitas. Nam sicut illa longitudine qua Deus dicit : *Longitudine dierum replebo eum* (*Psal. xc*, 16) ; et propheta : *Ut inhabitem in domo Domini in longitudine dierum* (*Psal. xxii*, 6), ideo vera longitudo est, quia nullo est termino finienda ; sic antiquitas illa est vera, que nullo initio cognoscatur inchoata : itaque antiquitas sic initium nescit, sicut finem ista longitudo non recipit. Proinde ille qui se dixit et tu, nec coepit esse nec desinit : quia sicut in se non habet aliquando posse non esse, sic in se naturaliter non habet non fuisse.

EX LIBRO VII. DE AEQUALITATE ET UNIATE SPIRITUS SANGII CUM PATRE ET FILIO.

609 FRAGMENTUM XXV.

Spiritus sanctus nec minor est Pater vel Filius, nec eis subjectus.

Adversus ea que de nominibus atque officiis propositi, quantum res flagitabat, dedimus tibi superius, Domino adjuvante, responsum : ostendentes, non ex illis nominibus aut officiis sanctum Spiritum subjectum in aliquo et humilem, sicut astimas, inveniri. In illo autem loco Evangelii, ubi eum putas minorem subjectum monstrari, ibi agnosctur Spiritus sanctus ab unitate Patris et Filii non esse naturaliter alienus. Vide enim quid dicat Christus : *Adhuc multa habeo vobis dicere, sed non potestis modice portare ; cum autem venerit ille Spiritus ueitatis, docebit vos in omnem veritatem* (*Joan. xvi*, 12, 13). Hic primum virtutem Spiritus sancti Salvator noster dignatus est commendare, quando ea que, ipso secundum carnem presente atque docente, discipuli portare non poterant, sancti Spiritus munere confortati, essent sine dubio portatui. Ubi utique non maiorem virtutem Spiritus sancti ostendit esse quam suam ; sed unam virtutem esse Spiritus sancti demonstravit, et suam : ut ille eis virtutis plenitudinem contulisset, qui minor virtute non esset. Hoc autem necessarium fuit propter personarum discretionem, non propter operum aliquam diversitatem ; sed ordinis erat, ut illius intima illuminatione et confirmatione, perficeretur in apostolis donum intelligentiae spiritalis et insuperabilis omnino virtutis,

C sine cuius nomine non potest sacramentum constare baptismatis. Hoc ergo Christus fecit, non quia minus poterat dare quam dedit Spiritus sanctus (cum in omni munere ita sit unum sanctae Trinitatis donum, sicut in omni opere unum est sanctae Trinitatis officium) ; sed hoc fecit Deus Filius, ad ostendadum sancte Trinitatis unam naturam, unamque virtutem ; ut eum a quo doceri apostolos in omnem veritatem, ipso praedicante Salvatore, constaret, ne mo minorem Patre et Filiu aliquatenus aestimaret. Non est hic igitur aliquid indicium subjectionis, ubi manifestatur unitas naturalis ; sed Christus, qui est vera Sapientia, illius adventui plenam veritatis invenitur reservasse doctrinam, cuius unam secum et cum Patre volebat demonstrare substantiam. Quid subsequentibus verbis ostendit, dicens : *Non enim loquetur a semetipso, sed quaecunque audiet loquetur, et quae ventura sunt annuntiabit vobis* (*Joan. xvi*, 13, 14). Ecce primum ostendit non esse alia Spiritus sancti quam que sunt **610** Fili. Deinde ut ostenderet omnia sua esse que Patris sunt, adiecit (v. 15) : *Omnia quaecunque habet Pater, mea sunt : properea dixi quia de meo accipiet, et annuntiabit vobis.* Illud igitur primitus attendamus, quod ait : *Non enim loquetur a semetipso, sed quaecunque audiet loquetur.* Quis autem comprehendit qualis sit illius simplicis naturae locatio, vel qualis auditio ? Ubi, sicut non est aliud sapere, vel scire, quam esse, ita non

est aliud audire quam esse. Audit itaque Spiritus A sanctus quæcumque Pater et Filius dicit (*Theodulphus*, dicunt), et hæc eadem similiter dicit; sicut videt Filius quæ Pater facit, et hæc eadem similiter facit. In illa enim natura, ubi est summa et vera simplicitas, in eo Filius videt quod Pater facit, et Spiritus sanctus audit quod cum Patre Filius dicit, quia communione naturalis essentiae et Filius de Patre natus exstitit, et Spiritus sanctus de Patre Filioque procedit. Hoc est igitur Spiritui sancto audire, quod est de natura Patris Filiique procedere: et hoc est loqui, quod est per gratiam nostris cordibus ineffabiliter intimare. Et tamen ipsum spiritum sanctum, qui et in apostolis et in prophetis locutus est [quia non solum apostolis Salvator noster dixit: *Non enim vos estis qui loquimini, sed Spiritus Patris vestri qui loquitur in vobis* (*Matth. x, 20*)]; verum etiam beatus Petrus dixit, quia non voluntate humana allata est ut quam propheta, sed Spiritu sancto acti locuti sunt sancti homines Dei (*II Petr. i, 21*); ipsum, ut dixi, spiritum sanctum, Dominum Deum beatus David appellat, dicens: *Audiam quid loquitur in me Dominus Deus* (*Psalm. LXXXIV, 9*). Hoc est ergo audire Spiritui sancto quod est esse, cui non aliud est esse quam scire.

FRAGMENTUM XXVI.

Quomodo angeli et semper vident faciem Patris, et in spiritum sanctum prospicere concupiscunt.

Deinde memeto de isto sancto spiritu dixisse apostolum Petrum, quia in eum concupiscunt angeli prospicere: sic enim ait: *Ea quæ nunc nuntiata sunt vobis, per eos qui evangelizaverunt vobis, spiritus sanctus noster de cœlo, in quem concupiscunt angeli prospicere* (*I Petr. i, 12*). Quid est autem angelorum prospicere nisi intelligere? Rationalis enim creatura, quod spiritualiter prospicit, intelligit; quia oculus ejus intellectus ejus. Si ergo minus aliquid noverat spiritus sanctus, quod minus utique noverat, minus intelligebat. Non ergo debuerunt concupiscere angeli sancti in eum prospicere, qui secundum plenitudinem scientiarum, faciem Patris videre Veritatis ipsius testimonio perhibentur. Loquans enim de parvulis ait: *Angeli eorum semper vident faciem Patris mei qui in cœlis est* (*Matth. xviii, 10*). Quis igitur tam perversus hoc de sanctis angelis audeat aestimare, quod faciem quidem Patris (quem majorem spiritu sancto dicas) semper videant, et prospicere in spiritum sanctum (quem minorem asseris) concupiscant?

611 FRAGMENTUM XXVII.

Quid est loqui spiritum sanctum non a seipso, sed quæ audit a Patre et Filio: quid eumdem ab his misse.

Quapropter, si hoc quod audire dicitur spiritus sanctus recte cogites, ex hoc unam naturam esse spiritus sancti cum Patre Filioque cognoscere. Audit enim spiritus sanctus Patrem filiumque loquentem, sicut videt Filius Patrem facientem: audit unius communione naturæ; inde quippe habet æternam auditionem, unde naturalem habet æternæ divinitatis originem: et ideo quæ audit et loquitur, quia in eo quod

ejus divina cognoscatur esse doctrina, simul cognoscitur ejus una cum Patre Filioque substantia. Ibi enim locutio spiritus sancti percipitur, ubi non aliter quam oportet de ejus divinitate sentitur. Ceterum, hoc quod spiritus sanctus in omnem veritatem docet, nullatenus percipiunt, qui ejus maiestati cœci cordis duritia contradicunt: quod facientibus Iudeis Dei Filius ita respondit: *Quaritis me interficere, quis sermo meus non capit in vobis* (*Joan. viii, 37*). Capaces quippe sermonis ejus esse non poterant, cuius divinam maiestatem minime cognoscebant. Ideo eis dicit: *Ego quod vidi apud Patrem, loquor* (*v. 58*); in eo enim quod apud Patrem viderat loquebatur, quod se æqualem Patri naturaliter fatebatur. Nam et superiorius dixerat evangelista: *Propterea ergo magis quærerant eum interficere Iudei, quia non solum solvebat sabbatum, sed et Patrem suum dicebat Deum, æqualem se faciens Deo* (*Joan. v, 18*); et posteaquam illi qui excus natus fuerat oculos donavit, indignatibus Iudeis ita respondit: *Oves meæ vocem meam audiunt, et ego cognosco eas, et sequuntur me; et ego vitam æternam do eis, et non peribunt in æternum* (*Joan. x, 27, 28*). Ut ostenderet quæ est vox ejus quam oves ejus audiunt (quia revera illæ oves vocem hujus boni pastoris audiunt, quæ unam virtutem, et ex hoc unam essentiam Patris Filiique cognoscunt): statim vere divina voce, unam virtutem atque essentiam suam simul et Patris ostendens, dixit de oīibus suis: *Et non rapit eas quisquam de manu mea, Pater meus quod dedit mihi majus omnibus est: et nemo potest rapere de manu Patris mei. Ego et Pater unus sumus* (*Ibidem, 28, 29, 30*). Hæc est ergo vox quam oves ejus audiunt; quæ scilicet in eo quod nemo rapit de manu Filii, neque de manu Patris, unam virtutem Filii et Patris intelligent; et audientes ab eo, quia ipse et Pater unus sunt, unitatem veram in Patre et Filio essentiam naturaliter agnoscant. Hæc est vox Filii, hæc est locutio spiritus sancti, hoc a Patre audit et Filius et spiritus sanctus; quia de natura Patris natus est Filius, et exinde procedit spiritus sanctus: hoc etiam a Patre et Filio spiritus sanctus audit, quia de Patre et Filio communis divinitatis æqualitate procedit. Non ergo spiritus sanctus loquitur a seipso, quia non est a seipso, sed de Patre et Filio habet naturalem locutionem, unde naturaliter

D 612 procedens habet originis veritatem. Ad hoc utique pertinet quod ait: *Ille me clarificabit, qui de meo accipiet, et annuntiabit vobis* (*Joan. xvi, 14*). Nunquid enim sicut (forte sic) dictum est, *accipiet, tanquam illa quæ docturus apostolos fuerat, neendum spiritus sanctus accepisset?* Quod utique quam sit absurdum atque impium superiorius demonstravi. Dicatum est itaque quia de meo accipiet, tanquam si diceretur: *Cum vos sicut Deus docere cœperit, omnia quæ vos docebit, de meo se habere monstrabit.* Quid est enim proprium docere Dei, nisi et intelligentiam ignoris tribuere, et fortitudinem ac fiduciam timidis inspirare? quod utique ille spiritus vere facit, qui est naturaliter spiritus sapientia et intellectus, consilii et fortitudinis. Unde etiam in libro Actuum apostolorum

lorum de credentibus dictum est, quia *replete sunt vobis Spiritu sancto, et loquebantur verbum Dei cum fiducia* (Act. iv, 31). Quia vero Pater est naturalis origo Filii et Spiritus sancti, ideo totum Patri Filius assignans, ait: *Omnia quae habet Pater mea sunt; propterea dixi quia de meo accipiet* (Joan. xvi, 15). Quam bene veritatem doctrinæ sue Veritas ipsa servavit! Si enim hoc non dixisset, quasi suum esse tantum Spiritum ostendisset; sed dicens, *omnia quae habet Pater mea sunt; propterea dixi quia de meo accipiet*; ipsum Spiritum sanctum, unum esse ostendit et Patris et suum. Cujus intelligentia tenorem loco quoque superiore servavit, dicens: *Paracletus autem Spiritus sanctus quem mittet Pater in nomine meo, ille vos docebit omnia quæcumque dixerim vobis* (Joan. xiv, 26). Pater mittit, sed in nomine Filii mittit; Spiritus missus a Patre docet, sed Filius dicit. Hoc etiam illio demonstratur loco ubi Dominus dicit: *Cum autem venerit Paracletus quem ego mittam in vos a Patre, Spiritum veritatis, qui a Patre procedit* (Joan. xv, 26). Ecce hic Paracletum quem mittit Pater in nomine Filii, ipsum mittit Filius a Patre: mittit autem a Patre Spiritum veritatis: mittit ergo a Patre Spiritum suum, quia ipse est Veritas. Mittit eum Pater in nomine Filii, quia unus Spiritus est Patris et Filii: mittit eum Filius a Patre, quia sic procedit a Filio sicut procedit a Patre: idem quoque Spiritus Patris, qui Spiritus est Veritatis. De Filio (*al. De Filii*) ergo accepit, et *omnia quae habet Pater Filii sunt, quæ Spiritus sanctus accepit*; quia non de solo Patre, nec de solo Filio, sed simul de utroque procedit. Hoc autem vocabulum processionis de Patre, nulli creature inventitur indulsum; ut proprietas ista processionis solius esse demonstretur essentia naturalis. Legimus enim Filium de Patre genitum, et quamvis in eo quod

A Unigenitus dicitur, in solo naturalis generatio demonstretur, tamen propter gratiam adoptionis nos quoque Deus Pater voluntarie genuit verbo veritatis (Jac. i, 18). Unigenitus igitur, unus et solus est de Patris essentia Filius natus: sed et nos per adoptionem et Filii Dei dicimur et de Deo nati, beato Evangelista dicens: *Quotquot autem repererunt eum, dederunt eis potestatem filios Dei fieri, his qui credunt in nomine ejus, qui non ex sanguinibus, neque ex voluntate carnis, neque ex voluntate viri, sed ex Deo nati sunt* (Joan. i, 12, 13). Cum ergo nos et Dei filios, et de Deo genitos, et de Deo natos, divinis ostenduntur eloquiis, processionis tamen de Deo vocabulum nemo potest creature cuiquam docere concessum. **613** Quid ita, nisi quia unigenitus Filius posset naturalis nativitas verbum Deum ostendere; eumque non adoptivum, nec diversæ naturæ, sed consubstantiale Patri sine dubitatione monstrare? Procedere autem de Deo ideo nulla creatura dicitur, ut ille qui procedit de Patre et Filio sic esse creditur Deus, sicut est Pater et Filius. Solius est enim Spiritus sancti de Patre et Filio proprietas ista processionis, cuius est cum Patre et Filio natura communis. De Patre quippe ac Filio procedit, sed non recedit: nec est in aliquo minor aut subditus, qui de immenso Patre ac de immenso Filio inseparabiliter et unus procedit et totus. Sic igitur ei non potest imperari quod loquitur, sicut ei non potest imperari quod mirabiliter operatur. *Omnia enim operatur unus atque idem Spiritus, dividens singulis prout vult* (I Cor. xii, 11). Non itaque facit Spiritus sanctus aliquid alterius potestatis imperio, sed omnia sua operatur arbitrio voluntatis. Una est autem sanctæ Trinitatis voluntas, unaque potestas, cuius una est naturaliter divinitas.

IX LIBRO VIII. DE MISSIONE FILII ET SPIRITU SANTO.

FRAGMENTUM XXVIII.

Unum habet Trinitas et locutionem et voluntatem. Non mittitur Spiritus sanctus sicut angeli: unus est, et immensus. Datur baptismus etiam in ejus nomine. Non recedit ab iis qui eum postulant ad se mitti. Quid petit Ecclesia cum Spiritum sanctum petit.

Nec ideo Spiritus proditor est secreti divini, quia quia dicit, propria voluntate dicit. Una enim sancta Trinitas unam semper habet locutionem, sicut unam habet per omnia voluntatem: et in eo quod a Patre ac Filio quod loquitur audit Spiritus sanctus, solius est originis, non cuiuslibet inæquitatis indicium. Quo utique non ostenditur cui obtemperet subditus, sed unde procedat excelsus. Missionem vero Spiritus sancti nullatenus similem missionibus æstimares angelicis, si humili corde ista quereres, et non superbis in contumeliam sancti Spiritus prosilires. Illoc enim cupiens querere, debuisti quidnam Scriptura divina de sancto Spiritu dixerit, vestigare: et primo utrum multos assereret, an unum: deinde utrum localem dixerit, an immensem: postremo, considerans opera ejus, cognoscere debuisti utrum soli divinitati competant, an etiam possint cuiquam crea-

turæ congruere: ut ex his omnibus recta tibi de missione Spiritus sancti posset intelligentia suffragari. Itaque non te credo aliquatenus dubitare, quod sicut unus Pater, et unus Filius, sic et unus **614** Spiritus sanctus divinis ubique prædicetur eloquiis: dicente beato Apostolo: *Divisiones vero gratiarum sunt, idem autem Spiritus: et divisiones ministracionum sunt, idem autem Dominus: et divisiones operationum sunt, idem vero Deus, qui operatur omnia in omnibus* (I Cor. xii, 4, 5, 6). Et paulo post (v. 11): *Hæc autem omnia operatur unus atque idem Spiritus, dividens singulis prout vult.* Ne vero hic singula dividenter Spiritum sanctum accipere nolis, et alium tibi Spiritum suspiceris, audi quid in Epistola ad Hebreos dicatur: *Contestante Deo signis et portentis, et variis virtutibus, et Spiritus sancti distributionibus, secundum suam voluntatem* (Hebr. ii, 4). Alio quoque loco idem beatus Apostolus ait: *Unum corpus, et unus Spiritus, sicut vocati estis in una spe vocacionis vestrae* (Ephes. iv, 4). Ubi uni Spiritui, unum continuo Patrem, unum copulavit et Filium, adjungens: *Unus Dominus, Christum scilicet significans, una*

fides, unus baptisma, unus Deus et Pater omnium, & Patris, et Filii, ita baptizantur homines in nomine qui super omnes, et per omnia, et in omnibus nobis (Ephes. iv, 5, 6). Alio quoque loco ait: Etenim in uno Spiritu omnes nos in unum corpus baptizati sumus, sive Iudei, sive gentiles, sive servi, sive liberi, et omnes uno Spiritu potati sumus (I Cor. xii, 13). Nam et Salvator noster unum esse Spiritum sanctum ostendit, dicens: Ite, docete omnes gentes, baptizantes eos in nomine Patris et Filii et Spiritus sancti (Matth. xxviii, 19). Immensitatem vero hujus Spiritus propheta agnoscens, et eum per omnia totum esse semper intelligens, Deo Patri dicit: Quo ibo a Spiritu tuo, et a facie tua quo fugiam? Si ascendero in celum, tu illuc es; et si descendero in infernum, ades (Psal. cxxviii, 7). Ubi utique Deum significavit cum suo Spiritu ubique semper esse, a quo se fugere dixit omnino non posse. Hic tu forsitan alterum Spiritum Dei, et alterum Spiritum sanctum esse contendis: ubi divinis necesse est continuo supercbris eloquii. Ipsius enim esse Spiritum sanctum, qui est Spiritus Deus, beatus propheta testatur, dicens: Ne projicias me a facie tua, et Spiritum sanctum tuum ne auferas a me (Psal. L, 13). Et quoniam unus Spiritus sanctus datus est apostolis et prophetis [quod beatus testatur Apostolus dicens: Habentes autem eundem Spiritum fidei, sicut scriptum est: Credidi, propter quod locutus sum; et nos credimus, propter quod et loquimur (I Cor. iv, 13)]; eundem Spiritum Dei esse Spiritum sanctum indubitanter ostendens, ait: Qui autem haec spernit, non hominem spernit, sed Deum, qui etiam dedit Spiritum suum sanctum in nobis (I Thess. iv, 8). Die quoque Pentecostes, cum Spiritus sanctus in apostolos advenisset, ipse utique Paracletus, quem eis Dominus promisit et misit, ipsum esse Spiritum Dei, propheticus beatus Petrus ostendit eloquio, dicens, hoc esse quod per Joel prophetam dictum est: Et erit in novissimis diebus, dicit Dominus, effundam de Spiritu meo super omnem carnem (Act. ii 16, 17). Et paulo post (v. 18): Et quidem super seruos meos, et super ancillas meas, in diebus illis effundam de Spiritu meo, et prophetabunt. Hujus itaque unius Spiritus immensitatem, quam sola potest vera naturaliter habere, imo quam sola naturaliter habet vera divinitas, non solum beatus David ostendit, verum etiam Joel propheta indubitanter asseruit, in eo quod ait ex persona Dei dicentis: Effundam de Spiritu meo super omnem carnem (Joel, ii, 28). Hinc est quod etiam in libro Sapientiae 615 dicitur: Quoniam Spiritus Domini replevit orbem terrarum, et hoc quod continet omnia scientiam habet vocis (Sap. i, 7). Nusquam ergo deest, sed ubique totus immensus est, qui et orbem terrarum replere, et continere omnia perhibetur. Ideo quippe asseritur continere omnia, ne, dum orbem terrarum replere dicitur, deesse coelestibus aestimetur. Quem tamen paulo superius sanctum Spiritum Scriptura divina nuncupat, dicens: Sanctus enim Spiritus disciplinæ effugiet factum, et auferet se a cogitationibus quæ sunt sine intellectu (Ibid., 5). Nam et in hoc sancti Spiritus agnoscitur naturalis immensitas, in quo per orbem terrarum, sicut in nomine

Spiritus sancti ubique quidem in baptismo nominari, non tamen ejus ubique semper adesse praesentiam, fidelibus Apostolus dicit: Nolite contrastare Spiritum sanctum Dei, in quo signati estis in diem redemptionis (Ephes. iv, 30); et alio loco: Qui autem confirmat nos vobiscum in Christum, et qui unxit nos Deus, et qui signavit nos, et dedit pignus Spiritus in cordibus nostris (I Cor. i, 21). Et iterum: Qui autem efficit nos in hoc ipsum Deus, qui dedit nos pignus Spiritus (I Cor. v, 5). Alio quoque loco ait: In quo et credentes signati estis Spiritu promissionis sancto, qui est pignus hereditatis nostræ (Ephes. i, 13, 14). Quibus verbis non solum naturaliter immensum, sed etiam verum Deum ostendit Spiritum sanctum, quem pignus hereditatis nostre asseruit. Cum utique pars hereditatis nostræ non sit nisi Dominus Deus, de quo dicit universa Ecclesia: Dominus pars hereditatis meæ et canticis mei (Psal. xv, 5), apparet itaque Spiritum sanctum esse naturaliter immensum; nec solum in loco localiter non consistere, sed nec de loco ad locum posse transire. Nam omnes quidem rationales spiritus quos Deus creavit, licet in locis localiter non sint, tamen de locis ad loca transeunt: quod utique non fecissent, nisi locum in quo fuerant relinquendo, ad locum in quo non fuerant advenissent. Quis enim nesciat, Gabrielem angelum tunc in templum venisse, quando Zacharie apparuit, et de templo discissee, postquam officium sue annuntiationis inplevit, et cum in templo fuit alibi non fuisse? Quia nulla est creatura, quæ totam simul creaturam sua praesentia possit implere, quod solius est Trinitatis: cuius sic est sine termino naturalis immensitas, sicut est sine initio aeterna divinitas. Unde ipsi quoque omnes sancti angeli, de quibus beatus Petrus dicit, quia in Spiritum sanctum concupiscunt prospicere, nullatenus in eum prospicere concupiserent, si in seipsis eundem Spiritum sanctum non haberent. Caritate quippe in eum prospicere concupiscunt, quia nemo quod non diligit concupiscit: caritatem autem, qua Spiritum sanctum diligunt, non nisi per donum Spiritus sancti acceperunt. Caritas enim Dei diffusa est in cordibus nostris, per Spiritum sanctum qui datum est nobis (Rom. v, 5). Per ipsum autem Spiritum diffusa est caritas in cordibus hominum, per quem diffusa est in mentibus angelorum. Immensus est igitur Spiritus sanctus, qui unus atque idem replet orbem terrarum, replet etiam coelestium spiritus angelorum. Ipse est enim, sicut Scriptura dicit, Spiritus intelligentiarum, sanctus, unicus, 616 multiplex, subtilis, mobilis, disertus, sine inquinamento, manifestus, sanus, amans bonum, acutus, qui nihil vetatur, et qui bene faciat; humanus, stabilis, certus, securus, omnem habens virtutem, omnia prospiciens, et qui capital per omnes spiritus intelligibiles, mundos, subtile (Sap. vii, 22, 23). Opera quoque Spiritus sancti quis non videat summum tantum congruere Deitati? Verbo enim Domini caeli firmati sunt, et Spiritu oris ejus omnis virtus corum (Psal. xxxii, 6). Digitized by Google

Jesus ejicere daemonia manifestat : et potestatem signorum et prodigiorum, quae per se a Christo Paulus fieri dicit, in virtute Spiritus sancti fieri protestatur, dicens : *Non enim audeo aliquid loqui eorum quae per me non efficit Christus, in obedientiam gentium, verbo et factis, in potestate signorum et prodigiorum, in virtute Spiritus sancti* (Rom. xv, 18, 19). Unde et cum alteri datur per Spiritum sermo sapientiae, alii sermo scientiae secundum eundem Spiritum, alteri fides in eodem Spiritu, et cetera quae apostolice continent textus eloquii, omnia, sicut supra commemoravimus, operatur unus atque idem *Spiritus, distendens singulis prout vult* (I Cor. xii, 11). In ejus nomine credentes baptizantur, et in ipso signantur. Ipse saepe Iesum baptizatum descendit et mansit. Quem super se esse, et quo se unctum esse, et a quo se missum esse per Isaiam Dominus Christus ostendens, ait : *Spiritus Domini super me, propter quod unxit me, evangelizare pauperibus misit me* (Isai. lxi, 1). Unde cum in synagoga hunc locum prophetici voluminis recenseret, ait Iudeus : *Quia hodie impleta est haec Scriptura in auribus vestris* (Luc. iv, 21). Postquam vero in eum baptizatum descendit, dixit Evangelista, Jesus autem plenus Spiritu sancto regressus est ab Jordane (v. 1). Ac deinde, postquam diabolus consummata tentatione recessit ab illo usque ad tempus, ait sanctus evangelista : *Et regressus est Jesus in virtute Spiritus in Galileam* (v. 14). Considera itaque cuncta quae a nobis memorata sunt, et agnosces Spiritum sanctum, quia unus est sicut Pater et Filius, immensus, implens omnem creaturam, et opera faciens quae sola divinitas facit : qua idem unus de loco ad locum mitti non potest, qui naturaliter docetur immensus : nec ei tanquam subdito aliquid imperatur, quia voluntarie illa opera fecit et facit, quae non potest facere nisi Deus. Quapropter sapienter consideranda est missio Spiritus sancti : qui utique non mittitur sicut angelus, cuius est officium debitae servitutis implere ; sed sicut Deus, cuius est munera sanctificationis et sanctae operationis, voluntaria bonitate conferre. Sanctus namque Spiritus (sicut supra docuimus) replet orbem terrarum ; quod de nullo unquam commemoratur angelo, sed de solo dicitur Deo, cui beatus Azarias in camino positus, dicit : *Benedictus Dominus Deus patrum nostrorum, et laudabile et gloriosum nomen tuum in secula* (Dan. iii, 26) ; et paulo post ait : *Ei cognoscant quoniam tu es Dominus Deus solus in omni orbe terrarum* (v. 45). Ubi utique docuit, vere Dominum Deum esse, qui est in omni orbe terrarum. Qui autem orbem terrarum non implet, esse in orbe terrarum non potest, ac per hoc nec Dominus Deus est. Necesse est igitur fateamur Dominum Deum esse Spiritum sanctum, de quo dicit Scriptura, quia *Spiritus Domini replevit orbem terrarum* (Sap. i, 7). Multa possem dicere de Spiritu sancto, **617** quae terminandi hujus operis intentione preterebo. Illud tamen velim dicas, quid necesse sit ut sacramentum baptismatis non detur in nomine solius Patris, nec in nomine tantum Patris et Filii, sed in nomine totius Trinitatis, id est, Patris et Filii et Spi-

A ritus sancti, si non es. *Spiritus sanctus ejusdem naturae ac virtutis, cuius sunt Pater et Filius.* Quid sibi vulnus in baptismatis sacramento una commemoratio nominis, si nos est illic una operatio Trinitatis ? Quid necesse est ut homo in baptismo sine Spiritu sancti nomine salvari non possit, si sanctus Spiritus hominem non creavit ? Aut illud quod magis est magis attende ; cur supra Dei Filium venit, si *creatus* est, non creator ; aut quomodo eum replevit, si non aquilis credendum est esse, sed minor ? Cum utique nec illius operatio renovando esset homini necessaria, qui hominem non fecit ; nec super Christum veniret Spiritus, quem dicitur quia Pater per Filium fecit ; nec impleret illum, cui aequalis esse non potuit. At tu, qui de missione Spiritus sancti renovas questionem, et dicas quia Spiritus sanctus mitti docetur ac dirigi ut angelus et minister, recognosca quae sunt a nobis superioris dicta, et invenies Spiritum sanctum non sicut angelum mitti. Ille quippe mittitur de loco ad locum, ac sic illoc mittitur ubi non fuit. Spiritus autem sanctus, qui totum implet, et nusquam deest, illuc dignatur a Patre mitti per gratiam suam, ubi semper est per immensam divinitatem suam, et illuc venit collatione muneric, uide nunquam deest magnitudine deitatis. Non ergo, sicut tu tibi pro voluntate tua ex meo nomine respondisti, missio Spiritus sancti, apparitio ejus dicenda est : quia tunc visibili demonstratione missus est, quando ad significandam gratiam ejus sic erat missio ejus intimanda fidelibus, ut ex eo quod oculis visibiliter cernerent, invisibilis gratiae munera cognovissent. Visum vero tibi est, de prece qua tempore sacrificii postulatur adventus Spiritus sancti, veille localem ejus ostendere missionem. Sed de Spiritu sancto tunc digne cogitare poteris, si carnis prudentiam, quae inimica est Deo (Rom. viii, 7), non sequaris. Illud enim primitus attendendum est, quod beatus Paulus fidelibus ait : *Neacitis quia templum Dei estis, et Spiritus Dei habitat in vobis* (I Cor. iii, 16) ? Quod utique ut diceret, promissionem nostri Salvatoris attendit, dicentis : *Ego rogabo Patrem, et alium Paracletum dabit vobis, ut maneat vobis in eternum ; Spiritum veritatis, quem mandui non potest accipere, quia non ridet eum, nec scit eum : vos autem cognoristis eum, quia apud vos manet, et in vobis est* (Joan. xiv, 16, 17). Ecce Dominus Jesus fidelibus suis dedit Spiritum sanctum, ut cum eis sit in eternum, et in eis maneat. Quod si vera est promissio Salvatoris, quod nemo Christianus dubitat, necesse est ut Spiritus sanctus a fidelibus non recedat : qui non nisi ab illis auffertur, quos Deus a facie sua projicerit. Propter quod beatus David dicit : *Ne projicias me a facie tua, et Spiritum sanctum tuum ne afferas a me* (Psal. 1, 13). Cum ergo in his qui recte colunt Deum, sanctus Spiritus aeterna prorsus habitatione requiescat, quomodo eum postulant sibi mitti ? Quia utique ad sacrificandum digni non assisterent, si in se sanctum Spiritum non haberent. In quo etiam orandum sanctus Apostolus admonet **618** dicens : *Orantes omni tempore in Spiritu, et in ipso vigilantes in omni instantia et obsecratione* (Ephes. vi, 18). Quo-

modo ergo sibi mitti postulant, quem sibi datum di-
vinitus, et in se manere jugiter non ignorant? An
forsitan priusquam sancti homines precem fundant, in
eis sanctus Spiritus requiescit, et cum preeatu-
ros senserit, mox recessit? Qnod si ita esset, melius fuit
ut sancti homines auctoritate orarent, et in se san-
ctum Spiritum jugiter haberent, quam oraturos ali-
quando ille desereret: unde consequenter illud non
commodum inveniretur esse, sed noxiū, quod ait
evangelista, *quia eportet semper orare* (*I. Luc. xviii, 1*).
Omni tempore præcipit. Quis autem sani capit is di-
cat, quod in seipso Spiritum non habeat qui in Spi-
ritu orat? An forsitan tempore quo sacrificium offer-
tur, existimas in illis quidem qui precem fundunt esse
Spiritum sanctum, sed in ipso loco non esse ubi sa-
crificium ponitur? Sed quis ita sapit, nisi qui desipit?
Aut quis existimet adventam sancti Spiritus locale,
nisi qui carnali cogitatione possessus, et ob hoc a
spirituali cogitatione seclusus, sic vult cogitare divina,
sicut cogitat humana; et sic cogitat Spiritum Dei qui
replet orbem terrarum, sicut potest cogitare huma-
num vel angelicum spiritum? Cum ille Spiritus sanctus sic totam repleteat creaturam, ut ipse unus semper
ubique sit totus. Agnosce igitur quid in offerendis
sacrificiis agitur, ut exinde intelligas quare ibi ad-
ventus sancti Spiritus postuletur. Nempe illud im-
pletur in sacrificiis offerendis, quod ipsum Salvato-
rem nostrum præcepisse beatus testatur Apostolus,
dicens: *Quoniam Dominus Jesus in qua nocte tradebatur, accepit panem, et gratias agens fregit et dixit: Hoc est corpus meum quod pro vobis tradetur; hoc facite in meam commemorationem. Similiter et calicem postquam canavit, dicens: Hic calix novum Testamentum est in meo sanguine; hoc facite, quotiescumque bibetis, in meam commemorationem. Quotiescumque enim manducabis panem hunc, et calicem bibetis, mortem Domini annuntiabitis donec veniat* (*I Cor. xi, 23 et seq.*). Ideo igitur sacrificium offertur, ut mors Domini an-
nuntietur, et ejus fiat commemoratio, qui pro nobis posuit animam suam. Ipse autem ait: *Majorem hac dilectionem nemo habet, quam ut animam quis ponat pro amicis suis* (*Joan. xv, 15*). Quoniam ergo Christus pro nobis caritate mortuus est, cum tempore sacrificii commemorationem mortis ejus facimus (*ad. faciamus*), caritatem nobis tribui per adventum sancti Spiritus postulamus: hoc suppliciter exorantes, ut per ipsam caritatem qua pro nobis Christus cru-
cifigi dignatus est, nos quoque gratia sancti Spiritus accepta, mundum crucifixum habere, et mundo cru-
cifigi possimus: imitantesque Domini nostri mortem, sicut Christus *quod mortuus est peccato, mortuus est temel;* *quod autem virit, vivit Deus* (*Rom. vi, 10*), etiam nos in novitate vitae ambulemus (*v. 4*); et munere caritatis accepto, moriamur peccato, et vivamus Deo (*v. 11*). *Caritas enim Dei diffusa est in cordibus nostris per Spiritum sanctum, qui datus est nobis* (*Rom. v, 5*). Nam et ipsa participatio corporis et sanguinis Do-
mini, cum ejus panem manducamus, et calicem bi-
bamus, hoc utique nobis insinuat, ut moriamur
mundu, et vitam nostram absconditam habeamus

A cum Christo in Deo, carnemque nostram **619** cru-
cifigamus eum vitiis et concupiscentiis suis. Sic fit
ut omnes fideles, qui Deum et proximum diligunt,
etiamsi non bibant calicem corporeæ passionis, bi-
bant tamen calicem dominice caritatis: quo ine-
briati, membra sua quo sunt super terram inmortifi-
cent, et induiti Dominum Iesum Christum, carnis cu-
ram non faciant in desideriis; neque contemplentur
qua videtur, sed qua non videtur. Sic enim calix
Domini bibitur, dum sancta caritas custoditur; sine
qua, si corpus suum quisquam tradiderit ut ardeat,
nil ei prodest. Dono autem caritatis hoc nobis con-
fertur, ut hoc in veritate simus, quod in sacrificio
mystice celebramus. Illud utique quod Apostolus ait,
Quoniam unus panis, unum corpus multi sumus; ideo
addidit, *Omnes qui de uno pane participamus* (*I Cor.
x, 17*). Hoc autem ut tempore sacrificii postulemus,
saluberrimum habemus nostri Salvatoris exemplum,
qui hoc nos in commemoratione mortis ejus poscere
voluit, quod nobis ipse, verus Pontifex, morti prox-
imus postulavit, inter alia dicens: *Pater sancte, ser-
uos in nomine tuo quos dedisti mihi, ut sint unum sicut
et nos* (*Joan. xvii, 11*); et paulo post: *Non pro his
autem rogo tantum, sed et pro eis qui credituri sunt per
verbum eorum in me; ut omnes unum sint, sicut tu
Pater in me, et ego in te, ut et ipsi in nobis unum sint,*
*et mundus credit quia tu me misisti. Et ego clarita-
tem, quam mihi dedisti, dedi eis, ut sint unum sicut et
nos unum sumus. Ego in eis, et tu in me, ut sint con-
summati in unum* (*Ibid., 20 et seq.*). Hoc ergo nobis
poseimus, cum corpus et sanguinem Christi offeri-
mus, quod nobis poposcit, quando se pro nobis of-
ferre dignatus est Christus. Nam recense Evangelium,
et invenies ipsum Redemptorem nostrum ista ora-
tione completa ingressum in hortum, et statim Ju-
dæorum manibus comprehensum. Attamen post co-
nam in qua discipulis sacramentum sui corporis et
sanguinis dedit, istam pro suis fidelibus orationem
Salvator effudit: ostendens, hoc nos maxime tem-
pore sacrificii orare debere, quod ipse sacrificandi
regulam constituens, dignatus est suminus Pontifex
postulare. Hoc autem quod petimus, id est ut in
Patre et Filio unum simus, per unitatem gratiae spi-
ritualis accipimus, quam a nobis sollicite servari beatus
Apostolus præcipit, dicens: *Supportantes invicem in
caritate, solliciti servare unitatem spiritus in vinculo
pacis*. Petimus ergo ut Spiritus sanctus veniat, non
secundum substantiam immensæ divinitatis, sed se-
cundum donum individuæ caritatis. Nam si de loco
ad locum existimas venire Spiritum sanctum, conse-
quens est ut etiam Patris et Filii de loco ad locum
fatearis adventum. Ait enim Dei Filius: *Si quis dili-
git me, sermonem meum seruabit, et Pater meus dili-
get eum, et ad eum veniemus, et mansionem apud eum
faciemus* (*Joan. xiv, 23*). Veniunt itaque Pater et Fi-
lius ad dilectorem suum, qui tamen non diliguntur
nisi ab eo in quo habitare dignantur. Deus enim ca-
ritas est (*I Joan. iv, 8*): Deus autem caritate diligitur:
tunc ergo Deus diligitur cum habetur. Sicut
enim oculus, nisi lucem acceperit, ipsam lucem pe-

nitus non videbit; ita Deus tunc incipit ab homine diligi, cum homo coepirit a Domino visitari. Quomodo ergo ad dilectorem suum veniunt Pater et Filius, a quo diligi non **620** possent, si in eo non essent; nisi quia digne venire dicuntur, cum gratiam quam donant, incremento profectus melioris accumulant? Veniunt ergo ad dilectorem suum, non accedendo ad hominem in quo jam erant, sed augendo in homine dona sua quae dederant. Sic et Spiritus dicitur venire, dum a fidelibus poscitur, quando donum caritatis et unanimitatis, vel conferre, vel augere dignatur. In quo munere præcipue, et, ut ita dicam, proprie cognoscitur Spiritus sanctus. Potest enim alia quelibet per omnipotentiam donare, et ipse per gratiam non adesse: se autem ipsum demonstrat per gratiam præsentem, quando tribuit caritatem. Unde si linguis hominum quisquam loquatur et angelorum, caritatem autem non habeat, sicut velut crumentum sonans, aut cymbalum tintiens; et si habuerit prophetiam, et noverit mysteria omnia, et omnem scientiam; et si habuerit omnem fidem, ita ut montes transferat, caritatem autem non habeat, nihil est; et si distribuerit in cibos pauperum omnes facultates suas, et tradiderit corpus suum ut ardeat, caritatem autem non habeat, nihil ei prodest (*I Cor. xii, 1 et seq.*). Quis autem illa omnia neget dona esse Spiritus sancti, cum ea per Spiritum dari testetur Apostolus? Sed nihil horum prodest ubi caritas non est. Illa enim omnia dat Spiritus sanctus, etiam illis in quibus ipse non habitat; ab illis autem quibus caritatem tribuit non recedit. Sancta ergo Ecclesia, dum in sacrificio corporis et sanguinis Christi, mitti sibi precatur Spiritum sanctum, donum postulat utique caritatis, quo servare possit unitatem spiritus in vinculo pacis (*Ephes. iv, 3*): et quia scriptum est: *Valida est sicut mors dilectio* (*Cant. viii, 6*), ad mortificationem membrorum quae sunt super terram, illam postulat caritatem, per quam pro se gratis mortuum suum meminit Redemptorem. Sanctificat itaque sacrificium Ecclesie catholice Spiritus sanctus: et ideo in filio et caritate populus permanet Christianus, dum unusquisque fidelium, per donum sancti Spiritus, ideo digne corpus et sanguinem Domini manducat et bibit, quia et rectam tenet de Deo suo fidem, et bene vivendo non deserit ecclesiastici corporis unitatem.

621 FRAGMENTUM XXIX.

In fontis benedictione cur postuletur Spiritus sanctus. Quid Helias spiritus duplex; quid spiritus multiplex; quid in Apocalypsi septem spiritus ante thronum Dei. Spiritus sanctus est arbitrii sui. Quid sit mitti Filium a Patre, quid mitti a Patre et Filio Spiritum sanctum. Filius ut homo, missus est a Patre et a Spiritu sancto.

Et in fontis itaque benedictione non sic mitti patimus Spiritum sanctum, tanquam localém ejus poscamus adventum; sed in Deo Patre scientes Spiritus sancti naturaliter esse originem, ab ipso Deo Patre spiritualis doni poscimus largitatem, nomine ejus nuncupantes dona ejus; quod non sine sanctae Scripturæ auctoritate facimus. Sunt enim hiurum vocabulorum plurima in canonice libris exempla, in quibus dona

A Spiritus sancti cognoscantur ejus nomine nuncupata. Legimus enim quoniam cum esset sanctus Helias levandus in celum, dixit Helisæo ut quod vellet postularet, priusquam tolleretur ab eo. Helisæus autem ait: *Obsecro ut fiat duplex spiritus tuus in me* (*IV Reg. ii, 9*). Ubi utique spiritale donum videmus spiritus nomine nuncupatum. Nam illa Spiritus sancti simplex natura, in seipsa (sicut est plena semper et incommutabilis manens) nec minuitur, nec augetur. Dicitus est quidem in libro Sapientie: *Spiritus sanctus, unicus, multiplex* (*Sap. vii, 22*). Sed hoc quod multiplex dicitur, non in seipso, sed in suis numeribus invenitur. Sic autem dicitur in veteribus libris multiplex Spiritus Dei, sicut in apostolicis Epistolis *multiplex sapientia Dei* (*Ephes. iii, 10*): quæ tamen non in seipsa, sed in suis est largitatibus multiformis. Quod manifestissime beatus Petrus ostendens, ait: *Unusquisque qualiter accepit gratiam, inter nos eam ministrantes, sicut boni dispensatores multiformis gratiae Dei* (*I Petr. iv, 10*). Una est itaque simplex natura Patris et Filii et Spiritus sancti; secundum quam naturam, simplex est et Sapientia Dei, et Spiritus Dei. *Habentes autem donationes secundum gratiam quæ data est nobis differentes* (*Rom. xii, 6*), Sapientiam Dei et Spiritum Dei, quem in sua natura simplicem novimus, in suis multiformem donationibus invenimus. Spiritus autem nomine dona spiritualia beatus quoque Joannes in Apocalypsi nuncupans, ait: *Joannes septem Ecclesiis quæ sunt in Asia: gratia vobis et pax ab eo qui est, et qui erat, et qui venturus est, et a septem spiritibus qui in conspectu throni ejus sunt* (*Apoc. i, 4*). Hic utique septem spiritus dicens, unum Spiritum septiformis gratiae largitatem voluit intelligi; quem Isaías Spiritum sapientie et intellectus, Spiritum consilii et fortitudinis, Spiritum scientie et pietatis, et Spiritum timoris Dei (*Isa. ii, 12*), ipsius gratia illuminatus agnovit. Ubicunque igitur **622** in Apocalypsi beati Joannis septem spiritus nominantur, septem dona unius Spiritus sancti agnoscantur. Quod si forte hic in septem spiritibus, non ipsam septiformem spiritualium donorum gratiam credis, sed septem prorsus spiritus existimas propriis distare personis: dic nobis utrum eos Spiritu sancto, id est Paracleto de quo nunc agimus, æquales, an minores, an potiores, existimes. An forte unum de illis septem istum sanctum Spiritum putas? Si enim istos quos putas septem spiritus, æquales sancto Spiritui dixeris, jam non septem, sed octo spiritus sanctos unius dignitatis sine dubio nuncupabis. Quæ igitur causa fuit ut ab illis septem spiritibus gratiam Ecclesie beatus Joannes optaret, et ab eis gratiam Paracleti Spiritus submovisset? cum in libro Actuum apostolorum scriptum sit, quod cum beatus Petrus, Cornelio, et ceteris qui cum eo fuerant, verbum dei loqueretur, *Cecidit Spiritus sanctus super omnes qui audiebant verbum, et obstupuerunt ex circumcisione fideles qui venerant cum Petro, quia et in nationes gratia Spiritus sancti effusa est* (*Act. x, 44, 45*). Non quidnam hujus sancti Spiritus gratiam minorem beatus Joannes noverat, et ideo Ecclesiis quæ erant

in Asia, ab aliis septem spiritibus gratiam postulabat? Cum utique si octo spiritus essent, simul debuit ab omnibus spiritibus illis Ecclesiis postulare donum gratiae spiritualis, ut eorum quos aequales asservis nulla esset separatio largitatis. Si vero illos septem spiritus minores dicis esse Paracleto, denuo requiritur cur minorum spirituum gratiam beatus Joannes fidelibus dari voluit, et potioris gratiam non quesiuit? Cum profecto ille possit esse largitor melioris gratiae, qui superioria est et naturae. Si vero istos septem spiritus potiores sancto Spiritu pronunties, qua causa est ut illis omisi, solus Spiritus sanctus cum Patre et Filio in baptisme nominetur, qui etiam spiritus adoptionis filiorum ab Apostolo nuncupatur (*Rom. viii, 15*)? Cum sine dubio illi quos dicis esse septem spiritus, secundum sententiam tuam et natura meliores et numero plures, debuerint cum Patre et Filio in sacramento baptismatis nominari; qui et numeri pluritate, et dignitate naturae, possent renascentibus gratiam potiorem copiosioremque largiri. Debuit ergo, si ita esset ut dicis, sanctum baptismum non in nomine Patris et Filii et Spiritus sancti, sed in nomine Patris et Filii et septem spirituum dari. Similis regula servari debuit et in baptisme, si unus ex illis septem spiritibus esset Spiritus sanctus. Quod si hoc faciendum sensis, aut dicis, attende Christum cuius regulæ contradicis. An forsitan, ut Spiritum sanctum minorem ostendas Patrem ac Filio, eum de sacramento baptismatis eximis, et alium ibi Dei Spiritum introducis? Solent enim aliqui vestrum, cum coperint de sancti Spiritus divinitate convinci, pro eo quod certum est homines in nomine Patris et Filii et Spiritus sancti (secundum Domini Salvatoris regulam) baptizari, ad eam se convertere pravitatem, ut dicant non istum Spiritum Paracletum, sed alterum esse Spiritum Dei, in cuius non sine accipiunt credentes baptismatis sacramentum; quem Paracleto Spiritui sine dubio præferunt. Quod si hoc ita est, dicite nobis utrum istum Spiritum, solius Patris, an solius Filii, an utriusque **623** esse creditis? Quod si solius Patris istum Spiritum dicitis, sine dubio eum potiorem Filio prædicatis. Quærimus ergo, utrum saltem istum unius cum Deo Patre dicatis esse naturae? Quod si unam Dei Patris et istius Spiritus naturam dicitis, necesse est autem Dei Filio præferatis. Quod si hoc ita est, ergo secundum sensum vestrum, ordo nominum male positus est a Christo in baptismatis sacramento. Si enim cum Deo Patre et Spiritu ejus non unius est natura, non debet inter nomen Patris et Spiritus sancti Filii nomen interseri; cum nomen Patris et Spiritus sancti, naturalis doceat unitas debere conjungi. Verumtamen hic meminisse vos convenit, super Jesum baptizatum, Spiritum Paracletum (de quo nunc agimus) descendisse. Considerate igitur, ne illum potiorem dicere debeatis qui super Christum descendit in Jordane, quam illum alterum quem nunc existimat dari fidelibus in sancto baptisme. Sed in omnibus vos divinitas summa convincit et destruit. Testatur enim Deus Pater Spiritum suum se super Fi-

A lium dedisse; quod per Isaianum dictum sanctus evangelista in persona Christi commendat his verbis: *Ut adimpleretur quod dictum est per Isaiam prophetam, dicentem: Ecce puer meus quem elegi, dilectus meus in quo bene placuit animæ meæ: ponam Spiritum meum super eum* (*Matth. xi, 17; Isa. xlii, 1*). Quod etiam in ejus baptisme insinuare curavit, dicens: *Baptizatus autem, confessim ascendit de aqua: et ecce aperti sunt ei cœli, et vidit Spiritum Dei descendente sicut columbam et venientem super se* (*Marc. i, 10*). Videsne, ipsu esse Spiritum Dei, quem vos sine reverentia blasphematis, et minorare contenditis? An forte dicis etiam istum quidem Spiritum Dei esse, sed tamen esse alterum Spiritum Dei, qui in sacramento baptismatis cum Patre et Filio nominatur? Sed (sicut superius dixi) ex eo quod iste super Christum descendit, non a vobis debet minor illo Spiritu, sed potior extimari. Deinde quæro utrum ille Spiritus quem Dei esse Spiritum dicitis, unus sit communis Patris et Filii, an solius Patris esse dicitur? Si enim unus est iste Spiritus Patris et Filii, et idem Spiritus unius est naturæ cum Patre, profecto unius est etiam naturæ cum Filio. Unius ergo sunt naturæ, unusquisque divinitatis Pater et Filius; quia unus utriusque Spiritus unam habet cum Patre Filioque naturam. Si vero istum unum Spiritum solius esse dicitis Patris, non etiam Filii, attendite illud quod Apostolus ait: *Si quis autem Spiritum Christi non habet, hic non est ejus* (*Rom. viii, 9*); et aut negate vos Christi esse, si Spiritus ejus non est in vobis; aut dicte, non Patrem et Filium et Spiritum sanctum, sed Patrem et Filium, et duos in vobis spiritus habitare. Sed cum nemo possit duobus dominis servire (*Matth. vi, 24*), quonodo vos juste poteritis quatuor dominorum servos asserere? An unum dominum Patrem cum Spiritu suo, et alterum dominum Filium cum Spiritu suo esse dicitis? Sed etiam sic duorum dominorum vultis esse servi, quandiu Patrem et Filium non vultis unum Dominum confiteri. Sed nec Patrem et Filium servi esse poteritis, donec unam dominationem Patris Filiique non creditis: ac per hoc, quandiu Patrem et Filium duos dominos dicitis, et tamen duobus servire dominis non potestis, non servitute carebitis, sed salute. Quapropter **624** majestatem sancti Spiritus, Fabiane, cognosce, et eum blasphemare jam desire: qui utique ideo ad benedicendum fontem postulatur ut veniat, ut donum adoptionis filiorum donata peccatorum remissione concedat. Venit enim in largitate suorum munerum, cum ipse non desinat orbem replere terrarum. Pater autem eum mittit, quia a Patre procedit: initit autem origine majestatis, non imperio iussionis. Sic autem Spiritus sanctus, qui ubique totus est, venit, sicut venire cum Deo Patre Filius consuevit. Missio ergo Spiritus sancti collatio est invisibilis muneris, non apparitio personalis: quia nec ipsa missio localis intelligitur, ubi qui mittitur immensus naturaliter inventitur. Cujus missionem ut in suis muneribus evidenter agnoscas, illud attende quod beatus Joannes in Apocalypsi dixit, septem spiritus Dei miseros per

orbem terrarum (*Apoc.* v, 6) : cum ipse in Evangelio dixerit, Salvatorem nostrum non septem spiritus a se atque a Patre promisso mittendos, sed unum Paracletum, Spiritum veritatis qui a Patre procedit (*Joan.* xv, 26). Nunquid ergo Evangelii sui beatus Joannes potuit oblivisci, ut illic unum Spiritum diceret esse promissum, et hic septem spiritus diceret esse missos ? aut ipse Dominus non omnes septem spiritus debuit apostolis dare, quos principes suæ constituebat Ecclesia ? An et ipsos apostolis septem spiritus asseris missos ? quod te dicere sancta nullatenus permittit auctoritas. Nam et die Pentecostes ipsum sanctum Spiritum apostoli acceperunt quem eis promiserat Dominus ; et cunctis fidelibus atque obedientibus Deo unum eundemque Spiritum sanctum datum esse testati sunt, dicentes : *Et nos sumus testes horum verborum, et Spiritus sanctus, quem dedit Deus omnibus obedientibus sibi* (*Act.* v, 32). Ipse unus Spiritus omnibus est fideliibus datus, de quo Apostolus ait, *Et omnes uno Spiritu potati sumus* (*I Cor.* xii, 13). Quod ergo ait beatus Joannes, septem spiritus Dei missos per orbem terrarum, ostendere voluit qualiter unus Spiritus Dei, non in se (qui ubique semper immensus est), sed in suorum munerum largitate mittatur. Dixit ergo septem spiritus Dei missos per orbem terrarum, ut ostenderet, Ecclesia per orbem terrarum ubique diffuse septiformem gratiam sancti Spiritus largitate collatam. Sanctus itaque Spiritus, qui Ecclesiae caritatem et donat et servat, et sacrificium, et baptisma divinae virtutis operatione sanctificat. Proinde, non est baptisma nostrum (sicut tu dicas) nullius momenti, nulliusque substantiae. Baptisma quippe, quod in nomine Patris et Filii et Spiritus sancti datur, quando intra Ecclesiam catholicam datur, et formam in se pietatis continet, et virtutem. Forma itaque pietatis visibili tinctione consertur : virtus autem pietatis, dono veræ fidei et caritatis infunditur. Hæretici vero et schismatici, de Ecclesia recedentes, perdiderunt pietatis virtutem, quia non tenuerunt veram fidem, nec custodierunt ecclesiasticam caritatem : formam vero pietatis, quod est tinctonis visibile sacramentum, non amiserunt quando de Ecclesia exierunt. Remansit autem in eis ad damnationis testimonium, non ad salutis auxilium. Hoc ergo extra Ecclesiam dederunt, quod acceptum nullatenus perdiderunt, id est baptismatis visibile sacramentum. Quod baptismata **625** non ideo dicendum est apud hæreticos non habere pietatis formam, quia virtutem pietatis ibi non habet : sed formæ pietatis reddenda est virtus, quam sola unitas catholica possidet, in qua est et rectæ fidei veritas, et caritatis indisrupta societas. Hoc unum corpus Ecclesiae unus Spiritus vivificat. Propter quod ait beatus Paulus : *Unum corpus, et unus Spiritus* (*Ephes.* iv, 4). In hoc uno corpore permanentibus singulis quibusque membris, et forma inesse invenitur et vita. Ab hoc autem corpore omne membrum quod fuerit sive infidelitate, sive animositate præcismum, formam retinet, vita caret. Membrum eni quod a corpore separatur, invisibilem quidem vitam perdit, formam

A tamen visibeli non amittit. Dicis ex hoc subjectum et minorem ostendi Spiritum sanctum, quia non ipse postulatur ut descendat aut veniat, si in sua potestate, vel liberi arbitrii est. Et quomodo libertatem arbitrii Spiritui sancto denegat Fabianus, quam ipsi præcipue Paulus assignat apostolus, dicens : *Dominus autem Spiritus est. Ubi autem Spiritus Dominus, ibi libertas* (*I Cor.* iii, 17) ? Ergone Spiritui sancto a te, Fabiane, libertas negatur arbitrii, qui nobis ad hoc datur, ut per eum libertas nostri arbitrii gratuitam munere reparetur ? Quis enim unquam sine gratia Spiritus sancti potuit mortifera servitute carere peccati ? quis, rogo, sine sancti Spiritus munere, ad interioris recidiva libertatis exordia potuit aliquatenus aspirare ? Prob nefas ! quantum se superbendo precipitat humana temeritas ! et dum in sui Creatoris ac Liberatore contumeliam prosilire contendit, divina bonitatis beneficia non attendit. Ait enim Dei Filius : *Si vos Filius liberaveritis, vere liberi eritis* (*Joan.* viii, 36). In eo autem quod liberamur, Dei filii efficiemur, quia liberati a peccato, serui autem facti Deo (*Rom.* vi, 22), in quo accipimus donum divinae adoptionis, in eo utique accipimus gratiam libertatis. Beatus autem Apostolus ait : *Non enim accepistis spiritum servitutis iterum in timore : sed accepistis spiritum adoptionis filiorum, in quo clamamus, Abba, Pater* (*Rom.* viii, 15). Quomodo ergo ipsi Spiritui adoptionis homo libertatem audet adimere, quam sine ipso Spiritu, nec recipere potest perditam, nec valet obtinere collatam ? Et quod pejus est, audes, Fabiane, dicere quia liberum arbitrium homini quidem non deest, et sanctus Spiritus liberi arbitrii non est. Nobis dicit Apostolus : *Vos enim in libertatem vocati estis, fratres : tantum ne libertatem in occasionem carnis detis ; sed per caritatem Spiritus servite invicem* (*Gal.* v, 13). Ecce caritas Spiritus nos in libertatem fecit vocari : quomodo ipse Spiritus liberi esse negatur arbitrii ? Sed quoniā ille Spiritus arguit mundum de peccato, et de justitia, et de iudicio (*Joan.* xvi, 8) ; cum pro hoc peccato veneris ad iudicium, tunc liberum sancti Spiritus experieris arbitrium. Dicis interea in eo esse minorem atque subjectum Spiritum sanctum, quia non petitur ut descendat, ut veniat, ut ipse se mittat ac dirigat : non autem negas Filium missum a Patre, propter quod eum maiorem conaris asserere. Si ergo divinorum cognitorum attestatione voluminum, Filium a prophetis postulatum ut descenderet ac veniret, saltem hinc eum fateberis non esse subjectum ; dicesque eum esse voluntatis liberæ, ac propriæ potestatis. Cui enim nisi Filio quem descensurum noverat, beatus propheta dicebat : *Domine, inclina corda, et descendere* (*Psal.* cxliii, 5) ? aut oujus, nisi Dei Unigeniti poscebat adventum, dicens : *Qui pascis Israel, intende ; qui deducis velut oves Joseph. Qui sedes super Cherubim, appare coram Esrem, et Benjamin, et Nenasse. Excita potentiam tuam, et veni ut liberes nos* (*Psal.* lxxix, 1, 2, 3) ? Agnosce igitur, in eo quod Pater postulabatur, dicente propheta : *Emittie lucem tuam et veritatem tuam* (*Psal.* xlvi, 5) ; et : *Manda, Deus,*

virtuti tuæ; confirma quod operatus es in nobis (Psal. LXVII, 29), a Patre Filium missum; in eo vero quod ut veniret a prophetis ipse Filius rogabatur, Filium propria voluntate venisse. Nunquam enim a prophetis postularetur Filius, si in propria potestate non ejus fuisse adventus. Rogabatur ergo Pater, ut ipse mitteret Filium, quia genuit Filium; neque tamen Filius rogaretur ut descenderet ac veniret, si unam eamdemque cum Patre potestatem naturaliter non haberet. Sancti ergo prophetæ sciebant se Filium rogare, cum rogabant Patrem; similiter et Patrem postulare, cum Filium postulabant: ideo sive ad Patrem, sive ad Filii personam precem dirigerent, totam Trinitatem in unius personæ compellatione poscebant, quia unam Trinitatis substantiam noverant. Filius est igitur a Patre missus, non Pater a Filio: quia Filius est a Patre natus, non Pater a Filio. Similiter etiam Spiritus sanctus a Patre et Filio legitur missus, quia a Patre Filioque procedit. Sed quia non uno modo in Scripturis sanctis dicitur missio, propterea in sacramento Incarnationis, non solum a Patre, verum etiam a Spiritu sancto missus est Filius: quia mediator Dei et hominum homo Christus Jesus, totius est Trinitatis operatione plasmatus. Alio autem modo mittitur a Patre et Filio Spiritus sanctus, qui (*Aeneas I. contra Graecos*, quia) naturaliter a Patre Filioque procedit. Mittitur enim a Patre et Filio Spiritus sanctus, cum ab ipsa Trinitate, uno Deo, gratiæ spiritalis donatur effectus. Alter vero a Patre et Spiritu sancto missus est Filius, quando semetipsum exinanens, formam servi accipit. Neque enim hoc est in personam suam accipere carnem, sicut Verbum hominem, quod est invisibili potentia conferre cuiusquam muneris largitatem. Non enim vere Spiritus sanctus vere columba sanctus est aut vere ignis factus est, quando eum talium rerum visione significari (*Florus legit*, signari) oportuit. Verbum autem caro factum est, quando Unigenitus Deus carnem accepit. Quod tamen non aliena potestate, sed propria fecit; neque sua tantum, quia illud pietatis sacramentum, totius Trinitatis est una voluntate ac potestate perfectum. Miror autem quomodo a Spiritu sancto mitti non credas angelum, a quo missum legis ipsum Dominum angelorum. Patrem vero invocamus, propter originem et naturalem divinitatis atque individuam unitatem. Quod utique dono divinæ inspirationis sancta custodit Ecclesia. Non enim poterat plurali numero Trinitatem possere, ne ab infidelibus non Deo, sed diis putaretur religio Christiana servire. Patrem ergo sancta Ecclesia in precibus possit, quem esse originem Filii et Spiritus sancti, recta credulitate cognovit. Ideo autem nomine Filii et Spiritus sancti, orationes precesque consummat, ut sanctam Trinitatem unius esse naturæ ac majestatis ostendat. De potestate autem Spiritus sancti quam illi in creatura denegare non metuis, cum tu ejus effugere potestatem 627 justitiamque non possis, jam tibi superius respondi. Manifestum est enim eum plenam habere rerum omnium potestatem, quia *omnia ope-*

ratur, dividens singulis prout vult (I Cor. xii, 11). Noli ergo negare superbus sancti Spiritus potestatem, ne condemnatus sentias æquitatem. Spiritus enim sanctus naturaliter Dominus est, quia naturaliter Spiritus Domini est; non solius Domini Patris, nec solius Domini Filii; sed unus Domini, scilicet Patris et Filii: et quia naturaliter unus est Patria et Filii Spiritus, cum Patre et Filio naturaliter unus est Dominus. Qui propterea non venit, nisi cum a Patre Filioque mittitur, quia inde est ejus voluntaria veniendi potestas, unde est ejus naturaliter æterna divinitas.

FRAGMENTUM XXX.

Non omnis missio apparitio est. In columba tantum, et in linguis igneis apparuit Spiritus sanctus, saepè alias missus sine apparitione. Diabolus non est missus ad Job, sed permisus. Mittuntur angeli ut administratiori Spiritus. Non orat pro nobis Spiritus sanctus eo modo quo Filius.

Ecce iterum dico quod superius dixi: Non omnis missio apparitio est, et maxime missio Spiritus sancti. Cujus missionem non nisi secundo visibiliter oportebat ostendi; non per propriam naturam, sed per subditam creaturam, que creatura et aliquid significaret, et peracta significazione transiret. Sic autem in illa columba, et linguis igneis significari oportuit Spiritum sanctum (quem tamen non credimus localiter missum), sicut oportebat ut Deum Patrem significaret illa vox quæ super Jesum baptizatum facta est: in qua tamen sic personam significatam Patris accipimus, ut ejus divinitati temporalem locutionem ascribere nullatenus audeamus. Spiritus autem qui de cœlo mittuntur, tunc apparent quando eis a Deo præcipitur, et tunc non apparent quando eis divinitus non jubetur; illuc tamen mittuntur, ubi non fuerunt antequam misterentur. Quod de sancto Spiritu non potest recte vel credi vel dici, quem constat ubique semper esse totum, quia *Spiritus Domini repletus orbem terrarum* (Sep. i, 7). Falsum est autem quod dixisti, Diabolus cum ad Job missus est, quare non apparuit? Neque enim sancta Scriptura dixit ad Job diabolum missum, quamvis dixerit fuisse permisum. Inaniter igitur tibi verba inutilia de missione atque apparitione angelorum multiplicando versas, et versando multiplicas; quasi nos ideo negemus angelos missos, quia se plerumque manifestaverunt. Cum D utique in eo quod mittuntur, sive oculis humanis appareant, sive a conspectu hominum semetipsos abscondant; sic tamen mittuntur quemadmodum 628 auctoritas apostolica protestatur: *Administratori spiritus in ministerium missi, propter eos qui hereditatem capiunt salutis* (Hebr. i, 14). Sed nunquam talis potest esse missio Spiritus sancti. Ille enim nullam potest habere cum angelis similitudinem missionis, quia ubicunque sunt sancti angeli, ipso sunt omnes uno Spiritu pleni, qui totus est in singulis, et unus in cunctis. Angelus vero et minister nusquam sanctus Spiritus nominatur: cum in opere una quidem sit annuntiatio Trinitatis, et in subministracione Spiritus, non sit ministerium servitutis, sed divinæ majestatis auxilium. Quod beatus Petrus indubitanter

ostendit, dicens : *Sive qui loquitur, tanquam sermones Dei : sive qui ministrat, tanquam ex virtute quam administrat Deus* (*I Petr. iv, 11*). Ubi ostenditur non cuiusquam creature, sed solius esse Dei, auxilium administrare virtutis. Illi quoque objectioni, qua sanctum Spiritum postulare, gemere, atque interpellare dixisti, quantum me Dominus adjuvit, dedi responsum; ostendens quemadmodum ille sermo Apostoli secundum regulam debeat veritatis intelligi. Nam revera Christus, qui est in dextera Dei, interpellat quidem pro nobis (*Rom. viii, 34*), sed secundum quod dignatus est Sacerdos esse, et obtulit semetipsum pro nobis, oblationem et hostiam Deo in odore suavitatis (*Ephes. v, 2*). Inde igitur oratio, unde oblatio; inde obsecratio sacerdotia, unde illi

A nobiscum natura communis Proinde ipse est qui et orat pro nobis, et oratur a nobis. Orat namque pro nobis secundum quod est Sacerdos noster, et caput corporis Ecclesiae, unus mediator Dei et hominum, homo Christus Jesus; oratur autem a nobis secundum quod cum Patre naturaliter unus est Deus. Spiritus autem sanctus, neque apud Patrem, neque apud Filium, pro nobis ullum postulationis officium gerit; sed cum Patre et Filio, unum postulationibus nostris auditum benignitatis impedit, unam misericordiam tribuit, unum consert auxilium, unam remissionem condonat peccatorum. Simul enim a nobis, dum Patrem poscimus, tota Trinitas poscitur. quia quidquid salubre nobis est, tota Trinitas inseparabili virtute ac bonitate largitur.

IX LIBRO IX. DE INVOCATIONE TRINITATIS.

629 FRAGMENTUM XXXI.

Non Pater tantum invocatur, sed etiam Filius. In una persona invocatur tota Trinitas. Quod una persona poscitur, tota Trinitas facit.

Dicis quod sive oratio Dominica, sive omnes orationes communes et preces, non nisi ad solius Dei Patris personam rite fundantur. Nos autem dicimus, orationem quidem Dominicam ad solius Patris semper fundi debere personam; quippe in qua sic orare incipimus, ut ipsum Patrem primitus nominemus. Unde, ex ista regula quam Salvator instituit, Ecclesia, quae corpus ejus est, orationes suas ad personam Dei Patris fundere consuevit. Verumtamen ut agnoscamus, in unius invocatione persone totam Trinitatem obsequio fidelis invocationis pariter honorari, invenimus a patriarchis et martyribus sanctis etiam Filium invocatum; quibus utique tu nec ignorantiam veritatis, nec aliquod crimen irreligiosi assignare audebis erroris. In illo igitur quem Deus posuit Patrem multarum gentium (*Rom. iv, 17*), rei hujus primum accipe documentum: de quo, cum adhuc Abram, et necum Abraham divino munere vocaretur, in Genesi scriptum sic continetur: *Et visus est Dominus Deus Abram, et dixit ei: Semini tuo dabo terram istam. Et aedificavit ibi Abram altare Domino, qui visus est ei. Et recessit inde in montem contra orientem Bethel, secundum mare Agge, contra orientem: et aedificavit ibi altare Domino Deo, et invocavit in nomine Domini Dei qui visus est* (*Gen. xx, 7, 8*). Elige nunc unum e duobus, ut aut Deum Patrem dicas sancto Abrahæ visum, aut Filium asseras invocatum. Vide enim quid Scriptura commendat: *Et invocavit in nomine Domini Dei qui visus est: ubi agnoscitur quia Deus qui visus est, ipse est invocatus.* An pro eo quod dictum non est, Invocavit Dominum Deum qui visus est, sed, *In nomine Domini Dei qui visus est, ex hoc alterum visum, alterum forsitan existimas invocatum?* Dic ergo quem sanctus patriarcha invocaverit, aut in cuius nomine eum existimes invocasse. Procul dubio aut Patrem in nomine Filii, aut Filium in nomine Patris asseras in-

B vocatum. Sed quodcumque delegeris, necesse est veritatis virtute vincaris. Si enim Filium in nomine Patris assiris invocatum, propter illud quod ait: *Ego reni in nomine Patris mei* (*Joan. v, 43*); ecce interim Filium a sanctis patriarchis invocatum necesse est fatearis. Quid est autem invocare, nisi orare? Ipsius ergo Abraham oravit, quem invocavit. Placetne tibi, an displiceret, Filium a sancto Abraham **630** invocatum? Si placet, aut die ibi nona invocatum Patrem, aut in unius invocatione personæ honorificentiam agnoscere communem. Sed profecto, dicens Filium invocatum in nomine Patris, ex hac invocatione Patrem separare non poteris. Cur ergo invocato Filio invocatum credis et Patrem, et invocato Patre etiam Filium non credis invocatum? Cum utique sicut illuc invocatio a prole recurrat ad originem, sic etiam hic ab origine recurrat ad problem. Deus igitur, qui invocatur in nomine Domini Dei, in suo utique nomine invocatur: nec aliud est invocare Dominum, quam nomen Domini invocare. Alioquin quis est cui dicit Isaías: *Domine, praeter te alium non norimus, nomen tuum invocavimus* (*Isa. xxvi, 13*)? Aut cui Jeremias dicit: *Et tu in nobis es, Domine, et nomen tuum invocatum est super nos* (*Jer. xiv, 9*)? David quoque orans, Deus, inquit, *in nomine tuo salvum me fac, et in virtute tua judica me* (*Psal. lxxi, 3*). Postremo, si putas quia non habet regula fidei ut Filius invocetur, beatus Stephanum necesse est reprehendas, de quo scriptum est quod eum Judæi lapidabant invocantem et dicentem: *Domine Jesu, suscipe spiritum meum* (*Act. vii, 59*). Petri quoque apostoli sine dubio doctrinam abjiciens, dicentis: ** Gratia cum omnibus qui invocant Jesum Christum in perpetuitate. Pax vobis omnibus qui estis in Christo* (*I Petr. v, 14*). Cur itaque beatus Stephanus ad Filium orationem fundit, si nunquam est Filius exorandus? aut quem alium invocat David nisi Filium, dicens illud quod supra posuimus: *Qui pascis Israel, intende; qui deducis rebus Joseph* (*Psal. lxxxix, 1*)? Cujus et adventum postulat, dicens (v. 3): *Excita potentiam tuam, et reni-*

* Sed priora verba non habentur in Vulgatis.

*ut liberes nos. Agnoscere igitur, invocato Patre, Filium quoque pariter invocari, et invocato Filio, invocari nihilominus Patrem, et ab eadē invocatione Spiritum sanctum nullatenus separari. Unum enim sanctae Trinitati obsequium orationis debemus, in cuius nomine baptizati, gratiam redēptionis accēpimus. Patri ergo dicimus orantes, *Per Dominum nostrum Iesum Christum Filium tuum*, poscentes ut per ipsum faciat quod oramus, per quem nos facere dignatus est ut essemus. Omnia enim Pater per Filium fecit et facit, quia unus Dominus Jesus Christus per quem omnia (I Cor. viii, 6); de quo item scriptum est, quia omnia per ipsum facta sunt, et sine ipso factum est nihil (Joan. i, 3); et quia omnia per ipsum et in ipso creata sunt, et ipse est ante omnes, et omnia in ipso constant (Coloss. i, 16, 17). Sed quia illud quod dicitur, *Per Dominum nostrum Iesum Christum*, adjurationem existimas, etiam in hoc sēqualem Filium Patri cognosce. Apostolica quippe dicit auctoritas: *Abrahā namque promītens Deus, quoniam neminem habuit per quem juraret majorem, juravit per semetipsum* (Hebr. vi, 15). Deus ergo qui non jurat nisi per semetipsum, non adjuratur nisi per illum qui cum eo unius esse naturę cognoscitur. Quamvis orationis illa conclusio magis per quem Pater operetur ostendat, non sermonem adjurationis contineat. Quocunque tamen modo dicatur, sufficit, quoniam ad hoc dicitur, ut omnibus oratio, omnesque preces, Filii et Spiritus sancti nomine concludantur. Ergo ex quo et beatum martyrem Stephanum ostendimus, in ipso articulo passionis, orationem suam non ad Patris, sed **631** ad Filii direxisse personam; rursusque ad personam Patris orationem sive precem tota dirigit Ecclesia semper; debes agnoscere, omninem rationem fidei nostrę quamvis ad unam ex Trinitate personam videatur dirigi, totius in ea tamen Trinitatis honorificientiam contineri. Ille enim qui ait: *Qui me odit, et Patrem meum odit* (Joan. xv, 22), et de quo beatus Joannes dicit: *Qui diligit genitorem, diligit eum qui natus est ex eo* (I Joan. v, 1); sicut communiter cum Patre vel odio haberi vel diligi, ita cum Pater exoratur, simul cum eo cognoscitur a fidelibus exorari. Et quoniam unus est Patris et Filii Spiritus, necesse est ut dum invocatur Pater aut Filius, in Patre et Filio etiam ille qui unus est utriusque Spiritus invocetur. Unus est autem Jesus Christus, unigenitus Dei Patris Filius, cuius nomine concludimus omnem orationem quam destinamus ad Patrem: nec tamen sine sancti Spiritus nomine, ut ostendamus totam nos humiliiter poscere Trinitatem. Non enim omni Trinitati dicimus: *Per Dominum nostrum Iesum Christum Filium tuum*, sed soli Patri, cuius est unigenitus Filius Dominus Jesus Christus. Ad hoc autem, sicut supra jam diximus, nomen Jesu Christi et Spiritus sancti cum Patrem oramus adjungimus, ut quidquid poscimus, a tota nos Trinitate postulare monstremus. Alioquin ostende nobis quomodo possit illud impleri, quod ipse Salvator noster, in ipso sermone novissimo, quem (secundum Evangelium Joannis) ad discipulos habuit, præcepisse cognoscitur. Quodan-*

A enim memorati sermonis loco ait: *Si manseris in me, et verba mea in vobis manserint, quodcumque voluntatis petitis, et fieri vobis* (Joan. xv, 7). Illic petendum dixit, sed utrum ab ipso, an a Patre petendum sit non ostendit. Paulo post tamen curavit petendum Patris aperire personam, dicens: *Non vos me elegistis, sed ego elegi vos, et posui vos ut eatis, et fructum afferatis, et fructus vester maneat*; ut quodcumque petieritis Patrem in nomine meo, det vobis (Ibid., 16): quod rursus inculcans ait: *Amen amen dico vobis, si quid petieritis Patrem in nomine meo, dabit vobis* (Joan. xvi, 2). Verumtamen audi quomodo etiam seipsum petendum curaverit discipulis intimare, dicens: *Amen amen dico vobis, qui credit in me, opera quæ ego facio et ipse faciet, et majora horum faciet; quia ego ad Patrem vado, et quodcumque petieritis in nomine meo, hoc faciam, ut glorificetur Pater in Filio. Si quid petieritis me in nomine meo, hoc faciam* (Joan. xiv, 12, 13, 14). Ecce Dei Filius petendum insinuat et seipsum. Si quid autem Pater in nomine Filii fuerit petitus, sine dubio datus est, quia hoc promisit Filius qui est fidelis in verbis suis: si quid etiam Filius in suo petatur nomine, hoc se promittit sine dubitatione facturum. Proinde, aut dic Patris et Filii unum os, us esse, et personas in oratione conjungi; aut si separas personas, ut quod petitur Pater, Filium peti non credas, necesse est ut si cui vindicandum putas orationis obsequium, soli ascrivas etiam operationis effectum. Ac per hoc, secundum sententiam tuam, in ipsis sanctis apostolis et martyribus magna in suis orationibus diversitas inventur: dum alias Patrem orat, alias Filium invocat. Nam legimus a beato Paulo Patrem pro fidelibus invocatum, sicut ipse dicit: *Hujus rei gratia, flecto **632** genua mea ad Patrem Domini nostri Iesu Christi, ex quo omnis paternitas in cælis et in terra nominatur, ut det vobis secundum divitias glorie sue virtute corroborari per Spiritum ejus in interiore hominem, habitare Christum per fidem in cordibus vestris* (Ephes. iii, 14). Quod utique Pater sine dubio fecit. Beatus autem Stephanus Dominum Iesum, ut spiritum ejus susciperet, invocavit (Act. vii, 59). Quod utique item Dominus Christus invocatus implevit. Quid ergo nunc dicas? Fecitne Filius cum Patre, quod Paulus Patrem petiit, et Pater cum Filio, quod Filium Stephanus invocavit? An quod solum Patrem Paulus petiit, solus Pater fecit, et quod solum Filium Stephanus invocavit, solus Christus implevit? Si enim dixeris illud quod, secundum sententiam tuam, solum Patrem Paulus petiit, a solo Patre fuisse factum, nihilominus fateberis etiam illud quod solum Filium Stephanus poposcit, a solo Filio absque ulla Patris cooperatione perfectum. Ac per hoc separata opera Patris et Filii dicis: ubi ipsi Dei Filio contradicis, dicenti: *Quocunque enim Pater facit, haec et Filius facit similiter* (Joan. v, 19). Si vero dixeris, in impletis postulationibus Stephani martyris et apostoli Pauli unum opus esse Patris et Filii, agnoscere utriusque unum opus nullatenus esse potuisse, nisi per unitatem naturę; ut et Pater se a Stephano invocatum in Filio cerneret, et a Paulo exoratum se in

Patre Filius agnovisset. Sed ut agnoscas hoc habere apostolicam doctrinam, ut a nobis et Pater et Filius invocetur, vide quomodo invocandum Christum beatum commendet Apostolus, qui Corinthis ita scribit : *Paulus vocatus Apostolus Iesu Christi per voluntatem Dei, et Sosthenes frater, Ecclesiae Dei quae est Corinthi, sacrificatus in Christo Iesu, vocatis sanctis, cum omnibus qui invocant nomen Domini nostri Iesu Christi, in omni loco ipsorum, et nostro. Gratia vobis et pax a Deo Patre nostro et Domino Iesu Christo (I Cor. 1, 1, 2, 3).* Cernis nempe, illis qui invocant nomen Domini nostri Iesu Christi, gratiam et pacem ab Apostolo divinitus postulari. Quid ergo superest, nisi ut omnis qui Domini Iesu Christi non invocat nomen, nec gratiam ab eo possit habere, nec pacem? Qui autem non acceperit a Deo gratiam, poenam recipiet sine dubio sempiternam; et qui a Deo Patre et Domino Iesu Christo non accepit pacem, nullatenus perveniet ad salutem. Ipsius enim nominis invocationem propheticō beatus Paulus commendat eloquio, dicens : *Omnis qui invocaverit nomen Domini, salvus erit (Rom. 10, 13; Joel, 2, 32).* Certum est itaque secundum verē fidei regulam, in qua sanctae Trinitatis una substantia creditur, nullam separationem Patris et Filii fieri, sive Pater, sive Filius a fidelibus invocetur. Ab illis autem nec Patrem invocari, nec Filium, qui invocatione quo offertur Patri, non credunt cum Patre, Filium naturaliter invocari. Hoc enim habet naturalis unitas Trinitatis, ut inseparabiliter cuncta illis tribus personis exhibeantur sancte religionis obsequia, in quibus una est inseparabilis incommutabilisque natura. In orationibus quippe quas una vera Ecclesia fundit ad Deum, et naturae servatur unitas, et personarum discretio custoditur: ut cum ad Patrem dirigatur oratio, qui est origo Filii et Spiritus sancti, unam esse naturam Trinitatis appareat; commemoratione 633 vero Filii et Spiritus sancti, Trinitatem veram ipse suis orationis ostendat. Sic Sabellii atque Arii perfidia vincitur, dum in ipsis quoque orationibus et precibus, tam unius naturae quam trium personarum veritas a catholicis sacerdotibus prædicatur.

FRAGMENTUM XXXII.

Jesus Christus non est filius Trinitatis, quamvis secundum carnem sit opus totius Trinitatis: sed secundum deitatem filius est solius Patris, secundum humanitatem filius solius Mariae Virginis.

Quis enim unquam tante reperiri possit insanie, qui auderet Jesum Christum totius Trinitatis Filium praedicare? Ecclesia quippe Dei vivi, columna et firmamentum veritatis (I Tim. iii, 15), unum sciens Patrem unius Filii, et unum sciens Spiritum sanctum Patris et Filii, nunquam potest Jesum Christum Filium Trinitatis dicere, quia neque duos Patres, neque duos Filios, neque duos Spiritus sanctos potest aliquatenus prædicare. Jesus Christus itaque, non solum secundum divitatem (in qua naturaliter æqualis est Deo Patri), sed et secundum animam et carnem (in qua idem Deus consubstantialis est matri), non solum Filius Dei Patris est, verum etiam unigenitus Filius. Proinde, non solum Jesum Christum Filium Trinitatis

A uts omnino non dicimus, sed etiam sic confitemur Jesum Christum solius Dei Patris Filium, ut eum nullatenus separemus. Magne quippe impietas est alium putare Christum, alium Jesum Christum, cum unus sit utique Dei et hominis filius Jesus Christus: Filius scilicet solius Dei Patris, non totius utique Trinitatis. Nam idem Jesus Christus secundum carnem opus totius Trinitatis agnoscitur, nec ideo tamen totius Trinitatis filius invenitur. Humanam quippe naturam Filii Dei, id est formam servi, simul Pater et Filius et Spiritus sanctus, id est ipsa sancta Trinitas fecit, sed eam solus Jesus Christus accepit, dicente beato Apostolo : *Hoc enim sentit in vobis quod et in Christo Iesu: qui cum in forma Dei esset, non rapinam arbitratus est esse se aequali Deo, sed semet ipsum exinanivit, formam servi accipiens (Philip. ii, 5, 6, 7).* Ipse igitur Jesus Christus, non solum in forma servi, verum etiam in forma Dei, unus est solius Dei Patris Filius, quia formam servi accipiens, non personam accepit hominis, sed naturam. In utero quippe Virginis ut Verbum fieret caro, simul una facta est Verbi carnisque conceptio; et in una Verbi persona simul concepta est divina humanaque natura: non ut utraque natura una fieret, sed ex utraque natura, unius Iesu Christi illa quae semper erat persona constaret. I. uis rei veritas, sicut non permittit quartam personam plenitudini divinae Trinitatis 634 adjungi, sic omnino prohibet Jesum Christum Trinitatis Filium nuncupari. Quod utique etiam sancti Symboli tenor ostendit, ubi cum dicitur : *Credo in Iesum Christum, Filium ejus unicūm Dominū nostrū, qui natus est de Spīritu sancto ex Virgine Maria; ipsum utique quem Dei Filium dicimus, eundem quoque natum de Spīritu sancto ex Maria Virgine confitemur.* Itaque cum dicimus, *Iesum Christum Filium ejus, id est Dei Patris Filium Iesum Christum, nativitatem divinitatis ostendimus, que sine initio est aeternus de Patre: dicentes autem natum de Spīritu sancto ex Virgine Maria, nativitatem fatemur qua idem Unigenitus Deus, secundum carnem temporaliter initium sumpsit ex Virgine. Proinde Jesus Christus, sicut supra dictum est, secundum carnem quidem opus est totius Trinitatis, secundum vero utramque nativitatem solius Dei Patris est Filius: quia idem solus Unigenitus Deus est temporaliter D verus homo de Virgine procreatus, qui de solo Patre sine initio verus Deus est natus.*

FRAGMENTUM XXXIII.

Jesus Christus non est solius hominis vocabulum, sed etiam Dei: et in Scripturis interdum secundum diuinam naturam solam, interdum secundum humanam solam, nonnunquam secundum utramque accipitur. De uno et eodem Spīritu sancto, et Dei Filius dignus est Filius hominis facti, et nobis donatum est in Dei filios adoptari. Ariani non sunt cultores unius Dei, sed plurium.

Ac primum quod ex mea mendaciter persona disti, « Jesus Christus vocabulum est hominis, » Paulus doctor gentium in fide et veritate, sicut contrarium veritati, contrarium convincit et fidei, qui Jesum Christum et Deum demonstrat et hominem. Ita ut uno

eodemque nomine Iesu Christi, in una duntaxat eademque persona, nonnunquam solam divinam, plerumque solam humanam, vel utramque simul intelligi velit aliquando substantiam. Idem namque dicit : *Hoc sentite in vobis quod et in Christo Iesu. Qui cum in forma Dei esset, non rapinam arbitratus est esse se aequali Deo, sed semetipsum exinanivit, formam servi accipiens, in similitudine hominum factus, et habitu inventus ut homo (Philip. ii, 5 et seq.).* Timotheo quoque scribens, ait : *Memor esto Christum Iesum resurrexisse a mortuis, ex semine David secundum Evangelium meum (11 Tim. ii, 8).* Ecce in utroque loco unus Christus Jesus nominatur, sed non secundum unam naturam in Christo Iesu uterque ducus accipitur. Unus est enim Christus Jesus, qui cum in forma Dei esset, non rapinam arbitratus est esse se aequali Deo, sed **635** semetipsum exinanivit, formam servi accipiens, et qui resurrexit a mortuis ex semine David. Sed Christus Jesus in forma Dei semetipsum exinaniens, et formam servi accipiens, secundum solam intelligitur divinam naturam : secundum quam intelligitur etiam, ubi ait : *Et unus Dominus Jesus Christus, per quem omnia, et nos per ipsum (I Cor. viii, 6).* Idem vero Christus Jesus, resurgens a mortuis ex semine David, secundum humanam tantum rectie potest cognoscit substantiam. Rursus Apostolus dicit : *Oboebro igitur, fratres, per Dominum nostrum Iesum Christum, et per caritatem Spiritus (Rom. xv, 30).* Et alio loco : *Testificor coram Deo, et Christo Iesu, qui iudicaturus est vivos et mortuos (I Tim. i, 4).* In quibus utique locis, non secundum solam divinam, neque secundum solam humanam, sed secundum utramque naturam, totum Christum Jesum accipimus ab Apostolo nominatum. Videsne quia Jesus Christus, non secundum hoc solum quod Deus est, neque secundum hoc solum quod homo est, in omnibus Scripturæ locis est accipiens : sed in unoquaque Scripturarum loco secundum id accipi debet, secundum quod Veritas docet ? Unus est enim Christus Jesus, Dei et hominis Filius in utraque natura, unus in utraque verus. Unde nec illud potest constare quod dicas, « *Filium Dei vero cum dicimus, ipsum Deum Filium, id est ipsum Christum spiritalem significamus.* » Neque enim spiritus erat sine corpore ipse Redemptor noster, quando ait illi cœco nato, cui oculos misericorditer et mirabiliter dedit : *Tu credis in Filium Dei ? Cui cum ille dixisset : Quis est, Domine, ut credam in eum ? dixit ei Jesus : Et vidisti eum, et qui loquitur tecum, ipse est (Joan. ix, 35, 36, 37).* Manifestum est autem quod in eo corporis oculis non divinitas, sed humanitas videbatur. Attende etiam beati Petri confessionem dicentis : *Tu es Christus Filius Dei vivi (Math. xvi, 16); et ipsum Filium Dei non Deum tantum, sed Deum hominemque cognosce : præsertim quia se Filium hominis dixit ipse Christus, quem Filium Dei vivi confessus est Petrus. Unde cum sit unus Christus Filius Dei et hominis, sicut non semper eum secundum solam divinitatem Filium Dei videmus dictum, sic nec secundum solam carnem invenimus semper Filium hominis nuncupatum. Ipse*

A enim qui dixit discipulis suis : *Ecce ascendimus Hierosolymam, et Filius hominis tradetur principibus sacerdotum et scribis ; et damnabunt eum morti, et tradent eum gentibus, et illudent ei, et conspuent eum et flagellabunt eum, et interficiant eum, et tertia die resurgent (Matth. xx, 18, 19) ; idem dixit : Nemo ascendit in caelum, nisi qui de caelo descendit, Filius hominis, qui est in caelo (Joan. iii, 13).* Quis vero sane intelligentie, in utroque loco Filium hominis secundum unam putet locutum fuisse substantiam, cum utique nec secundum divinitatem potuerit Filius illa omnia pati, nec secundum carnem tunc fuisse in caelo quando talia loquebatur in terra ? Unus igitur idemque est Filius hominis, qui et secundum solam carnem vere traditus, et vere interfictus, die tertio surrexit, et secundum solam divinitatem totus in terra, et totus in caelo fuit, quando secundum carnem in terra tantum positus, illa de se veraciter dixit. Verum est itaque quia in Christo una est persona deitatis et carnis, sed utriusque naturæ **636** proprietate servata. Nam Christus dicitur aliquando secundum solam divinitatem, aliquando dicitur secundum solam carnem, aliquando secundum utramque substantiam. Secundum solam quippe divinitatem intelligendum Christum monstravit Apostolus, dicens : *Nolite mentiri inv. cem : expoliantes vos veterum hominem cum actibus suis, et induentes novum, eum qui renovatur in agnitione, secundum imaginem ejus qui creavit eum. Ubi non est Gentilis et Judæus, circumcisio et praeputium, Barbarus et Scytha, servus et liber, sed omnia ei in omnibus Christus (Colos. iii, 9 et seq.).* Tale est autem quod hic ait : *Omnia et in omnibus Christus ; quale est istud : Ut sit Deus omnia in omnibus. Secundum solam quoque carnem Christum cognoscimus ab Apostolo nominatum, ubi ait : Tradidi enim robis in primis quod et accepi, quia Christus mortuus est pro peccatis nostris secundum Scripturas, et quia sepultus est, et quia resurrexit tertia die secundum Scripturas (I Cor. xv, 3, 4).* Ille quoque locus ejusdem Apostoli huic invenitur intelligentiae convenire, ubi ait : *Quiunque in Christo baptizati sumus, in morte ipsius baptizati sumus. Conseptuli enim sumus cum illo per baptismum in mortem (Rom. vi, 5) ; et paulo post : Christus resurgens a mortuis, jam non moritur, et mors ei ultra non dominabitur (Ibid., 9).* Quem tamen Christum secundum utramque cognoscitur prædicare naturam, dicens : *Quorum patres, et ex quibus Christus secundum carnem, qui est super omnia Deus benedictus in sæcula (Rom. ix, 5).* Manifestum est igitur, illas regulas quas in prædictis voluisti firmare nominibus, nullo robore sulciri, quia nullatenus Christianæ congruent veritati. Non solum enim cum dicitur Dei Filius, aut cum dicitur hominis Filius, sive cum dicitur Christus, vel cum dicitur Jesus Christus ; verum etiam cum ipse qui est Unigenitus a Patre, plenus gratiae et veritatis (Joan. i, 14), in sancta Scriptura dicitur Deus, cor siderandum est, in ipsa una Filii Dei persona quenam recte debeat accipi sine ullo errore substantia. Nam in illo Actuum apostolorum loco, ubi idem Paulus apostolus majoribus natu et seniorib-

bus dicit : *Attendite vobis et universo gregi, in quo vos Spiritus sanctus posuit episcopos, regere Ecclesiam Dei quam acquisivit sanguine suo (Act. xx, 28)*; utique hic Deum non accipimus nisi ipsum Filium Dei : qui tamen non secundum aeternam atque incommutabilem divinitatem suam, quam habet incommutabilis ex Patre, sed secundum humanitatem qua de Virgine verus factus est homo, intelligitur idem Deus Ecclesiam acquisisse sanguine suo. Non ergo dicimus Iesum Christum esse humanitatis et solius hominis nomen, sed unum Iesum Christum Deum hominemque dicimus, in quo sic est de natura matris vera natura hominis, sicut de natura Dei Patris vera et aeterna manet substantia deitatis. Ipse enim qui Veritas est, verus Filius est et Patris et matris, de quo dicit beatus Joannes : *Scimus quia Filius Dei venit, et dedit nobis intellectum ut cognoscamus verum, et sinus in vero Filio ejus Iesu Christo (I Joan. v, 20)*. Et quoniam verus Dei Filius naturaliter Deus verus est, qui nec verus Deus esset si verus Filius de Patris natura non esset, propterea statim beatus Joannes adjunxit : *Hic est verus Deus, et vita aeterna (Ibidem)*. **637** In eo vero quod Christus Dei Filius, natus de Spiritu sancto ex Virgine Maria dicitur, non est alius Spiritus sanctus quam Paracletus, qui est unus Patris et Filii Spiritus. Idem namque est Spiritus veritatis qui a Patre procedit (*Joan. xv, 26*), qui solet in Scripturis sanctis Spiritus sanctus evidentissime nuncupari. Nam est quidem naturaliter et Pater spiritus, et Filius spiritus, et Pater sanctus, et Filius sanctus ; sed tamen non invenitur locus in divinis eloquii in quo Pater aut Filius absolute, et sine aliqua adjectione dicatur Spiritus sanctus. Scriptum est enim : *Spiritus est Deus (Joan. iv, 24)*; sed additum est ibi *Deus*, ubi sine dubio Pater agnosceretur Deus. Ergo cum Patrem aut Filium sancta Scriptura significat, consuevit aut Spiritum tantummodo, aut sanctum dicere, et aut nomen adjungere quo vel Pater vel Filius possit intelligi, aut si nomen non adjunxerit, ex praecedentibus vel subsequentibus agnoscatur utrum uni personae, an simul ipsi sanctae Trinitati, secundum regulam debeat veræ fidei coaptari. Ipse est igitur unus Spiritus sanctus, de quo secundum carnem natus est Christus, ex quo spiritualiter omnis renascitur Christianus. Ea quippe sancti Spiritus gratia, qua Deus Unigenitus dignatus est Filius hominis fieri, nobis donatum est in Dei filios adoptari. Non autem Trinitatis, sed solius Dei Patris est Filius Jesus Christus : qui utique digne dicitur coeternus Deo Patri, etiam accepta carne sua, quia una est in illo divinitatis carnisque persona : et ipse Dei Filius qui in personam deitatis sue acceptit carnem, naturaliter habet Deo Patri coeternam sine initio deitatem. Nec est alter Spiritus sanctus quem in nostris orationibus cum Patre et Filio nominemus, praeter unum Paracletum Spiritum : quem sic unum Spiritum Patris et Filii novimus, ut consubstantiale et coeternum Patri et Filio certissime noverimus. In eo autem unum Deum nos colere demonstramus, quia unam Trinitatis substantiam credimus et fatemur. Vos autem nullatenus estis

A cultores unius Dei, qui aliam naturam dicitis Patris, aliam Filii, aliam Spiritus sancti : et cum unum Deum non colatis, nec tres tamen deos colitis ; sed quod pejus est, quia dicitis vos colere quidem duos deos, id est Patrem deum maiorem, et Filium deum minorem ; et cum eis quasi colere Spiritum sanctum, cui omnino nomen Dei adimitis, et eum creaturam sine aliqua reverentia nuncupatis. Unde, quia creature vos esse cultores ostenditis, profectio (si volueritis) non tres tantum, sed etiam quinque deos colere poteritis.

638 FRAGMENTUM XXXIV.

Non soli Patri sacrificat Ecclesia, aut soli Patri dat gloriam, sed toti Trinitati. Christus pro nobis corpus suum et templum et sacrificium sicut. Gratias agimus Patri et Filio ut Deo, Patri autem per Filium, ut hominem. Spiritus sanctus locum non habet inter opera Dei.

Oportet autem tuum consequenter refutari mendacium, in eo quod dicas, semper me firmasse, soli offerri omne sacrificium Patri : quod ego nec aliquid dixi, nec dico. Sancta enim Ecclesia catholica non soli Patri, sed simul sanctæ sacrificat Trinitati ; et sicut ad solius Patris personam dirigeas orationem, tam simul invocat Trinitatem ; ita quod Patri Deo immolat, simul Trinitati sacrificat. Sive enim in oratione, sive in sacrificio, nullam facit fidès vera distinctionem munieris, quia non est in Trinitate diversitas potestatis : unde quidquid uni persona offertur, necesse est Trinitati pariter offeratur. Quod sanctorum patriarcharum et prophetarum demonstratur exemplis : ubi principaliter attendendum nobis est, altare ad hoc semper ædificatum Deo, ut debito sacrifici Deus honoretur obsequio. Altare namque ibi primum in sanctis voluntinibus nominalitur, ubi sanctus Noe, de arca egrediens, Deo perhibetur hostias obtulisse. Sic enim scriptum est : *Et ædificavit Noe altare Domino, et accepit ab omnibus pecoribus mundis, et ab omnibus volatilibus mundis, et obtulit hostiam super altare Deo (Genes. viii, 20)*. Nam et Dominus ostendens quod hujus rei gratia construatur altare, Mosi famulo suo sic loquitur : *Altare de terra facietis mihi, et immolabitis super illud holocausta et salutaria retra (Exod. xx, 24)*. Inquiramus ergo cuinam patres nostri altare construxerint, ut ipsi eos agnoscamus etiam sacrificium obtulisse. Post illud itaque altare quod Noe Dominus fabricavit, a sancto Abraham legimus altare constructum. Sic enim scriptum est : *Et risus est Dominus Deus Abraham, et dixit ei : Semini tu dabo terram istum. Et ædificavit ibi Abraham altare Domino, qui visus est ei. Et recessit inde in montem contra orientem Bethel, et statuit ibi tabernaculum suum Bethel, secundum mare Agge, contra orientem : et ædificavit ibi altare Domino Deo, et invocavit in nomine Domini Dei, qui visus est (Genes. xii, 7, 8)*. Cum superiorius de invocatione Dei ageremus, istum locum jam nos posuisse meminimus ; ipsum etiam nunc repetamus sensum. Volentes enim Filium a Patre minorem ostendere, soletis dicere, Filium sanctis Patribus visum. Quid ergo nunc dicitis ? Quandoquidem Abraham noster, Deo, qui ei visus est, altare

ædificavit : non autem fuit necessitas ædificandi altaris, nisi pro **639** sacrificiis offerendis. Deo igitur qui visus est ei, sanctus Abraham sacrificium obtulit, cui non ob aliud nisi ut sacrificaret, altare construxit. Ipsius etiam invocavit, quandoquidem in nomine Domini Dei qui visus est, legitur invocasse. Proinde, aut confitere, simul unius orationis obsequio Patrem et Filium invocari, et unum sacrificium Patri et Filio simul offerri ; aut si hoc non vis, necesse est ut aut Patrem dicas visum, aut soli Filio sacrificium a sanctis patriarchis fatearis oblatum, et Patri compellatis adimere quod Filio conarisi auferre. Similiter et de Isaac legimus, de quo dicit Scriptura : *Ascendit autem inde ad pultum juramenti, et visus est ei Dominus in illa nocte, et dixit ei : Ego sum Deus Abraham patris tui. Ne timeas, tecum enim sum, et benedicante, et multiplicabo semen tuum, propter Abraham patrem tuum. Et ædificavit ibi Isaac altare, et invocavit in nomine Domini (Gen. xxvi, 23 et seq.).* Diligenter attende, ipsum esse Deum Abraham qui et Abraham et Isaac visus est, ipsique altare ab Abraham et Isaac ædificatum, ac per hoc ipsi ab utroque sacrificium immolatum. Veniamus et ad Jacob, ut ipsum quoque simili fide præditum, ostendamus Deo Abraham, et Deo Isaac, et Deo Jacob altare construxisse, et ipsum similiter invocasse. Sic enim de eo scriptum est : *Venit autem Jacob in Salom civitatem Sichimorum in terra Channa, cum venisset de Mesopotamia Syriae ; et applicuit secundum faciem civitatis ; et emit partem agri, in quo statuit tabernaculum suum, ab Emmor patre Sichem, centum agnis. Et statuit ibi altare, et invocavit Deum Israel (Genes. xxxiii, 18 et seq.).* Item paulo post sancta Scriptura sic ait : *Dixit autem Deus ad Jacob : Surgens ascende in locum Bethel, et inhabita ibi, et fac ibi altare Deo qui visus est tibi cum fugeres a facie Esau fratris tui (Gen. xxxv, 1).* Et paulo post : *Venit autem Jacob in Luza, quæ est in terra Chanaan, quæ est Bethel, ipse et omnis plebs quæ erat cum eo ; et ædificavit ibi altare ; et vocavit nomen socii illius, Domus Dei. Ibi enim apparuit ei Deus cum fugeret a facie fratris sui Esau (Ibid., 6, 7).* Certum est autem a sanctis patriarchis illi Deo sacrificium oblatum cui est ab eis altare constructum, et quem constat ab illis suppliciter invocatum. Puto autem quod non audebis dicere alium Deum patriarchas, et alium sanctos apostolos et martyres invocasse. Unum enim Deum invocaverunt, quia in quem credebant patriarchæ, in ipsum quoque apostoli et martyres crediderunt. Quia vero Deus Abraham, et Deus Isaac, ipse congruo tempore Vetus Testamentum dedit, in quo Testimenti Novi promissa tenebantur figuris congruis obvelata (unde etiæ fuerunt alia temporis illius sacramenta, fides tamen Christianæ religionis non fuit aliquando diversa) ; hoc ordinavit Trinitatis una et vera divinitas, ut etiam propheticis eloquii, sacrificium verum Christo Domino, tempore Novi Testimenti diceretur a fidelibus offerendum. Quod Sophonias propheta his verbis Spiritu sancto repletus insinuat : *Sustine me, dicit Dominus, in die resurrectionis meæ, in testimonium. Quoniam judicium meum in congrega-*

*tionem gentium erit, ut recipiam reges, et effundam super eos iram furoris mei : quoniam in igne ænula ionis meæ consummabitur **640** omnis terra. Quia tunc transferam super populos linguam isæ progenies ejus, ut innocentem nomen Domini, et serviant ei sub iugo uno. A trans flumine Ethiopia suscipiam observantes me. Qui dispersi sunt, offerent hostias mihi in illo die (Sophon. iii, 8, 9, 10).* Quis est qui sibi dicit hostias offerendas, nisi qui se in die resurrectionis sue præcepit sustineri ? Quis autem se resurrectum predixit, nisi ille qui *truditus est propter delicta nostra, et resurrexit propter justificationem nostram (Rom. iv, 25)* ? Sed quis dubitabit et sanctos patriarchas, et prophetas tempore Veteris Testimenti unum Patri et Filio sacrificium obtulisse ? Quandoquidem in ipso exordio nativitatis, quam de Virgine Christus habuit, sacrificium sibi credituram gentium, Magis offertibus, dedicavit : ipsos scilicet primicias gentium faciens, et in eorum munere primicias sibi debitæ immolationis ostendens. Magi quippe Christum Dominum adorantes, etiam aurum, thus, et myrram suppliciter obtulerunt. Thus autem, certum est in sacrificiis Deo semper offerri, aurum regis potestati annua devotione persolvi, myrram vero in sepulturam mortuis corporibus adhiberi. In isto igitur trino oblationis genere, perfectum continetur fidei Christianæ mysterium ; quo cognosceretur in Christo et assumptæ infirmitas carnis, et sempiterna atque regalis omnipotentia deitatis. In uno etenim eodemque Christo crediderunt mortalem carnem, regiam potestatem, excelsum super omnia deitatem ; ac per hoc docuerunt credondam esse veram Redemptoris meritum, et ipsi vero Regi reddendam, quam in nobis suam creavit et renovavit imaginem ; et eidem Deo summo et vero exhibendam, quam Graeci λατρεῖον vocant, sacrificii servitutem. Sic in eorum cordibus inventum est, non atramento, sed Spiritu Dei vivi conscriptum : *Domum Deum tuum adorabis, et illi soli serues (Deut. vi, 13) ; et : Sacrificans diis, eradicabitur, nisi Domino soli (Exod. xxu, 20).* Nam, ut de tuis quoque litteris tibi aliquid ingeramus, ut thus in sacrificio solere semper offerri facilime recorderis, carentem recense Virgilium,

Centumque Sabæ
Thure calent aræ. (Æneid. l. 1, v. 425.)

Et Christo, cui thus cognoscis oblatum, etiam sacrificium in unitate Patris et Spiritus sancti, ab una et vera Ecclesia non dubites immolari. Nam et beatus martyr Stephanus Christo Domino se sacrificium obtulit, quem ut ejus spiritum susciperet invocavit, dicens : *Domine Jesu, suscipe spiritum meum (Act. vii, 59).* Scriptum est autem quia sacrificium Deo spiritus contribulatus (Psal. l, 19) ; cui sanctus Azarias ait : *In anima contribulata et spiritu humilationis accipiatur, sicut in holocaustis arietum et taurorum, et multitudine agnorum pinguium ; sic fiat sacrificium nostrum in conspectu tuo (Dan. iii, 39, 40).* Illi autem Domino suum spiritum obtulit, quem sanctus Stephanus ut ejus spiritum susciperet invocavit. Nemo autem sanctorum virorum invocasse dicitur, nisi Deum. Et maxime sa-

et patriarchæ tunc commemorantur nomen Domini invocasse, quotiens altaria exstruxerunt, in quibus utique illi Deo quem invocabant, sacrificia offerebant: ita ut vix interdum quisquam eorum sine constructione altaris nomen Domini invocasse dicatur. Unde **641** commode multumque congrue in hoc loco beatus martyr Stephanus, non postulasse, sed invocasse Dominum Jesum dicitur, quando semetipsum Deo sacrificium obtulisse cognoscitur. Ubi appetet quia illum sine dubio cum lapidaretur invocabat, cui se sacrificium, et vivam prorsus hostiam offerebat. Neque vero Patri tantum et Filio, sed etiam Spiritui sancto, id est ipsi sanctæ Trinitati, uni vero et bono Deo, unum vera fides offert sacrificium, unum exhibet adorationis obsequium: cujus tota Ecclesia sic unum est templum in omnibus Sanctis, sicut in uno nomine Patris et Filii et spiritus sancti, liberatam se novit de regno mortis atque peccati. Inde est quod beatus Apostolus unam demonstrans sanctæ Trinitatis naturaliter majestatem, dicit, *Nescitis quia templum Dei estis, et Spiritus Dei habitat in vobis* (*I Cor. iii, 16*)? Et ut ostenderet Spiritum sanctum, non ut ministrum, sed ut verum ac summum Deum, habitare in nobis, in templo suo, rursus ait, *Nescitis quia corpora vestra, templum in vobis est Spiritus sancti, quem habetis a Deo* (*I Cor. vi, 19*)? Et ut Deum verum Spiritum sanctum demonstraret, adjectit, *Glorificate et portate Deum in corpore vestro.* Non potest igitur in sacrificio sanctæ Ecclesiæ alienus esse Spiritus sanctus a Patre et Filio, qui totam sanctam Ecclesiam unum templum habet cum Patre et Filio. Nec possumus ei cujus templum sumus sacrificium non offerre, cum ipsa corpora nostra, quod templum est Spiritus sancti, hostiam vivam, sanctam, *Deo placentem* (*Rom. xii, 1*), Paulus apostolus precipiat exhiberi. Quomodo autem Spiritui sancto in pane et vino sacrificium Ecclesiæ non offertur, quando ipsam Ecclesiam et templum et sacrificium ipse Spiritus habere cognoscitur? Nam ipse Salvator noster, qui pro nobis passus est, nobis relinquens exemplum, et qui est caput corporis Ecclesiæ, ostendens in se quod agnoscamus in nobis, unum idemque corpus suum, non solum templum, verum etiam sacrificium fecit. Ipse quippe ait: *Solvite templum hoc, et in tribus diebus excitabo illud* (*Joan. ii, 19*). Quod evangelista Joannes exponens, ait: *Hoc autem dicebat de templo corporis sui.* Paulus autem apostolus semetipsum pro nobis Christum obtulisse sic commemorat: *Estate itaque imitatores Dei, sicut filii carissimi; et ambulate in dilectione, sicut et Christus dilexit nos, et obtulit semetipsum pro nobis oblationem et hostiam Deo in odorem suavitatis* (*Ephes. v, 1, 2*). Christus igitur pro nobis corpus suum et templum fecit, et hostiam obtulit. Cujus corpus esse totam Ecclesiam beatus Apostolus, dicens de ipso Domino: *Qui est caput corporis Ecclesiæ* (*Coloss. i, 18*). Qui rursus ait (*v. 24*), *Et adimpleo ea quæ desunt passionum Christi in carne mea, pro corpore ejus quod est Ecclesia.* Christus autem pro nobis passus est, nobis relinquens exemplum, ut se-

A quamur vestigia ejus. Christus itaque suo nos exemplo docuit, et ostendit illius esse sacrificium, cuius sumus et templum. Templum autem non solum Patris et Filii, verum etiam Spiritus sancti sunus: proinde unum sacrificium Patri et Filio et Spiritui sancto suppliciter immolamus. Et quia in templo duobus maxime officiis, id est, orationis atque immolationis, invenitur summo illi uni et vero et bono Deo humana servire **642** conditio, propter quod et Salvator noster ingrediens templum ait: *Domus mea domus orationis vocabitur* (*Math. xxi, 43*); et duos homines dicit ascendisse in templum orare, unum phariseum, et alterum publicanum (*Luc. xviii, 10*): propterea sicut ipsi Trinitati, id est uni Deo, unum sacrificium offerimus, sic ipsi Trinitati unum orationis ac deprecationis obsequium suppliciter exhibemus. Quocirca quisquis sacrificium quod offertur Patri, negat Filio et Spiritui sancto, alienum se cognoscat esse a Christi membris. Quia sancta Ecclesia, quæ verum corpus est Christi, sicut unum templum, unumque sacrificium sanctæ Trinitatis novit esse, sic unum sacrificium Patri et Filio et Spiritui sancto consuevit in veritate fidei, spei et caritatis offerre. Sanctæ itaque Trinitati, cui unam debemus et individuam per omnia servitutem, sicut unum sacrificium offerimus, sic unam quoque gloriam fidei devotione cantamus. Nam quia unam naturam constat esse sanctæ Trinitatis, dignum est ut una gloria Patri, et Filio, et Spiritui sancto dicatur a fidelibus, in hymnis et psalmis. Verumtamen propter susceptionem formæ servilis, et officium nostri Pontificis, gratias Patri per Filium recte ac fideliter agimus: quia secundum veram fidem, in Unigenito natura utriusque cognoscimus veritatem. Unde veraciter eum confitentes, non solum æqualem Patri secundum veritatem divinitatis æternæ, verum etiam minorum Patre secundum gratiam humanitatis assumptæ, quia, docente sancto evangelista, certissime novimus Unigenitum a Patre, plenum gratiae et veritatis (*Joan. i, 14*): recte agimus gratias Patri et Filio, quia cum Patre Filius naturaliter unus est Deus: et recte agimus Patri per Filium, quia ille qui de natura Patris unicus est Dei Filius, idem de natura matris factus est hominis Filius. Gratias itaque agimus Patri per Filium, in quantum se nobis tribuit humiliatum: gratias agimus Patri et Filio, in quantum se nobis largietur (*Flor., largitur*) altissimum. Gratias agimus Patri per Filium, quia æternus atque immortalis Unigenitus Deus pro nobis temporaliter homo mortalis est factus: et gratias agimus Patri et Filio, quia idem Unigenitus Deus, Patri Deo manet naturaliter coæternus. Gratias agimus Patri per Filium, quia opus nostræ redemptiois implevit; gratias agimus Patri et Filio, quia munus nobis futuræ beatitudinis repromisit. Redemit enim nos humilitate carnis, beatos nos faciet celsitudine deitatis. Utrumque igitur ideo facimus, quia utrumque faciendum in sanctis eloquiis invenimus. Nam quia oportet nos gratias agere Patri per Filium, apostolicæ sermone cognoscimus; et quia oportet nos gratias

D

agere Patri et Filio, non solum in apostolicis dictis, A verum etiam in angelicis laudibus invenimus. Quas tamen nobis apostolicus sermo proponit, quia hoc Deus ipse apostolis suis ad utilitatem nostræ instructionis ostendit. Scimus enim dixisse beatum Paulum, cum Romanis scriberet: *Primum quidem gratias ago Deo meo per Jesum Christum pro omnibus vobis* (Rom. 1, 8). Qui etiam Colossensibus ait: *Onne quodcumque facilis in verbo aut in opere, omnia in nomine Domini Jesu, gratias agentes Deo et Patri per ipsum* (Coloss. iii, 17); et si qua talia possunt in apostolicis litteris inveniri. Sed et eundem apostolum legimus dixisse: *Gratias ago ei qui me confortavit, Christo Jesu Domino nostro*, **643** *quia fidelem me existimat ponens in ministerio* (I Tim. 1, 12). Agit ergo Apostolus gratias per Christum, agit gratias Christo. Agit gratias per Christum, secundum id quod est ex Patribus Christus secundum carnem; et agit gratias Christo, secundum id quod est ipse Christus super omnia Deus benedictus in secula (Rom. ix, 5). Agenda autem Patri et Filio gratias, evidentius idem beatus ostendit Apostolus, cum nobis gratiam Dei non solum a Deo Patri, sed et Christo Jesu Domino nostro dari, et orat et commemorat. Docens enim per Christum nobis a Deo gratiam dari, ait: *Secundum spiritum sanctificationis, ex resurrectione mortuorum Jesu Christi Domini nostri. Per quem accepimus gratiam et apostolatum, ad obediendum fidei in omnibus gentibus pro nomine ejus* (Rom. 1, 4, 5). Et rursus ait: *In felix ego homo, quis me liberabit de corpore mortis hujus? Gratia Dei per Jesum Christum Dominum nostrum* (Rom. vii, 24, 25). Sed idem apostolus, in omnibus suarum proemii litterarum, gratiam nobis a Deo Patri et Domino Jesu Christo postulare non desinit. Nam si apostolicaram Epistolarum velis recensere principia, pene hoc in cunctis invenies, in quibus duntaxat nomen ipsius Apostoli continetur, *Gratia vobis, et pax a Deo Patri nostro, et Domino Jesu Christo* (Rom. 1, 7). Proinde, sic nos necesse est gratias agere, sicut nos gratiam certum est accepisse. Nam quoniam accepimus gratiam a Deo per Jesum Christum Dominum nostrum, ex ista regula veritatis agimus gratias Patri per Filium: quia vero accepimus gratiam et pacem a Deo Patri et Christo Jesu Domino nostro, ex ista rursus regula veritatis, agimus gratias Patri simul et Filio. Sicut enim non solum a Patri per Filium, verum etiam a Patri et Filio gratiam accepimus, ita non solum Patri per Filium, verum etiam Patri et Filio gratiarum actionem debite necesse est servitutis humilitate solvamus. Hoc enim quod agimus gratias Patri per Filium, ad incarnationis pertinet sacramentum; in eo autem quod agimus gratias Patri et Filio, unius claret divinitatis agnitus. Sicut enim Filius ita nostram suscepit carnem, ut paternæ unitatis naturalem non amitteret veritatem, sic nobis utrumque donavit, ut et per Filium gratias agamus Patri, et gratias Filio simul agamus et Patri. Gratiam enim quam nobis donavit Pater per Filium, simul nobis donante Patre donavit et Filius. Necesse est igitur ut sicut per

ipsum accepimus donum, per ipsum exhibeamus obsequium: et sicut gratia nobis a Deo Patri et Christo Jesu Domino nostro datur, sic a nobis gratiarum actione Patri Filioque solvatur. Sicut enim rectum est fideique conveniens, per eum Patri gratias agere, per quem nos a Patre certum est accepisse, sic impium est, veraque religioni contrarium, si quis in apostolicis litteris legat gratiam fidelibus a Deo Patri et Domino Jesu Christo dari, et nolit gratiarum actionem simul Patri Filioque persolvi. Qui enim per Filium Patri gratias agere non vult, veram in divinitate Christi non intelligit carnem; si quis autem gratias Patri Filioque non agit, veram non vult in Christi carne cognoscere deitatem. Quia ergo utrumque impium est, et animæ valde contrarium, tenenda est veræ fidei regula, ut et propter formam servi, qua Patre minor est Filius, gratias agendas Patri per Filium recte dicamus, et nihilominus propter formam Dei, in qua **644** Filius æqualis est Patri, gratias agendas Patri et Filio neverimus. Quia vero una gratia nobis est a sancta Trinitate collata, communiter est a nobis Patri, Filio et Spiritui sancto una gratiarum actione persolvenda. Sicut enim ab Apostolo filiis dicitur, *Gratia vobis et pax a Deo Patri nostro, et Domino Jesu Christo* (Rom. 1, 7): sic in Actibus apostolorum (Cap. x, 4) scriptum est: *Quia et in gentibus gratia sancti Spiritus effusa est*. Unam ergo gratiam sancte Trinitatis accepimus: unde dignum est ut unam gratiarum actionem Patri et Filio et Spiritui sancto, in veritate fidei et cordis simplicitate solvamus. Unam quoque gloriam decantandam Patri et Filio et Spiritui sancto, sicut sancta Scriptura non desinit admonere, sic et omnis et nosse debet et persolvere Christianus. In apostolicis quippe litteris, non solum Patri, verum etiam Domino Jesu Christo, dictam gloriam nihilominus invenimus. Scimus quidem beatum Iulianum apostolum in Epistola sua aixisse: *Ei autem qui potens est conservare vos sine offensione, et constituere ante conspectum gloriae sue immaculatos in lætitia, soli Salvatori nostro Deo, per Jesum Christum Dominum nostrum, honor, potentia, claritas, et potestas ante omne seculum, et nunc, et in omnia saecula saeculorum. Amen.* (Jud., 24, 25). Sed hoc secundum mysterium incarnationis recte accipitur, quo pro nobis et Pontifex et sacrificium factus Dei Filius invenitur. Utriusque enim naturæ, tam divinæ scilicet quam humanæ, in Dei Filio agnoscenda est veritas; ut sine cuiuslibet infidelitatis errore, et Patre minor Filius, et Patri recte cognoscatur æqualis. Unde beatus Petrus gloriam Christo dicit, non solum in hoc tempore, verum etiam in illa aeternitate dicendam, qui hoc sermone secundum sic terminavit Epistolam: *Crescite vero, inquit, in gratia et cognitione Domini nostri et Salvatoris Jesu Christi. Ipsi gloria et nunc, et in diem aeternitatis* (II Petr. iii, 18). Et quoniam unus spiritus fidei datus est apostolis et prophetis (quod beatus Paulus asseverat, dicens: *Habentes autem eundem spiritum fidei, sicut scriptum est: Credidi propter quod locutus sum; et nos credimus, propter quod et loquimur*

(*II Cor. iv, 13*), concordem beatus David proferens in fide et veritate sententiam, dicit: *Confiteantur tibi, Domine, omnia opera tua, et sancti tui benedicant te.* *Gloriam regni tui dicent, et potentiam tuam pronuntiantur.* Ut notam faciant filii hominum potentiam tuam, et gloriam magnificentiae regni tui (*Psal. cxliv, 10, 11, 12*). Et ne putaretur hoc ad personam Filii nullatenus pertinere, alio loco illi Deo dandam gloriam dicit qui super cœlum cœlorum ascendit. Sic enim sit: *Regna terræ, cantate Deo, psallite Domino. Psallite Deo qui ascendit super cœlos cœlorum ad orientem.* Ecce dabit vocem suam vocem virtutis: *date gloriam Deo* (*Psal. lxvii, 33, 34, 35*). In quo loco, si oculos vestros infidelitatis caligo non claudat, necesse est ut recte fidei vobis veritas innescat. Nam quia nos, cum cantamus et psallimus, sicut gloriam Patri, sic Filio gloriam damus; vos autem cum cantatis, non gloriam Patri et Filio, sed gloriam Patri per Filium datis: hoc egit plenus Spiritu Dei propheta sanctissimus, ut et nos cantantes atque psallentes, recte dare gloriam Patri et Filio ostenderet; et vos qui cantantes et psallentes, gloriam Deo qui ascendit **645** super cœlum cœlorum non datis, ingratos contumacesque monstraret. Prævidebat enim beatus David, Deo Patri gloriam non solum a Christianis catholicis, verum etiam ab hereticis decantandam. Illos ergo admonendos corrigendosque curavit, quos sciebat in canticis et psalmis gloriam Filio negatuos.; ideo dicit: *Regna terræ, cantate Deo, psallite Domino. Psallite Deo qui ascendit super cœlum cœlorum ad orientem.* Ecce dabit vocem suam vocem virtutis: *date gloriam Deo.* Tanquam diceret: Scio quia omnes Deo Patri cantatis et psallitis, et cantantes atque psallentes ei gloriam datis; sed psallentes Deo Patri, simul Deo Filio psallite; et Patri gloriam dantes, Deo qui ascendit super cœlum cœlorum gloriam date. Hoc est quod nos facientes, propheticis obedimus oraculis: quod cum vos non facitis, fidei prophetarum contumaciter repugnatis. Certum est igitur non soli Patri gloriam dicendam, sed etiam Filio. Sed ne istis testimoniorum omnino convicti, dicitis quidem dandam esse gloriam Filio, sed non cum datur Patri, etiam in hoc divina vobis resistit auctoritas, que Patri et Filio unam gloriam dici a sanctis angelis demonstrat in celo. Hujus rei testis est beatus Joannes apostolus, qui in Apocalypsi, cum de quatuor animalibus loqueretur, ait: *Et quatuor illa animalia habebant singula alas senas in circuitu; et erant intus plena oculis, neque habebant requiem die et nocte dicentia, Sanctus, sanctus, sanctus Dominus Deus omnipotens, qui fuit, et est, et venturus est.* Et cum darent illa animalia gloriam et honorem et gratiam sedenti in throno, viventi in sæcula sæculorum, statim cadebant in faciem viginti quatuor seniores in conspectu throni: et adorabant viventem in sæcula sæculorum, mittentes coronas suas ante thronum, et adorantes viventem in sæcula sæculorum, dicentes: *Dignus es, Domine Deus noster, accipere gloriam et honorem et potestatem;* quoniam tu creasti omnia, et ex tua ratione sunt constituta (*Apoc. iv, 8 et seq.*). Hic tu

A forsitan respondebis, ista omnia de Patris tantum accipi debere persona. Ubi primum considerare debes illud quod legimus a quatuor animalibus dictum, *Qui fuit, et est, et venturus est,* magis Filio quam Patri competere. Filium enim venturum, et Veteris et Novi protestatur series Testamenti. Ibi autem dicitur, *Et cum darent illa animalia gloriam et honorem et gratiam sedenti in throno, viventi in sæcula sæculorum.* Sedere autem in throno Filium nullatenus negas, cui beatus David dicit, *Thronus tuus, Deus, in sæculum sæculi* (*Psal. xliv, 7*). Viventem quoque in sæcula sæculorum Filium si hic appellatum negare velis, ipsius Filii sermone convinceris, qui eidem beato Joanni dixit: *Noli timere. Ego sum primus et novissimus, et virus qui fui mortuus: et ecce sum vivens in sæcula sæculorum* (*Apoc. i, 17, 18*). Quod si adhuc existimas repugnandum, et non vis hoc dictum esse de Filio, audi quid in subsequentibus idem beatus Joannes apostolus dicat: *Et vidi, inquit, et audivi velut vocem multorum angelorum in circuitu throni, et in circuitu animalium, et circa seniores.* Et erat numerus eorum millia millium, dicentium voce magna: *Dignus est Agnus qui occisus est accipere potestatem, et divitias, et sapientiam, et fortitudinem* **646**, *et honorem, et gloriam, et benedictionem.* *Et omnem creaturam quæ est in cœlis, et in terra, et subterraneis, et quæcumque sunt in eis, omnia audiri dicentes:* *Sedenti in solio, et Agno benedictio, et honor, et gloria, et potestas in sæcula sæculorum.* *Et quatuor animalia dicebant: Amen* (*Apoc. v, 11 et seq.*). Saltem nunc, Fabiane, cognosce quantæ impietatis sit, non solum apostolicis, verum etiam angelicis vocibus reluctari. Audi millia millium dicentium voce magna: *Dignus est Agnus qui occisus est accipere potestatem, et divitias, et sapientiam, et fortitudinem, et honorem, et gloriam, et benedictionem.* *Et omnem creaturam quæ est in cœlis, et in terra, et subterraneis, et quæcumque est in mari, et quæcumque sunt in eis.* Et ne putes, seorsum Patri et seorsum Filio, vel gratias agi debere, vel gloriam dici, audi quid continuo beatus Joannes adjunxit: *Omnis, inquit, audiri dicentes: Sedenti in solio, et Agno benedictio, et honor, et gloria, et potestas in sæcula sæculorum.* *Et quatuor animalia dicebant: Amen.* Ecce testimonio devotionis angelicae cognoscitur debere dici gloriam Patri et Filio, debere gratias agi Patri et Filio, debere etiam unam potestatem dici Patri et Filii. Simil etiam omnes beatus Joannes dicentes audivit, *Sedenti in solio, et Agno benedictio, et honor, et gloria, et potestas in sæcula sæculorum.* Isto autem sermone, quo additum est, *In sæcula sæculorum,* evidenter ostensum est, illos angelorum Dei æternæ societate, ac beatitudine potitos, qui Patris et Filii unum honorem agnoscent, unam Patri et Filio gratiarum actionem persolvunt, unam Patri et Filio gloriam cantant, unam Patris et Filii prædicant potestatem. Hæc enim omnia qui in hoc sæculo simul Patri et Filio dare noluerit, omnium angelorum, illa quæ supra memorata sunt in sæcula sæculorum dicentium consorlio non bærebit. Neque enim aliud

in illa æternitate dictuti sunt omnes, de quibus beatus David dicit Deo : *Altaria tua, Domine virtutum, Rex meus, et Deus meus. Beati omnes qui habitant in domo tua, in sæcula sæculorum laudabunt te* (Psal. lxxxiii, 4, 5). Cum enim æquales angelis Dei erunt (Luc. xx, 36), certum est eos hoc esse dicturos in sæcula sæculorum, quod in laudem Dei semper sancti angeli dicunt. Ne quis autem putet, aliam laudem Patris esse, aliam Filii, idem beatus Joannes de his qui in illa cœlesti Hierusalem superna, quæ domus Dei est, habitant, et in secula sæculorum laudabunt Deum, in libro memorato sic dicit : *Post hæc ridi turbam multam, quam dinumerare nemo poterat, ex omni genere, et ex omni tribu, et populo, et lingua, stantes in conspectu throni, et in conspectu Agni : et erant amicti stolis albis, et palmae fuerunt in manibus eorum ; et magni clamore dicebant : Salus Deo nostro sedenti super thronum, et Agno* (Apoc. vii, 9, 10). Ubi Deum Patrem, et Agnum, unum esse Deum continuo secutus est, dicens : *Et omnes angeli qui stabant in circuitu throni, et circa seniores, et circa quatuor animalia, mox cederunt in faciem suam ante conspectum throni, et adoraverunt omnes dicentes : Amen. Benedictio et gloria, et sapientia, et gratiarum actio, et honor, et virtus, et fortitudo Deo nostro in sæcula sæculorum* (Ibid., 11, 12). Nonne quod superius dixerant, *Sedenti in solio, et Agno benedictio, et honor, et gloria, et potestas in sæcula sæculorum* ; et *quatuor animalia dicebant, Amen* ; hoc nunc idem omnes angeli sub unius Dei professione, ipsum Deum adorantes firmasse cognoscuntur? Attende enim quid dixerint; imo quid dicant intente considera : *Benedictio, et gloria, et sapientia, et gratiarum actio, et honor, et virtus, et fortitudo Deo nostro in sæcula sæculorum. Amen*. Hæc autem omnia superius iidem omnes angeli Agno danda esse dixerunt, quorum hæc vox magna est, *Dignus est Agnus qui occisus est accipere potestatem, et diritas, et sapientiam et fortitudinem, et gloriam, et benedictionem* : quæ cuncta Deo continuo dederunt, dicentes, *Sedenti in solio, et Agno benedictio, et honor, et gloria, et potestas in sæcula sæculorum*. Quos eadem rursus sub unius Dei nomine dedisse cognosce, quandoquidem adoraverunt Deum, dicentes, *Amen. Benedictio, et gloria, et sapientia, et gratiarum actio, et honor, et virtus, et fortitudo Deo nostro in sæcula sæculorum*. Amen. Attende ista tria loca, et invenies veritatem nostræ fidei angelica devotione firmari. Prius enim honor, et gloria, et benedictio, et potestas, ab omnibus angelis danda esse dicitur Agno, id est Filio; deinde ab omnibus benedictio, et honor, et potestas una datur sedenti in solio, et Agno : quod quid est aliud quam Patri et Filio? Post hæc, benedictio, et gloria, et sapientia, et gratiarum actio, et honor, et virtus, et fortitudo dantur uni Deo, quæ superius data sunt sedenti in solio, et Agno, id est, Patri et Filio. Agnosce igitur, et gloriam dandam esse Filio, et unam gloriam simul dandum Patri et Filio, et unum Deum nostrum esse Patrem et Filium. Hoc enim jugiter canit illa quæ sursum est Hierusalem libera, quæ est mater nostra

A (Gal. iv, 26) : cuius pars quæ hujus sæculi peregrinatione laborat, propterea ad illum ejus delectabilem vultum, dulceque consortium recto cursu nititur; quia illam matrem non solum in bonis operibus, verum etiam in istis laudibus imitatur. Hoc ista cantans ambulat in fide, quæ illa cantans requiescit in specie. Hoc ista pars illius Ecclesie cantans viatico pane reficitur, cujus illa Hierusalem jugi atque indefessa plenitudine satiatur. Quomodo autem se filiam sanctæ cœlestis Hierusalem credere vel dicere audet illa Ecclesia, quæ dicendum a se non putat in terris, quod illa sancta mater dicere non cessat in cœlis? Aut quomodo communem cum ea poterit habere beatitudinem, cum qua ipsius Dei non communicat laudem? cum utique nullatenus illius sanctæ Hierusalem possit adipisci consortium, quisquis nunc ejus non imitatur obsequium; cum ipsa militia cœlestis, nato secundum carnem Filio, non aliud in terris cantaverit quam, *Gloria in excelsis Deo* (Luc. ii, 14). Si quis autem querit, cui Deo, illa statim angelica multitudo respondet, *Sedenti in solio, et Agno*. Hoc ab angelis dicitur in excelsis, hoc in terris cantatur ab hominibus bonæ voluntatis; ut ostenderetur unus idem ipse Christus, cui et ab angelis dicitur, *Gloria in excelsis Deo*, et qui factus est in terra pax hominibus bonæ voluntatis. *Ipsæ est enim pax nostra, qui fecit utraque unum* (Ephes. ii, 14). Ab ipso quem habemus pacem, accepimus bonam voluntatem, per quam dono gratuitæ justificationis, **648** Patri et Filio et Spiritui sancto uni Deo gloriam dicimus, ut ad angelorum consortium pervenire possimus: ubi munere glorificationis accepto, gloriam sedenti in solio, et Agno Deo nostro in sæcula sæculorum dicere valeamus. Neminem autem moveat, quod in his omnibus nihil dictum est de Spiritu sancto. Evangelica quippe doctrina, quidquid servitutis exhibendum præcipit Patri et Filio, simul exhibendum ostendit et Spiritui sancto. Quid Salvator noster uno præcepto monstravit, dicens : *Ite, docete omnes gentes, baptizantes eos in nomine Patris et Filii et Spiritus sancti* (Matth. xxviii, 19). Quod utique dicens, insinuavit eidem Trinitati simul a nobis deberi omnem religiosum obsequium, in cuius nomine creditibus et baptizatis confertur salvationis exordium. Maxime tamen et in illo loco Isaiae prophete, una gloria Trinitatis agnoscat, in quo Seraphin clamant, *Sanctus, sanctus, sanctus Dominus Deus Sabaoth* (Isai. vi, 3); ubi Trinitatem, unum Dominum Deum ostendunt, continuoque subjungunt, *Plena est omnis terra gloria ejus*. Tale nobis aliquid etiam David beatus insinuans, canit : *Vox Domini præparantis cervos, et revelabit condensa, et in templo ejus omnes dicent gloriam* (Psal. xxviii, 9). Templum vero non solum Patris et Filii, verum etiam Spiritus sancti nos esse, sicut in hoc opere jam memoravimus, apostolica confirmat auctoritas. Dicit enim beatus Paulus : *Nescitis quia membra vestra templum est in vobis Spiritus sancti, quem habetis a Deo* (I Cor. vi, 19)? Quomodo ergo fieri potest, ut gloria, quæ in templo sancti Spiritus dicitur, ipsi sancto Spiritui nou.dicatur? cum profe-

cto quidquid ad laudandum Deum in templo Dei dicatum fuerit, ab ipso Deo, cuius templum est, alienum esse non possit. Hoc itaque dixit beatus David, ut ipsa Trinitas, cui gloria in templo ejus dicitur, unus naturaliter esse Dominus agnoscat. Quod ut plenius noveris, laudes divinas in Psalmis aspice, et in libro Danielis prophete, trium puerorum benedictiones diligenter attende (*Dan. iii, 57 et seq.*); et cum inter universa quæ facta sunt, nullatenus inveneris Spiritum sanctum nominari, agnosce Spiritum sanctum creatorem esse, non creatum; factorem omnium rerum esse, non factum: et ex hoc intellige unum cum Patre et Filio naturaliter esse Dominum Deum. In Psalmis enim, ubi ad laudandum Dominum omnia quæ facta sunt convocantur, ab angelis incipitur, id est ab ipsa sapientia de qua scriptum est: *Prior omnium creata est sapientia, et intellectus prudentiae ab aero* (*Ecclesi. i, 4*); et de qua paulo post dicitur, *Ipse creav' illam Spiritu sancto* (*Psalm. cxlviii, 1*). Dicit autem beatus propheta: *Laudate Dominum de cælis, laudate eum in excelsis;* et incipiens ab ipsa prima et precipua creatura, supra quam sola naturaliter est substantia Creatoris, angelos ponit in hujus laudationis exordio, dicens (v. 2): *Laudate eum, omnes angeli ejus, laudate eum, omnes virtutes ejus;* deinde dicit (v. 3, 4): *Laudate eum, sol et luna. Laudate eum, omnes stellæ et lumen. Laudate eum, cæli cælorum, et aquæ quæ super cælos sunt laudent nomen Domini:* causaque hujus laudationis ostendens ait (v. 5): *Quoniam ipse dixit, et facta sunt: ipse mandavit, et creata sunt.* Hæc itaque omnia ideo dicuntur Dominum debere laudare, quoniam ab ipso **649** facta sunt. Quod si factus esset etiam Spiritus sanctus, in illo laudationis ordine, ante angelos et virtutes propheticæ poneretur eloquio. An hoc vobis placet, ut Spiritus sanctus, qui secundum vestram sententiam factus per Filium dicitur, sine divinæ laudationis obsequio relinquatur? et ille qui a vobis assuritur per Filium cæteris creaturis potius factus, laudantibus creatorem cunctis, sine laude perseveret ingratus? et ab ipso Dominus non laudetur, in quo, secundum credulitatem vestram, creator ejus magis laudabilis invenitur? Benedictiones quoque trium puerorum, sicut superius dixi, prudenter attende: in quibus primitus ita ipse factor omnium rerum benedicatur, ut ei dicatur: *Benedictus es, Domine Deus patrum nostrorum, et laudabilis, et gloriosus in sæcula* (*Dan. iii, 52*). Ecce, tres illi tanquam ex uno ore, Dominum Deum et benedicere et laudare et glorificare non desinunt. Ubi solum Patrem intelligi Scriptura divinæ non permittit auctoritas; primitus enim ab illis tribus pueris ponitur: *Benedictum nomen glorie tuæ, quod est sanctum, et laudabile et gloriosum in sæcula* (*Ibidem*); istud autem nomen sanctum, non solius Patris, sed unum naturale nomen est Trinitatis: quod superius est a nobis sancti Iacob testimonio demonstratum, qui Seraphin ad invicem sic clamare coenobiorum: *Sanctus, sanctus, sanctus Dominus*

A *Deus Sabaoth; plena est omnis terra gloria ejus* (*Isa. vi, 3*). Quod si hoc nomen, quod est sanctum, non unum esse sanctæ Trinitatis asseras, restat, hoc nomen sanctum soli sancto Spiritui (velis, nolis) assignare cogaris: ipse enim in Trinitate proprie Spiritus sanctus dicitur; quamvis et Pater et Filius secundum rectam fidem et Spiritus et sanctus naturaliter non negetur. Unde beatus Apostolus unum sciens nomen esse sanctum Patris, et Filii, et Spiritus sancti, in ipso fideles sanctificari testatus est dicens: *Sed ablati estis, sed justificati estis, sed sanctificati estis in nomine Domini nostri Iesu Christi, et in Spiritu Dei nostri* (*I Cor. vi, 11*). Recole igitur in quo nomine sanctum baptismum detur, et invenies quoniam in nomine Patris, et Filii, et Spiritus sancti unusquisque justificatur et sanctificatur, quisquis in eodem nomine recte credens, in unam substantiam Trinitatis abluitur. Unde unum nomen sanctum Patris, et Filii, et Spiritus sancti naturaliter esse cognoscit, quisquis in eodem nomine conferri (*Florus, confiteri*) donum veræ sanctificationis intelligit. Dicit deinde in benedictionibus: *Benedictus es in templo sancto glorie tuæ, et laudabilis et gloriosus in sæcula* (*Dan. iii, 53*); templum autem nos esse, non solius Patris, sed ipsius sanctæ Trinitatis, jam in hoc opere sanctarum Scripturarum attestatione sufficienter ostendimus. Trinitas est igitur unus Dominus Deus, benedictus et laudabilis, et gloriosus in sæcula: quem in templo sancto glorie ejus illi veraciter benedicunt, qui se unum templum esse sanctæ Trinitatis agnoscunt. Deinde ab illis tribus pueris dicitur: *Benedictus es, qui vides abyssos, sedens super Cherubim, et laudabilis, et gloriosus in sæcula* (*Ibid., 55*). Et Pater autem, et Filius, et Spiritus sanctus ita totum æqualiter videt, sicut totum ipsa Trinitas replet. Nec Filio igitur, nec Spiritui **650** sancto abyssorum visio denegatur; quoniam ipsa sancta Trinitas simul omnia in cœlis et in terra, visibilia et invisibilia, omnipotentiæ naturalis agnitione complectitur: et in eo omnia manifestissima visione cernit, quia plenitudine scientie sue sicut preterita et presentia, sic etiam futura universa cognoscit. Cum vero deinde in benedictionibus dicitur: *Benedictus es supra sedem regni tui, et laudabilis, et gloriosus in sæcula* (*Ibid., 54*), quis ita desipiat, ut ab hac benedictione Filium aut Spiritum sanctum separare contendat? cum beatus Isaías unam esse sedem sanctæ Trinitatis insinuet, dicens: *Vidi Dominum sedentem super solium excelsum et elevatum* (*Isa. vi, 1*). Quem Dominum, clamantibus ad invicem Seraphin, ita prædicti commemorat: *Sanctus, sanctus, sanctus Dominus Deus Sabaoth; plena est omnis terra gloria ejus.* Ipsum ergo et unum Dominum in uno throno sedentem propheta cognovit, in sacramento Trinitatis tertio vocari sanctum, et semel dici Dominum Deum, revelatione gratiae spiritualis audivit. Inde est quod unum regnum unamque sedem Patris et Filii apostolica prædicare non cessat auctoritas. Beatus enim Paulus, unum regnum Filii

* Florus legit, *Spiritum ergo ... quem in sacramento, etc.*

et Patris ostendens, ait : *Hoc enim scitote intelligentes quod omnis fornicator, aut immundus, aut avarus, quod est idolorum servitus, non habebit hereditatem in regno Christi et Dei (Ephes. v, 5).* Sedem quoque unam esse sanctus Joannes in Apocalypsi evidenter ostendit, dicens de angelo a quo sibi sanctam civitatem testatur ostensam : *Et ostendit mihi flumen aquæ vivæ candidum quasi crystallum, exiens de sede Dei et Agni. Per medianam plateam ejus, ex utraque parte fluminis, lignum vitæ, afferens duodecim fructus, per singulos menses reddens fructum suum, et folia ligni in curationem gentium. Neque ullum jam maledictum erit, et thronus Dei et Agni in ea erit (Apoc. xxii, 1, 2, 3).* Trinitas igitur unus Deus intelligendus est in illa triu[m] puerorum benedictione, ubi dicitur : *Benedictus es supra sedem regni tui* : quia sicut una sedes, sic unum regnum est Patris et Filii et Spiritus sancti. Illud deinde quod, infertur : *Benedictus es in firmamento cœli, et laudabilis et gloriösus in sæcula (Dan. iii, 56)*, quis non videat in laudem Trinitatis dictum? quandoquidem ipsum firmamentum cœli, unum opus est Trinitatis ; Verbo, enim Domini cœli firmati sunt, et Spiritu oris ejus omnis virtus eorum (Psalm. xxxii, 6). Ut autem Dominum Deum patrum nostrorum, non solum Patrem, nec solum Filium, nec solum Spiritum sanctum, sed simul sanctam Trinitatem, unum Dominum Deum ab omnibus operibus suis benedicendum, laudandum, et glorificandum tres illi viri ostenderent, vide unde divinorum operum initium sumpserint : dicentes enim, *Benedicite, omnia opera Domini, Dominum (Dan. iii, 57)*, ostenderant non debere inter opera Domini computari quocunque in his operibus quæ hic comprehenduntur non poterit inveniri. Deinde omnia pro rorsus quæ sunt opera Domini Dei, ad obsequium debitæ benedictionis creatori Deo reddendum, hoc invitare cognoscuntur exordio : *Benedicite, cœli, Dominum (v. 59)*; *Benedicite, angelii, Dominum (v. 58)*; *Benedicite, aquæ omnes quæ super cœlos sunt, Dominum (v. 60)*, *Benedicite, omnes virtutes Domini, Dominum (v. 61)*, et cetera, sive quæ in 651 cœlis, sive quæ in terra sunt, visibilia et invisibilia : in quibus tamen omnibus operibus Domini non invenitur Spiritus sanctus ; quem utique si oporteret inter divina opera depudari, nec angelica, neque alia qualibet ante illum creatura debuerat nominari. Quid est ergo, quod Spiritus sanctus nec inter omnia quæ a Domino facta sunt, Dominum laudat, nec Deum inter omnia ejus opera benedicit? An forte prophetis subrepsit oblivio, ut Spiritus sancti non meminissent, cum ad laudandum Dominum omnia quæ a Domino facta sunt, et ad benedicendum Dominum omnia opera Domini

A convocasset? sed hoc quemquam beatus Petrus credere non permittit, dicens : *Non enim voluntate humana allata est unquam prophetia, sed Spiritu sancto acti locuti sunt sancti homines Dei (II Petr. i, 21)*. Alio quoque loco de iisdem prophetis haec memorat : *Scrutantes in quibus vel quale tempus significaret qui in eis erat Spiritus Christi (I Petr. i, 11)*. Proinde Spiritus sanctus, quo utique acti locuti sunt sancti homines Dei, si se non factorem, sed factum sciret, et si se non operatorem Deum, sed opus Dei esse cognosceret, ante illa omnia quæ facta sunt, et quæ opera Domini nominantur, seipsum primitus sine dubio posuissest, ut ab ipso, in quo excellentia divini operis esset præ angelis agnoscenda, operatori Deo laus præcipua redderetur. Hoc autem ideo non sit, quia unus est Deus creator omnium rerum, Pater et Filius et Spiritus sanctus : qui ab omnibus quæ fecit, ideo digne laudatur, et ab omnibus operibus suis nihilominus benedicitur, quia ipse creator atque operator rerum omnium Deus Dominus invenitur. Una ergo benedictio, una laus, una glorificatio, uni Deo Trinitati debetur ab omnibus operibus ejus; quia Pater et Filius et Spiritus sanctus, solus Deus factor omnium invenitur esse, non factus, et solus Deus creator est, non creatus.

FRAGMENTUM XXXV.
Pater non est auctor totius Trinitatis, sed tantum Filius et Spiritus sancti.

Quis autem illam tui mendacil non detestetur inieptiam, qua me consurgis Deum Patrem totius Trinitatis auctorem, in illis gestis falsis atque fallacibus nuncupasse? Quod utique tantum est a fide veritatis alienum, quantum est sanctæ religioni contrarium. Deus quippe Pater non est auctor Trinitatis, sed auctor est Filius et Spiritus sancti, in eo quod de illo natus est Filius, et de illo procedit Spiritus sanctus. Nam quisquis recte intelligit auctoris vocabulum, relationis nomen inveniet, non naturæ. Auctor enim nemo 652 esse dicitur sibi, sed alteri : unde non ad se ipsum, sed ad alterum auctor veraciter nuncupatur. Nemo autem quolibet relativo nomine sic potest ad suam sicut ad alterius referri personam : quod enim ad suam quisque personam dicitur, secundum relationem dici nullatenus invenitur. Deus itaque Patrem, non totius Trinitatis, sed Filius et Spiritus sancti fatemur auctorem : de quo habet, et unigenitus Filius æternæ nativitatis, et Spiritus sanctus æternæ processionis originem. Unitas autem naturalis, creatorem Filium de creatore Patre naturali nativitate insinuat existisse, et creatorem Sp[iritu]m sanctum de Patre Filioque procedere.

EX LIBRO X. QUI DEFENSIONEM CONTINET SYMBOLI APOSTOLORUM ADVERSUS ARIANOS.

FRAGMENTUM XXXVI.

Quid Symbolum. Ad usum ejus legitimum necessarius est rectus credentis animus. Quod in eo Pater et omnipotens et creator dicitur, hoc de tota Trinitate intelligendum est. Immortalis est et invisibilis Tri-

nitas alia ratione quam angelus vel anima hominis. Enarrantur omnes Symboli articuli.

Christianæ fidei Symbolum (quod Graeco eloquio et pactum solet et collatio nuncupari) sancte quidem, recteque, et omnino sapienter secundum regulam

veritatis est ab apostolis ordinatum. Dominus enim, qui verbum consummans et brevians fecit super terram, sicut in brevitate consummatum omnia præcepta legis (*Rom. ix, 28*), dicens, in illis duobus præceptis dilectionis Dei et proximi totam legem prophetasque pendere (*Matth. xxii, 40*); sicut etiam in orationis brevitate perfecit, quidquid ad presentis vita auxilium, et ad futuræ pertinebat effectum; sic etiam in Symbolo brevitate, perfectum voluit per apostolos suos fidei sanctæ ordinari tenorem, qui recte credentibus proficeret ad salutem. Est autem Symbolum quoddam verum pactum veraque collatio in cuius brevitate totius credulitatis Christianæ summa consistit. Ubi tamen necessarius est rectus creditis animus, ne quod audit' ad salutis effectum, ipse sibi velit ad mortis retorquere supplicium. Nam bona est et lex, st̄ quis ea legitime utatur (*I Tim. i, 8*). Quapropter inaniter tibi visum est, male intelligendo, ad tuum sensum velle rectitudinem Symboli retorquere, et inde prescribere sanctæ fidei catholice, quia in Symbolo non omnia dicta sunt de Filio, quæ sunt dicta de Patre: cum utique propterea plenitudo divinitatis, quantum oportebat debuerit in origine commendari, quia non debuit aliter in prole cognosci. Cum enim quisque se dicit credere **653** in Deum Patrem omnipotentem, hoc ipsum quod in Deum Patrem dicit, sicut in eo veritatem naturalis divinitatis, ita veritatem naturalis quoque paternitatis, et ex hac veritatem naturalis etiam generationis ostendit. Nec enim Deus Pater naturaliter Deus est, et Pater naturaliter non est, cum utique naturalis in eo sit, et divina paternitas et paterna divinitas. Totum igitur in se habet illa generatio divina; quidquid in se habet Dei Patris æterna substantia. Prōinde sufficiebat ut diceretur de Patre solo quidquid æqualiter intelligendum esset in Filio. Pater enim sic omnipotens; sic universorum creatorem, sicut ipse universorum creator est; sic Regem sæculorum, sicut ipse Rex sæculorum est; sic immortalis et invisibilis. Omnia igitur quæ Deo Patri dantur in Symbolo, ipso uno Filii nomine naturaliter tribuuntur et Filio. Nam universorum creator est Pater, sed omnia per Verbum facta sunt, et sine ipso factum est nihil (*Joan. i, 3*); et: In ipso creata sunt universa in cælis et in terra, visibilia et invisibilia: sive Throni, sive Dominationes, sive Principatus, sive Potestates, omnia per ipsum et in ipso creata sunt, et ipse est ante omnes, et omnia in illo constant (*Coloss. i, 16, 17*). Unus est itaque Deus Pater, ex quo omnia, et nos in ipsum; et unus Dominus Jesus Christus, per quem omnia, et nos per ipsum (*I Cor. viii, 6*). Rex sæculorum est Pater, sed non minus Rex invenitur et Filius, cui dicit Prophetæ: Regnum tuum, regnum omnium sæculorum (*Psalm. cxliv, 13*). Immortalis vero et invisibilis simul est ipsa Trinitas, qui est unus, verus, et bonus Deus: non utique sic immortalis atque invisibilis, sicut est anima humana vel angelus. Deus enim in eo maxime invisibilis dicitur, in quo nisi per gratiam non vide-

A tur. Nullus enim creatus spiritus, Patrem et Filium et Spiritum sanctum propria facultate videt, si hoc Deus ipse non donet. Necesse est autem ut non corpore, sed spiritu Deus Trinitas videatur, si hoc bonitatis suæ munere largiatur: alioquin quoniam verum erit quoniam angeli sancti semper vident faciem Patris? et: Beati mundo corde, quoniam ipsi Deum videbunt (*Matth. v, 8*)? Angelos igitur et anima rationalis, quoniam spiritus sunt a Deo creati, non possunt oculis videri corporeis; Trinitas autem, qui est Deus universorum creator, et vere invisibilis, procul dubio si ab eo gratia non donetur, etiam cordis oculo non videtur. Deus enim lux est vera quæ illuminat omnem hominem venientem in hunc mundum (*Joan. i, 9*): gratis itaque illuminando confert emundationem, ut videndi tribuat facultatem. Immortalis quoque non eo modo Deus dicitur, quo vel anima vel angelus invenitur: quoniam et in angelo etsi non est naturalis extincio, potest tamen naturalis inveniri mutatio: illa vero natura recipit ex mutabilitate quamdam mortem, quæ recipit qualitatem. Nos autem Deum sine qualitate dicimus bonum, cui non est aliud Deum esse, aliud bonum esse: unde, cum bonitatem dicimus, ipsam divinitatem ejus ostendimus; et cum divinitatem dicimus, bonitatem sine dubio demonstramus. Deus ergo noster in eo vere immortalis agnoscitur, **654** in quo naturaliter non mutatur: quod nulla creatura potuit aut potest habere per naturam, quamvis hoc quedam cognoscitur accepisse per gratiam. Omnis quippe res quam Deus fecit, originem dicit ex nihilo: unde consequenter agnoscitur a certo initio coepisse esse, et priusquam esse inciperet, non fuisse. Unde hoc habet omnis res cuius non est una cum Deo Patre natura, ut per se metipsam mutabilitati subjaceat: incommutabilitatem vero, illius naturæ dono consequatur, in qua naturalis incommutabilitas invenitur. Sola vero est natura Trinitatis quæ naturaliter mutari non possit, quia natura esse non coepit: in omni autem substantia quæ cum Deo Patre non est unius ejusdemque naturæ, sicut origo ex nihilo ducta cognoscitur, ita naturalis mutabilitas invenitur. Quam mutabilitatem sola Trinitatis divina natura non habet, quæ esse nec coepit, et quæ omnia quæ fecit, ex nihilo fecit: quæque prop'era in se tantummodo credi voluit, quia sic sola sufficit ad renovationem humanæ naturæ, sicut ad creationem omnium rerum sola sibi naturali virtute ac bonitate sufficit. In illam igitur naturam sanctæ Trinitatis justè ac salubriter credimus, quam et omnipotentem, et rerum omnium creatricem, et regem, et regnum omnium sæculorum singulariter possidentem, et invisibilem corporibus atque spiritibus per naturam, visibilem vero spiritibus justis per gratuitam gratiam, immortalē quoque per æternitatem naturalis incommutabilitatis agnoscimus. Quapropter eum hæc omnia commemorationentur in Patre, in quo principaliter commendanda erat divina natura, sufficit Filium ejus unicum Dominum nostrum Jesum Christum deinde nominari, quandoquidem ipso unicet Filii vocabulo, plena inve-

nitur Patris et Filii naturalis significata communio. Alterius autem omnipotentiae, dominationis, immortalitatis atque invisibilitatis, Jesus Christus digne crederetur, si non Dei Patris unicus Filius diceretur : unicus autem dicitur, quia solus verus est Filius : solus est autem verus Filius, quia de natura Patris solus est natus. Veritas itaque nativitatis illius, naturalem plenitudinem de Patre demonstrat in Filio, in quo ex naturali generatione, paternae naturae permanet plenitudo. Conguebat autem nostrae fidei ac saluti, non solum creationis, verum etiam redemptio-
nis mysterium confiteri. In omnibus enim quae superius de Patre dicta sunt, praedicata est majestas ejus qua nos fecit, sed non est ostensa bonitas qua redemit : et quoniam hoc collatum est nobis, dignum fuit ut sufficiente solo Filii nomine ad demonstrationem majestatis divinae qua creati sumus, deinde ^a verbum crucis, quod pereuntibus quidem stultitia est, his autem qui salvi sunt virtus Dei est (*I Cor. 1, 18*). Quo magis ad credendum difficile videbatur. Difficile quippe non fuit credere Filium unius nature cum Patre, et ex hoc omnia quae memorata sunt, unitate naturali cum genitore genitum possidere : et ob hoc, ad sapientiam mundi penitus destruendam, quia Christus crucifixus Iudeis quidem scandalum est, gentibus autem stultitia, ipsis vero vocatis Iudeis atque Graecis, Christus Dei virtus et Dei sapientia (*I Cor. 1, 23*) ; ob hoc fuit intentius et penitus inculcandum, Deum verum, Dei Patris omnipotens, immortalis, et invisibilis proprium **655** atque unigenitum Filium, etiam natum de Spiritu sancto ex Virgine Maria, quod nihil est aliud quam de gratia Dei, et ex utero virginali. Quid autem mirabilius ac salubrius, quam cognoscere Deum unigenitum, de natura Patris sine initio natum, et Patri Deo naturaliter coeternum, non sue utilitatis, sed nostrae salutis obtenu factum esse quod fecit; creatumque mirabiliter ac misericorditer, ut redimeret quod creavit? Verum quia idem proprius atque unicus Dei Patris, simul naturam nostram pœnamque suscepit, qui veritatem in se animæ humanæ sic demonstravit et carnis, ut veritatem tristitiae suscepisset et mortis; unde ait : *Tristis est anima mea usque ad mortem* (*Math. xxvi, 33*); propterea in Symbolo ipsum unicum Dei Filium, quem de Spiritu sancto et Maria Virgine natum fatemur, crucifixum quoque dicimus et sepultum : ut in eo simul agnoscatur veritas utriusque naturæ, quem sicut verum Deum ostendit divinitatis æternae majestas, ita verum hominem docet divinae benignitatis humilitas. Deus quippe ille qui est de Patre creator omnium rerum, factus est de Virgine mediator Dei et hominum. Ipse autem mediator non fieret, si in se uno veritatem paternæ materuæque substantiæ non haberet. Sicut enim in eo sumus reconciliati per mortem Filii ejus, quia ille mediator veram in se habuit carnem, secundum quam susciperet veram mortem; sic in eo nobis beneficium contulit veræ reconciliationis, in quo est illi cum

A Patre una divinitas naturalis. Christus enim, qui veritas est, sicut est verus homo de natura matris, sic verus Deus est etiam de substantia Patris : cui sic non est diversitas divinae naturæ cum Patre; sicut non est naturalis diversitas animæ carnisque cum Virgine. Proinde, quia mortem veritatem carnis accepit, quam veritate divinitatis absorbuit, ideo fatemur quia sepultus, die tertia resurrexit. Hoc enim ad confirmationem spei nostræ operata est divina benignitas, ut in quo vincebatur mortis nostræ supplicium, in ipso refuleret nostræ resurrectionis exemplum : et quia *Christus resurgens a mortuis jam non moritur, et mors ei ultra non dominabitur* (*Rom. vi, 9*); sicut nunquam morietur Christi caro vera, ita nostra quoque corpora resurrectionis æternitate credamus sine fine victura. Deinde autem saltem Christum ascendisse in cœlum, et inde venturum judicare vivos et mortuos : *Pater enim non judicat quemquam, sed omne iudicium dedit Filio, ut omnes honorificant Filium sicut honorificant Patrem* (*Joan. v, 22*). Proinde unus est honor Patri et Filio deserendus, quia Pater, qui non judicat quemquam, sed omne iudicium dedit Filio, unum demonstravit esse suum Filiique iudicium : quod ideo Filio dedit, ut omnes honorificant Filium sicut honorificant Patrem. Ad removendam quippe differentiam honoris, ostensa es̄i unitas judicariæ potestatis : ut scilicet Filio, cui a Patre datum oīne iudicium novimus, æqualem simul cum Patre honorificantiam deferamus; nec separaremus honoris obsequium, ubi separatum iudicium non videmus. Explata

C vero confessione veræ divinitatis, veræque humanitatis unici Filii Dei, confitemur nos credere in Spiritum sanctum, qui est unus Spiritus Patris et Filii, de Patre Filioque procedens, in Patre Filioque **656** naturaliter (*al. fideliter*) manens : de Patre ac Filio habens divinitatis originem, cum Patre ac Filio unius deitatis habens naturaliter veritatem. In Spiritu autem sancto quid amplius ad perfectionem divinae majestatis potuit aut debuit prædicari, quam cum de Spiritu sancto ex Maria Virgine natus Dei Filius dicitur, ipse opifex illius sancti corporis invenitur? In quo ergo digne minor Patre vel Filio dici potest, qui est ipsius unici Filii Dei secundum carneum creator omnipotens? Hæc est Trinitas unus Deus, cuius sacramentum sancto Symbolo continetur, propter quod in

D nomine Patris, et Filii, et Spiritus sancti sanctum baptismum datur. Remissio vero peccatorum, carnis resurrectio, et vita æterna, propterea in Symbolo post commemorationem sanctæ Trinitatis adjungitur, ut illius confessionis utilitas, hujus mercedis subjunctione monstretur. Ad hoc enim utilis est fides Patris, et Filii, et Spiritus sancti, unius scilicet æterni, veri, et boni Dei, ut remissionem peccatorum accipiamus, et in ista carne in qua nunc vivimus resurgentem, in æternum beatæ vivamus. Ipsa est pietas, quæ ad omnia utilis est, promissionem habens vitæ præsentis et futuræ (*I Tim. iv, 8*); præsentis utique bonæ, et futuræ æternæ ac beatæ. Subiungitur autem

^a Videtur hic deesse adderetur.

et sancta Ecclesia, ut agnoscatur quæ sit domus Dei conditoris, æterna civitas Redemptoris : sine cuius societate atque unitate remissio peccatorum non acquiritur, et per resurrectionem carnis non ad æternæ vita gaudia, sed ad æternæ mortis supplicia pervenitur. Proinde illi sanctum Symbolum prodest, qui Patrem et Filium et Spiritum sanctum unum Deum naturaliter credit : ipse enim remissionem accepit peccatorum, et per resurrectionem istius carnis in qua nunc bene vivit, vitam æternam sine dubio possidebit; non autem sic credimus in remissionem peccatorum, in carnis resurrectionem et in vitam æternam, sicut credimus in Spiritum sanctum. Discretione quippe largitoris largitatisque servata, in Patrem et in Filium et in Spiritum sanctum credimus : remissionem vero peccatorum, carnis resurrectionem, et vitam æteruam, a Patre et Filio et Spiritu sancto danda nobis credimus et speramus. Nam ipse Salvator noster, in quo nobis credendum sit, evidenter ostendit, dicens discipulis suis : *Ite, docete omnes gentes, baptizantes eos in nomine Patris, et Filii, et Spiritus sancti* (*Matth. xxviii, 19*). In Patre autem, et Filio, et Spiritu sancto, personarum fuit insinuanda proprietas, ne in Trinitate Deo, in quo una natura saluberrime creditur, una quoque persona permiciosissime crederetur. Miror autem te confiteri quia de Deo nihil aliud nasci poterat nisi Deus; et non attendere, in ipsa natura et nomine Dei omnia illa quæ de Deo Patre dicta sunt contineri. Si enim de Deo nihil aliud nasci poterat nisi Deus, utique de Deo omnipotente nihil aliud nasci poterat nisi Deus omnipotens, de Deo universorum creatore nihil nasci poterat nisi Deus universorum creator, de Deo Rege sæculorum nihil aliud nasci poterat nisi Rex sæculorum, de Deo immortali nihil aliud nasci poterat nisi Deus immortalis, de Deo invisibili nihil nasci poterat nisi Deus invisibilis. Quoniam ergo de Deo natus est Deus, de Patre **657** Filius, de omnipotente omnipotens, de universorum creatore universorum creator, de Rege sæculorum Rex sæculorum, de immortali immortalis, de invisibili invisibilis, quid reliquum est nisi ut Patri Filius per omnia creditur æqualis?

FRAGMENTUM XXXVII.

Pater vere Dominus est, et Christus vere Deus, et tota Trinitas vere Dominus Deus. Quomodo baptizamur in nomine Patris et Filii et Spiritus sancti, et tamen in solo Christi nomine salvamur. An bonus baptimus in nomine Iesu Christi.

Neque enim Symboli tenor soli Patri tribuit deitatem, sed in Deo Patre naturalem Filii et Spiritus sancti ostendit originem: in quo utique demonstranda erat divinitas vera per omnipotentiae nomen, quia Deus non esset, si omnipotens non fuisset: demonstranda erat etiam vera generatio nomine paternitatis, ut Patris et Filii vere significaretur natura communis. Et quia Deo competit naturaliter Dominum esse omnium rerum; in eo quod tenor Symboli Christum dixit Dominum, veraciter insinuavit et Deum. Proprium quippe est ac naturale vero Deo, non aliud esse quam Dominum; et vero Domino, non aliud esse quam Deum. Inde est quod et beatus Pau-

lus apostolus sic ait: *Nobis lamen unus est Deus Pater, ex quo omnia, et nos in ipso; et unus Dominus Jesus Christus, per quem omnia, et nos per ipsum* (*1 Cor. viii, 6*). Ut sicut Deo Patri non ademit jura vera dominationis, sic nec Domino Filio agnosceretur unitatem subtrahere deitatis. Unum enim nobis licet Deum unumque Dominum confiteri. Una est enim dominatio unius divinitatis, et una divinitas unius dominationis, et sic praeter unum Dominum non est alius Dominus, sicut praeter unum Deum non est alius Deus. Unius ergo Dei una dominatio in una ejus divinitate cognoscitur; et unius Domini una divinitas in una ejus dominatione naturaliter inventur. Praeter unum Deum Patrem non est alius Deus, et praeter unum Dominum Jesum Christum non est Dominus alias. Sed nec Deus Pater sine Deo Filio unus est Deus, nec Dominus Christus sine Dominio Patre unus est Dominus. Quia Deus Pater et Dominus Jesus Christus naturaliter unus est Dominus Deus: plenitudinem deitatis naturaliter habens in plenitudine dominationis, et plenitudinem dominationis habens in plenitudine deitatis. Inde est quod beatus David dicit: *Quis Deus praeter Dominum, aut quis Deus praeter Deum nostrum* (*Psal. xvii, 52*)? Tenor igitur Symboli in Patre et Filio unitatem deitatis ac dominationis ostendit, quando et Patrem, quem Deum dixit, non aliud quam Dominum; et Christum, quem Dominum dixit, non aliud quam Deum recte credentibus intimavit. De uno enim Deo **658** Pater natus unus Deus Jesus Christus, non aliud potuit nasci quam Deus: qui tamen unus Dominus naturaliter non esset, si natus de Domino non fuisset. Pater itaque Deus, qui Dominum genuit, verus cognoscitur Dominus; et Christus Dominus de Deo genitus, verus cognoscitur Deus; et Spiritus sanctus, unus idemque Patris et Filii Spiritus, quia unius naturæ est cum Patre et Filio, verus est Dominus Deus. Una quippe illi est naturaliter cum Domino Deo Patre, et Domino Deo Filio, et deitas vera dominationis, et vera dominatione deitatis. Hinc est quod unusquisque catholicus Christianus, cum fuerit interrogatus, utrum Deus Pater Dominus sit, et utrum Dominus Jesus Christus Deus sit, utrumque sine dubio confitetur; nec tamen duorum deorum, aut duorum dominorum, sed unius Domini Dei prædicator veridicus inventur. Quid enim restat illi cui duos deos, aut duos dominos prædicare non licet, nisi ut interrogatus, Deum Patrem et Dominum Christum unum Dominum confiteatur intrepidus? nec aliud utique respondeat de Spiritu sancto, quia unus est Dominus Deus cum Patre et Filio, qui unus est Spiritus Patris et Filii? Quod quisquis verum esse aut negat aut dubitat, necesse est ut aut solum dicat oculendum Deum Patrem, aut seipsum profiteatur creatoris creatureque cultorem. Sed fides Christiana ideo unum Dominum Deum prædicat Patrem et Filium et Spiritum sanctum, quia nec duos vel tres dominos aut deos fas est credere, nec creaturem cum Creatore licet cuiquam colere, nec sine cultura Filii aut Spiritus sancti potest fides Christiana constare. Unus est igitur Deus, et

Dominus omnium rerum , Pater et Filius et Spiritus A sanctus. Deus enim non solius vocabulum Patris, sed unum. communiter naturale nomen est Trinitatis. Ideo Salvator noster præcepit discipulis suis, dicens : *Ite, docete omnes gentes, baptizantes eos in nomine Patris et Filii et Spiritus sancti (Matth. xxviii, 19).* Vide quid respondeas beato Petro, qui in solo Christi nomine sic collocavit humanæ salutis effectum, ut in nullo alio nos assereret posse salvati. In libro quippe Actuum apostolorum, postquam ille sanatus est qui erat claudus ex utero matris sue, cum Petrus et Joannes a principibus sacerdotum interrogarentur, in qua virtute aut in quo nomine hoc fecissent, ita scriptum est : *Tunc Petrus repletus Spiritu sancto dixit ad eos : Principes populi et seniores, si nos hodie dijudicamur in benefacto hominis infirmi, in quo iste salvis factus est; notum sit omnibus vobis et omni plebi Israel, quia in nomine Jesu Christi Nazareni quem vos crucifixistis, quem Deus suscitarit a mortuis, in hoc iste astat coram vobis sanus. Hic est lapis qui reprobatus est a vobis aedificantibus, qui factus est in caput anguli, et non est in alio aliquo salus. Nec enim nomen est aliud sub cœlo datum hominibus in quo oporteat nos salvos fieri (Act. iv, 8 et seq.).* Ecce Petrus repletus Spiritu sancto dicit, sic nos in nomine Christi salvati, ut non sit aliud nomen sub cœlo datum hominibus, in quo oporteat nos salvos fieri. Confer nunc illud præceptum Christi quo præcepit baptizari genites in nomine Patris et Filii et Spiritus sancti, cum isto beati Petri sermone, quo sic in solo nomine Christi **659** salutem humanam commendat, ut omnino neget nomen aliud esse sub cœlo datum hominibus in quo oporteat nos salvos fieri. Confer itaque nunc sermones Christi cum sermonibus Petri; confer doctrinam magistri cum doctrina discipuli; confer quod Petrus audivit a Christo, et quod dixit repletus Spiritu sancto. Christus præcepit in nomine Patris et Filii et Spiritus sancti baptizari; Petrus vero dixit solum nomen Christi datum hominibus in quo oporteat nos salvos fieri. Dic ergo utrum conveniat quod Petrus a Christo audivit, et quod repletus Spiritu sancto prædicavit. Si enim convenit utrumque, necesse est unum nomen esse Patris et Filii et Spiritus sancti, et hoc solum nomen datum hominibus in quo oporteat nos salvos fieri. Si vero istam doctrinam Petri ab illo præcepto Christi dixeris discrepare, hoc tibi reliquum est, ut non tam Petrum quam Spiritum sanctum dicas esse mentitum. Spiritu enim sancto repletus hoc dixit, et ab ipso utique quod prædicaret audivit. Cum autem in mendacio Petri mendacem dixeris Spiritum sanctum, continuo mendacem prædicabis et Christum. Ipse enim Spiritum veritatis a se promisit mittendum esse discipulis, ut eum Spiritum qui illos doceret in omnem veritatem. Quod si eos in aliquod mendacium Spiritus sanctus induxit, non solum ipsum mentitum asseris, qui veritati aliquid contrarium docuit; sed et Christum ne-

cessere est dicas esse mendacem, si non talem Spiritum misit quem promisit. Si enim prædicationem illam beati Petri veracem esse negaveris, ipsum Christum (id est Veritatem) necesse est mendaci fatares auctorem; ipse enim ait, loquens de Spiritu sancto : *Non enim loquetur a semetipso, sed quæcumque audiet loquetur, et quæ ventura sunt annuntiabit vobis. Ille me clarificabit, quia de meo accipiet et annuntiabit vobis (Joan. xvi, 13, 14).* Si de Christo quod diceret Spiritus sanctus accepit, et mendacium dixit, ergo Christus Spiritui sancto mendacium dedit. Sed si hoc a Christo non accepit, sed Spiritus sanctus locutus est a semetipso quod non accepit a Christo, ergo, secundum sententiam tuam, aut sciens aut ignorans mentitus est Christus, qui ait, *Non enim loquetur a semetipso, sed quæcumque audiet loquetur* Sed quia nec Christus potuit mentiri, nec Spiritus sanctus, quia ipsa sancta Trinitas naturaliter una est veritas, quandoquidem sicut veritatem confitetur esse Deum Patrem, sic etiam Filium et Spiritum sanctum naturaliter cognoscimus veritatem; Filius quippe de seipso dicit : *Ego sum via, veritas, et vita (Joan. xiv, 6);* Spiritum quoque veritatis beatus Joannes veritatem esse testatur, dicens : *Et Spiritus est qui testificatur, quia Spiritus est veritas (I Joan. v, 6);* quoniam igitur Pater veritas, et Filius veritas, et Spiritus sanctus veritas, non sunt tres veritates, sed ipsa sancta Trinitas una est naturaliter veritas; et quidquid sancti apostoli docuerunt, plenioritate dixerunt : necesse est ut verum sit et quod Petrum docuit Christus, et quod plenus Spiritu sancto docuit Petrus. Nam, sicut nemo salvatur nisi baptizatus fuerit in nomine Patris et Filii et Spiritus sancti; sic excepto Christi nomine, non est aliud nomen datum hominibus **660** in quo oporteat nos salvos fieri. Unum etsi naturale nomen est Patris et Filii et Spiritus sancti, quod est Deus; et hoc est solum hominibus datum nomen, in quo qui recte credunt, per sacramentum baptismatis pervenient ad salutem. Quapropter si non in uno eodemque nomine, quod est naturaliter Patri et Filio et Spiritui sancto communitate, sanctum baptismum credentes accipiunt; sed (sicut tu putas) in tribus diversis nominibus baptizantur, quando, secundum regulam Christi Salvatoris imperio constitutam, in nomine Patris et Filii et Spiritus sancti qui crediderint baptizantur : responde nobis, utrum subtracto vel Patris vel Filii vel Spiritus sancti nomine, possit in duabus nominibus baptismus datum Christiana firmitate constare. Quod utique nullatenus dicere audebis, quia hoc te dicere prohibebit ipsius sententia Veritatis. Quid igitur restat nisi ut respondeas, illud esse integrum baptismatis sacramentum, quod secundum præceptum Domini datur in nomine Patris et Filii et Spiritus sancti. Nunc veniat in mentem liber Actuum apostolorum, in quo beatus Petrus invenitur dixisse Iudeis : *Penitentiam agite, et baptizetur unusquisque vestrum in*

Ita^a Syrus et Græcus textus, et nonnulli antiqui Patres. In Vulgatis habetur, *Quia Christus est veritas.*

nomine Iesu Christi, in remissionem peccatorum retra-
rum, et accipietis donum Spiritus sancti (Act. ii,
38. Deinde considera quia in eodem continetur
libro, ubi scriptum est: Cum autem audirent apostoli qui erant Hierosolymis, quia receperit Samaria verbum Dei, miserunt ad illos Petrum et Joannem.
Qui cum venissent, oraverunt pro ipsis ut acciperent
Spiritum sanctum. Nondum enim in quemquam illorum
venerat Spiritus sanctus, sed baptizati tantum
erant in nomine Domini Iesu (Act. viii, 14 et seq.).
Item in eodem libro, cum Petrus apostolus missus ab
Spiritu sancto, magnum pietatis praedicaret centuri
oni Cornelio sacramentum, et adhuc eo loquente
super omnes qui audiebant verbum Spiritus sanctus
cedidisset, tunc sanctum apostolum Petrum ita re
spondisse memorata Scriptura testatur, Nunquid
quam quis prohibere potest, ut non baptizentur hi qui
Spiritum sanctum acceperunt sicut et nos? Et jussit
eos in nomine Iesu Christi baptizari (Act. x, 47, 48).
Illum quoque locum in eodem libro considera, ubi
dicitur: Factum est autem cum Apollo esset Corinthus,
et Paulus, peragrat superioribus partibus, venisset
Ephesum, et invenisset quosdam discipulos, dixit ad
eos: Si Spiritum sanctum accepistis credentes? At illi
dixerunt ad eum: Sed neque si Spiritus sanctus est
audivimus. Ille vero ait: In quo ergo baptizati estis?
Qui dixerunt: In Joannis baptismate. Dixit autem
Paulus: Joannes quidem baptizavit baptismate paenitentiae
populum, dicens, in eum qui venturus est post
ipsum ut crederent, hoc est in Iesum. His auditis,
baptizati sunt in nomine Domini Iesu: et cum impo
suisset illis manum Paulus, renit Spiritus sanctus
super eos, et loquebantur linguis et prophetabant (Act.
xix, 1 et seq.). Ecce tot locis attestantibus, inveni
mus quosdam in nomine Domini Iesu Christi, auctoritate
apostolica baptizatos. Dic ergo mihi utrum
illi qui baptizati dicuntur in nomine Iesu Christi, in
nomine quoque Patris et Spiritus sancti fuerint ba
pitzati, an hoc omnimodis neges. Quod si dixeris in illo
681 *Iesu Christi nomine, simul et Patris et Spiritus*
*sanc*t*i nomen accipendum, procul dubio unum Patris*
et Filii et Spiritus sancti confiteberis nomen; et ex
uno nomine, unum Deum necesse est sanctam con
fitearis continuo Trinitatem. Si vero baptizatos in no
nime Iesu Christi, dixeris non esse baptizatos in nomine
Patris et Spiritus sancti, quid restat nisi ut illud ba
pitzma verum esse non putas, sed ipsos sanctos apo
stolos prævaricationis reos esse pronunties? Quod
cum dixeris, vide quemadmodum te audebis Chri
stianum dicere, cum cœperis Christo in suis apostolis
repugnare, quem ipsis apostolis dixisse non nescis,
Qui vos recipit me recipit; et, Qui vos spernit, me sper
nit (Matth. x, 40; Luc. x, 16). Audi ergo sermonem
apostolicum, et doctrine atque operi apostolorum
reverenter obedientiam præbe. Ille itaque in his apo
stoli Petri verbis nullam patitur difficultatem, qui au
diens Christum præcipientem baptizari gentes in no
nime Patris et Filii et Spiritus sancti; audiens etiam
beatum Petrum dicentem, excepto nomine Christi,
nullum nomen esse in quo oporteat nos salvos fieri:

A certissime credit et indubitanter fatetur unum natu
 rale nomen esse Patris et Filii et Spiritus sancti. Quapropter necesse est, ut aut in uno nomine Trini
 tatis dari sanctum baptismum fatearis; aut nomen Pa
 tris, et nomen Spiritus sancti necessarium esse nou
 credas ad salutem humanam, et ex hoc saluberrimam
 Christi conuersi evacuare doctrinam. Sed attende
 quid dixerit Christus, cuius doctrinam veraciter ten
 nit Petrus. In nomine quippe Patris et Filii et Spi
 ritus sancti, gentes baptizari debere præcepit. Hoc
 præceptum Petrus tenacissime custodivit, hac do
 ctrina oves Christi usque ad effusionem sanguinis
 pavit. Christianæ quippe fidei custodiens veritatem,
 et sciens unum esse nomen Trinitatis; et illud
 verum dixit, quia, excepto nomine Christi, non est
 aliud nomen sub cœlo datum hominibus in quo
 oporteat nos salvos fieri; et quod docuit baptizari in
 nomine Iesu Christi, in uno baptizavit nomine Patris
 et Filii et Spiritus sancti. Nulla est enim in Tri
 nitate diversitas naturalis nominis, ubi est ipsa unitas
 naturalis.

FRAGMENTUM XXXVIII.

Filius est omnipotens sicut Pater, et sic habet omnia
sicut Pater.

Addis, et dicas: «Est ergo Filius omnipotens, sed
 non sicut Pater, quia Filio ipsam omnipotentiam
 Pater dedit et contulit; Patri autem omnipotentiam
 nullus contulit neque dedit.» Cum utique ex hoc
 magis agnoscatur Filius aequalis Patri, quia quod est,
 non habet aliunde, sed de Patre: nec est de nibili,
 C sed de genitore subsistit **682** aeterno. Servavit ergo
 quod suum est natura Patris in Filio, quia nihil ex
 se potuit proferre diversæ divinitatis illa generatio
 naturalis. Dedit autem omnia Pater Filio, nec ei ali
 quid negavit, in quo totam naturam suam ineffabili
 iter genuit. Quod ergo dedit Pater omnipotentiam
 Filio, in sola est origine, non in diversitate ipsius
 omnipotentiae vel nature. Illic dedisse qui querit,
 non aliud quam genuisse reperiet. Generatio autem
 illa, quæ naturaliter divina est et aeterna, in quo
 plenitudinem omnium quæ habet ostendit Filio de
 disse Patrem, in eo Patri Filium naturaliter demon
 strat aequalem. Sic ergo habet omnia Filius, sicut
 Pater: quia ubi generatio naturalis agnoscitur, ibi
 genitoris et geniti nulla naturalis diversitas inve
 nitur.

FRAGMENTUM XXXIX

Spiritus sanctus unus est naturaliter cum Patre et
Filio Dominus Deus.

Memento itaque omnibus tuis objectionibus nos
 Domino adjuvante dedissemus responsum: et noli cre
 dere Spiritum sanctum subjectum aut minorem in
 divinis eloquiis inveniri: nec ejus missionem carna
 liter cogites, nec localem putas, nec ei obsequium
 servilis conditionis assignes. Est enim Spiritus san
 ctus cum Patre et Filio naturaliter unus Dominus
 Deus. Quod evidenter agnoscitur, et in creatione
 omnium rerum, et in redemptione fidelium. Si enim
 Deus non esset, communia opera cum Patre et Filio
 non haberet; si Deus non esset, virtutem corporum

non ipse firmaret; si Deus non esset, angeli ad se prospiciendum non concupiscerent; si Deus non esset, super Jesum baptizatum nullatenus advenisset; si Deus non esset, unum nomen cum Patre et Filio non haberet; si Deus non esset, adoptionis divinae gratiam non dedisset; si Deus non esset, tem-

A plum nostra corpora non haberet; si Deus non esset, Christus in illo diem non ejecisset; si Deus non esset, cœlum et terram nullatenus implevisset. Ilæc igitur et his similia si recte cogitaveris, rectam fidem de sancto Spiritu mox habebis.

EX LIBRO III HINCMARI ARCHIEPISCOPI RHEMENSIS,

ADVERSUS OBJECTA GRÆCORUM, AD ODONEM BELLOVACENSEM;

NEC NON EX LIBRO III RATRAMI CORBEIENSIS MONACHI CONTRA GRÆCORUM OPPOSITA.

663 *Fulgentius episcopus, litterarum studiis admodum eruditus, et vita sanctitate perspicuus, ab Arianis quoque pro catholica fide multa perpessus, in libro Quæstionum de Spiritu sancti processione sic ait:*

Sic totum quod est ipsa natura, commune tribu invenitur esse personis, ut aliquid tamen inveniatur, quo proprie unaquæque persona noscatur: quod tamen nec inveniatur separabile, nec possit esse commune. Nam proprium Patris dicimus esse quod genuit; proprium dicimus Filii esse, quod solus de solo Patre natus est; proprium Spiritus sancti, quod de Patre Filioque procedit. In his vero propriis nulla est naturæ separatio, sed quedam personalis agnitus.

Item in consequentibus.

Non ergo potuit Spiritum, sanctum divinitas Filii

B accipere, cum ipse Spiritus sanctus sic procedat a Filio, sicut procedit a Patre, et sic detur a Filio, sicut datur a Patre. Nec illa natura, unde Spiritus sanctus habet originem, potuit vel exspectare, vel accipere largitatem. Spiritus ille totus est Patris, totus est Filii: quia unus naturaliter S. iritus est Patris et Filii. Proinde totus de Patre procedit et Filio, totus in Patre manet ac Filio: quia sic manet ut procedat, sic procedit ut maneatur. Unde naturaliter hanc habet cum Patre ac Filio unitatis plenitudinem, et plenitudinis unitatem, ut totus a Patre, totus habeatur a Filio. Non ergo accepit Spiritum sanctum divinitas Filii, cum qua unius est naturæ Spiritus sanctus, et ex qua habet quidquid habet, imo de qua est hoc quod est, quia quod naturaliter habet, hoc est.

ADMONITIO

IN SERMONES DUOS QUI SEQUUNTUR.

664 *Sermones hosce duos hactenus ineditos, e Vallicano codice a viro clarissimo Luca Holstenio olim descripsos, et ab eminentissimo cardinale Barberino huc missos, quia cum cœleris sancti Fulgentij sermonibus suo ordine in lucem edere non licuit, visum est hic ad cal-*

C cem operum ejus apponere. Horum autem priorem vera Fulgentij esse vix dubitamus; posteriori vero auctor rem aliud, et hunc quidem probatum, licet forte Fulgentio posteriorum vindicandum arbitramur. Quis vera sit ille hactenus non comperimus.

S. FULGENTII DUO SERMONES HACTENUS INEDITI.

SERMO PRIMUS.

In circumcisione Domini.

1. Incarnationis divinæ mysterium, nostræ reconciliationis egregium sacramentum, ob hoc a nobis annua revolutione celebratur et colitur, ut tanti commemoratio beneficij quid nobis indignis impensum ostendat, et quid tantæ glorie debeamus admoneat. Proinde, fratres, quanto magis audivimus Dominum Jesum Christum pro nobis misericorditer humiliatum, tanto magis agnoscamus ineffabiliter gloriosum. In eo namque suam circa nos insuperabilem caritatem Deus Unigenitus evidenter ostendit, in quo pro nobis humilitatem veræ carnis veræque mortis, non coactus necessitate, sed bonitate miseratus assumpsit. Quid enim boni feceramus, fratres, ut tantum nobis beneficium præstaretur? Quæ nostra bona merita sue-

D runt, ut Unigenitus Deus homo fieri dignaretur, ut Altissimus humiliaretur, ut indeficiens angelorum panis femineis überibus lactaretur, ut rex sæculorum contumelias afficeretur, ut vita æterna mori patientissime dignaretur?

2. Attende igitur, o homo, tantæ benignitatis dignationem, ut actionem persolvias humiliiter gratiarum. Scito autem te non honorificentiam, sed contumeliam divinæ gracie reddere, si cooperis de tanti beneficij magnitudine dubitare. Imo illa omnia quæ de humilitate atque humanitate Domini Salvatoris audiimus, vera esse sine aliqua hæsitatione credamus. Et ideo magis agamus gratias, fratres, qui cum mereremur poenam, pércepimus gratiam: qua gratia factum est ut dum juste mors debetur perditis, vita gratis donaretur indignis. **665** Altissimi namque Salvato-